

A photograph of a man with short grey hair and glasses, wearing a light blue shirt and a striped tie. He is holding a professional Sony HD video camera with a large microphone attached. The background is a dense green forest. The title text is overlaid on the upper right side of the image.

# ЛЕМКІВСКІЙ РІЧНИК 2012



# ЛЕМКІВСКІЙ РІЧНИК 2012

ВЫДАНЯ ПОСВЯЧЕНЕ  
ІСТОРИЇ І КУЛЬТУРІ ЛЕМКІВ

СТОВАРИШЫНЯ ЛЕМКІВ  
КРЕНИЦЯ – ЛІГНИЦЯ  
2012

© Copyright by Stowarzyszenie Łemków 2012

Загальна редакція  
і комп'ютеровий склад:  
**Петро Трохановскій**

Знімка на обкладинках:  
**Петро Басалыга**

Коректа  
**АТ-АТ**

**Łemkowski Rocznik 2012**  
указал się dzięki dotacji  
Ministra Administracji i Cyfryzacji

**ISBN 978-83-927395-8-6**

## Під знаком давніх і недавніх, але „середньо важних” подій

Тогорічний наш альманах не вміщат в собі матеріалів о історичних подіях так важніх для нашого дальшого і сучасного існування, яком була одзначена бодай в попереднім його виданню 100. річниця явління ся першого нашого часопису „Лемко”), але преці кожда подія внесла до нашого минулого свою окрему долю. І не все іх важніст мож вимірні оцінити, і зато в наголовку убезпечыл єм ся цитувальником.

Адже, дайме на то, припадаюча в 2012. році 65. річниця нашого вигнання – ци мож ій приписати маловажніст, менчеважніст? Кожда, аж і нияк не округла річниця Акції „Вісла” каже нам вертати до теми, але преці не таком міром, як то було в 1997 році, коли то на округле пілстоліття ставили сме пропамятни таблиці, кресты, монументы.

Быват і наопак. Того рока припадат барз округла – 600. річниця *Заставу Спишского*, дописом о якым зачынаме даний наш Річник. Річниця барз округла, хоц для нас не аж так важна. Бо дана подія не вплияла на нашу бытніст в якисий особливий спосіб, а єй достережыня було лем імпульсом до представління деяких історичных, культурowych підметів (ту реляций медже Руснаками Сандеччыны і Спиша), о яких коли-то выпадало, а бодай вартало повісти. Значыт ся, в публіцистычній практиці выявила ся така річниця бодай придатном.

Осіню того рока сполнят ся 20. років од організування в Бардиівських Купелях I Світового Конгресу Русиньского Языка. Як прібувати визначыти важніст тамтой події? Адже дахто бы повіл – для нас, Лемків, не быв він особливом інспіраційом до діяння на ниві одроджыня бесіды вітців, поставліня єй на рівен кодифікованого языка, преці уж скоре Стовариня Лемків по-кликало Комісию Народного Просвічыня, в час реченого Конгресу в двох школах Лемковины уж офіцыйні одбывала ся наука лемківского языка; то радше мы – як перши в русиньским сьвіті обудженые – были єдными з важнійших інспіраторів для скликаня Конгресу. А ци він бы ся одбыл, або ні – мы бы і так

робили свое. Та языковы конгресы організуют так народы в пеленках, як і тоты велькы, розвинены. Бо язык є жывий, заедно ся развиват, змінят. І языковы конгресы потрібны сут, і наш, нашы (бо одбыли ся наступны) потрібны сут.

Так і найдеме в Річнику, в розділі *Подii* допис о Спишы, котрий окрашений є літературным творами, два дописы о Акциі „Вісла” (тіж з літературно-музычном окрасом) і о I Світовым Конгресі Русиньскаго Языка (два тексты). Пропозиціі змісту были дакус інчы, але часто так быват, особливі в нас – де кадры сут, якы сут – же реалізация не цілком покрывают ся з плянами. Был м.ін. плян помістити допис на 100-літня Місіі Священномуученика Максима. Не вышло, хоц...

Тота тема, уж в розділі *Люде*, дост богато зарысувана є в барз цінным і обширным дописі Богдана Горбала о о. Михаілі Юрчакевичу, на спомин 60. річниці смерти, понеже о. Михаіл жыл і актыўні діял в даным часі, аж і был явным прихильником Місіі. Очывидні, текст не был писаний *під* тоту тему, а явил ся через історичны обставины першой чверткы XX століття, то є в найатыўнішым періоді жыття о. Юрчакевича. Тіж в даным роділи континууєме, разпочатый минулого рока, підрозділ *Rічници гу адсьвіжыню памяты*.

Но і розділ *Ювіляре*. Не будеме Ix ту приближати поіменні, кукнете ку кінцьови Річника, а будете видіти і, ...евентуальні, чытати, подібні як зміст цілого Річника. Тот вельокрапок є поставлений для побуджыння совісти днешнього „пересічнога” Лемка, котрий, ідуучы з прудом сучасности, рідко ся хватат чытаня. Аж і свойого, а може передовшыткым свойого. Может зато, же оно є... Вшытко ўдно, не пригноблений –

Редактор

ПЕТРО ТРОХАНОВСКІЙ

## Спиш – сусід Сандеччыны


(з причыны 600-ліття *Заставу спишского*)

Сес допис о Спиши в інчых обставинах, в інчым нашым выданю міг ся явіти колинебуд (і мал бы ся явіти уж давно), понеже головна тема вміщала ся буде під наголовком – згідні з його функційом. Сусіда не мож ігнорувати, о сусіді выпадат дашто знати. Та – зас, понеже – „Лемківскій Річник” дост твердо тримат ся річницьової концепцыі, жебы ся о дашто зачыпіти, треба ю было, таку річницю, найти. І она – барз округла – вміщат ся в піднаголовку. Барз округла, хоц для нас, Руснаків дост мало важна. Зато найдеме ю, поясниме дакус дале серед тексту, а зачнеме подля важности нашой.

Зачнеме од географічного пізриня, адже сусід мусит ся деси вміщати, з лівої ци правой страны, з горы ци з долы, од сходу, заходу, полудня ци пілночи. Tot сусід – Спиш – положений є взглядом Сандеччыны на полудни. Operet ся о ню плечо в пле-чо, хырбет в хырбет. Хоц з онym хырбетом, якій асоциюєме сой слушні з гірским хырбетом, быват ріжні. Tu, в даным припадку, границя Сандеччыны і Спиша пробігат то хырбетом, то зас є ньом ньом ріка – Попрад, а ішы в інчым місци лем узка долина, на якій трудно пошлідити якунебуд меджу (tot найбар-же східній краік долины Попраду влучено дакус ненатуральні до комітату Шариш). Генеральні пілнічний Спиш\* лежыт в по-річу Попраду, котрий, як знаме, втікат пак до Дунайця, з ним до Віслы, а уж братньо з ньом до Балтийскаго Моря. I є то tot в хырбеті Карпат припадок, де створены історийом (чы-тай: чловеком) політычны граници не пробігают головным европейским вододілом (пілніч/полудне). I є то причинок, за

---

\* Полудньовий Спиш, як част дакус „здеформуваной” адміністрацыйными поділами (комітат) історичной краіны, лежыт в порічу Горнаду.



Підгаля, Сандеччыня, Спиш і Шариш. Зеленом ленійом зазначено границю головного карпатського (і європейського) вододілу, вибігаючу за сучасну державну границю (нанюс ю Андрій Трохановський – дякую).

яким Спиш і Сандеччына, напротив діянням історії, політыки являють ся ближшими сусідами ніч бы ся то могло нам здавати. І є то причынок, за яким тіж зносины, ци по днешньому – реляції медже жуючима на Спиші і на Сандеччыні Руснаками були ближши як деінде. Ту не лем качки плюскаючи ся в Попраді не знали віками ніякої границі.


І кой сме спомнули о віках, зайдме од історії, може даяком жменьком і од праісторії.

Найстаршы шліди бытности человека на Спиші походять з палеоліту. В Ганівцях при Попраді найдено травертиновий одлив черепа неандертальського человека (травертин – осадова скала, мертвіця вапняна). Шліди од дальших (нам ближших) археологічних аж до історичних епох належено вельох місцях.


В IX столітю Спиш був очвидні частю Великоморавської Держави. Шліди єй культури найдено ту особливі густо. З того періоду походять осады в околицях Левочи і місцевости Немешаны, Смижаны, Біла Спишска, Спишска Нова Вес і Гель-

ниця. На Спиши - як пише др Михал Попович (см. джерела) утримала ся традиція, же Горазд ту пережыл послідні роки свого життя а та ай скінчыл свою путь (припомнийме - Горазд быв учеником Св. Мефодия і ним быв намащений на свого наступника). І жебы пак не вертати до темы кірило-мефодиянства, спомнийме о тым, же по такой 200-літній (Х і XI століття), часами отвертій борбі східного і західного обрядів на Уграх, іщи в XIII столітю утримувала ся на Спиши тата стихія. Мам на мысли зорганізувану церковну адміністрацію, в джерелах споминат ся спишський епископ візантійського обряду, знаний аж і з імена - Яков. В 1274 році пізнійша латинська капітула Св. Мартина в Спишському Підградю (полудньовий Спиш) носить іщи грецькы знамена. Пак вшытко ограничат ся лем до зацілільних Руснаків на пілнічним краіку Спиша, руснацькы парафії якого будут пізнійше належати до... перемышльської єпархії, а од XVIII століття до мukаківської і виділеної з ней в XIX столітю пряшівської єпархії.

Остаючы при політычній історії, яка потрібна нам до квествії Спишского заставу, речена земля бывла частю так званых земель ничыхіх. Король Штефан I, перший коронуваний владітель Угрів зял векшыну днешньої Словакії аж під конець свого панування, в роках 1025-1038, але пілнічны окраіны (і полудньовы гейбы польской страны) іщи ціле такої XI століття оставали земльом ничыйом. Правда, в польскоязычных публикациях найдеме тверджыння того тыпу, як: (...) *W skład zastawy weszły tereny należące wcześniej (od X wieku do połowy XIII wieku) do Polski* (см. Wikipedia, *Zastawa spiski*), але оне, бодай період односячий ся до X-XI століття, мож вложыти медже байки. Польскій Мешко I не держал іщи ани Krakowa, зробил тото аж Болеслав Хоробрий. Тот остатній выправил ся, правда, в 1001 році за Карпаты (і Судеты), але втримал словацькы (державні мадярскы) ци ческы землі - як де - то парунадцет років, то парунадцет місяци (інтересуюче, же Вацлав Фельчак в своім труді „Historia Węgier“ /см. джерела/ о тым епізоді ани не споминат, гейбы в мысель пізнійшого: *Polak – Węgier, dwa bratanki*). Што до XII століття, в Великопольській Хроніці споминат ся під роком 1136. гейбы польска каштелянія *Spis*, але в 1209 році Спиш, тіж і наша Мушына, сут



Угри в XI століттю. Зеленим кольором зазначено землі ничьї.  
Джерело: „Енциклопедія історії та культури карпатських русинів”.  
Автор мапы Павел Р. Магочий.



Провінція спишських міст заставленах Сигізмундом Люксембургським Владиславови Ягайлло (зелений коліор, з виділенням Любовнянського староства).

спомнены в документі угорского короля Андрія II. Інчий од того приведеного вище вікіпедийний текст /*Spisz*/ (сут они зрештом, уж зо заложыня, дискусійны) повідат: (...) *Około połowy XIV w. Polska utraciła okolice Podolińca i Starej Lubowli, należące wcześniej do ziemi sądeckiej.*

Вшыткы тоты, в ріжных версиях „посіданя” видят ся натіганы, в мысель нашой приповідкы *кажда рука гу собі крива*. Бо чом – кед речена земля належала бы до Польщи на просторі штырьох (!) віків – не старал ся о ню дорогом дыпломатычном ци мілітарном бодай Казимір Великій, якій так радо занимал чуджы землі. Самы зас обставины *Zastavu* 1412 рока дают вельо до думаня. І, акуратні, тераз ввойдме до темы піднаголовка.

В час войны о Орденом Крестоносців (*Krzyżaków*) угорскій король Сигізмунд (*Zygmunt*) Люксембургскій оповіл ся по стороні Крестоносців. 21 червця 1410 р. выповіл він войну Польщи і концентрувал своі войска при єй полудньовых границях. Кед Крестоносці програли велику битву під Грунвальдом, старал ся вынегоциювати хосенний для Ордену мирний трактат. Мир зо самым Сигізмундом заключено на зызді в Любовни 15 марта 1412 рока. Там тіж установлено основы пожычкы для угорского (од 1410 р. тіж німецкого) короля Сигізмунда, значучай сумы што походила з одшкодуваня выплаченого Польщи через Крестоносців. Такым способом 8 листопада 1412 рока Сигізмунд Люксембургскій оддал Владиславови Ягайлло, в застав за пожычену суму 37 тисячи кіп пражских гроши, 16 спишским міст (оне число міст в ріжных публикациях явит ся інакше). Діяло ся тото на замку Дунаець (пак Недеца, Нєдзіця), на днешнім польским Спишы, котрий товды, і должныно іщи, бо до часу одродженой, II Річпостолитой, належал до Угрів.

Прочытал ём текст *Zastavu* (в тлумачыню, з латыны очывидні, на польскій язык історика Владислава Семковіча). Є він дост обшырний, але, на диво (для мя), нее в ним бодай найменышой споминкы, жебы землі тоты належали колинебуд передтым до Польщи. І – з другой страны – ци была бы даяка льогіка в тым, жебы выплачати величезны гроши за тото што цілком недавно было моє? Ци не міг Ягайлло (а радше його двір, бо він сам тых справ, як Литвин, не тямыл) в позиції домінатора

по Грунвальді, чого проявом було і саме одшкодування выплачене через Крестоносців, доходити тепер дыпльоматычном дорогом мнимых прав до той землі? А додайме – заставлены были лем острівці, а ціла решта оставала в угорським владаню.

Спишскій застав не був николи викуплений через угорську сторону. Оны острівці остали в польських руках до падіння Польщы в 1772 р (самы „спишски міста” заяла Австрия уж в 1769 році, а Сандеччину в 1770.).

В періоді польского владання для нас в даякым сенсі важний был лем тот найвекший острів, на самій пілночи, на яким організувано Спишске ци Любовняньске старство, што держало найперше славний Завіша Чорний (в роках 1422 – 1428), пак його брат Фарурей, а наостаток через долгы десятюліття рід Любомірских.

Хоц товды граници нигде не были барз герметичны (мыто поберане было не зо взглядів адміністраційных самых зо себе, а гандльowych, зарібковых і то не лем на границях держав), все же таке сусідство, находжыня ся практичні в тій самій державі мало шувне влияння на зносины сандецьких і спишских Руснаків. Думам, же было оно хосенне в часі пародесятолітніх повстянь братчыків в XV столітю, в яким брали участ Руснакы (даякій час провід повстання был на замку в Плавчы, недалеко Любовні); під всяким позором мож ся было переміщати „ле-гальні”. Зас час панування Любомірских істнувала в Подолинци колегія, в якій вчыли ся і нашы, сандецькы Руснакы, векшыном шолтисовиче. А пак надышла бабуся Австрия, за котрої мож было іти вчыти ся аж до Відня, котру як заправды власну бабусю памятаме і за выятком Талергофу мило-премило споминаме.

Спиш замешкувало велью народности, була то заправды рідко стрічана мозаїка. Першбытні, очывидні по великих вандрівках народів, мало не до кінце першого тисячоліття, газдами были ту Славяне (не будеме ся уж шырити, роздрібнювати іх на Словаків, Руснаків, Поляків; товды іщи они як такы не функцыонували і невелью ріжнили ся медже собом). По занятуюх земель через Угры, од XII століття з рідка зачали ту кукати Мадяре. В XIII ст., по монгольській навалі, в час велької руіни

той землі явили ся німецькі осадники, і завдяки ім земля tota буйно роквітла (ремесло, гірництво). В XIV/XV столітю над-тягнули ту... Волохы... Вельокрапую, бо знате мя, мое станови-ско в тій справі. Але за текстом вычытаным в Вікіпедії (*Spisz*), інформацію туту на цілій шырокости оправдую, бо: *Ludność wołoska była w znacznym stopniu zeslawizowana już w czasach tej kolonizacji, zaś w ciągu następnych stuleci przemieszała się ze wschodniosłowiańską grupę etniczną Łemków.* Кед ся „*przemieszała*”, то значыт – ту – і подля Поляків мы уж были на тій землі.

Подля списів веденых м.ін. в 1869 і 1910 роках было в Си-скым комітаті однісні 50,4% / 58% Словаків, 35% / 25% Німців, 13,8% / 8% Руснаків і 0,7% / 6% Мадярів. Чудне, же не одноту-вано Поляків. Знімчыли, а передовшыткым золсовакізували ся. Зменчало ся драстычні і Руснаків (ту треба зауважыти, же меш-кали они лем на пільночи і на східніх краіках комітату і на тых теренах становили значучий процент).

Днес Руснаків маючых ся за Руснаків ё іщи менче, але на просторы віків Руснакы-Спишакы вельо внесли до скарбниці нашай культуры, літературы.

Як сусідове, міцно пережыли наше выгнаня (слухал ём роз-повіди м.ін. п. Гаврила Бескіда з Легнавы; ё то окрема тема).

Як конклюзию днешнього допису, мож высловіти твер-джыня, же медже Сандеччыном а Спишом од правіків аж до 1918 рока николи не было ниякой границі... Неё ёй уж і днес. Лем днес нас, сандецкых Лемків, там неё...

#### Джерела (м.ін.):

- ПгДр.Михал Попович, *Archieniskon Gorazd i наши предки*, „Русин”, 5-6/2002.
- Петро Трохановскій, *Тисач років під Поляками* [в:] „Лемківскій Календар 1999”, Крениця-Лігніця 1999.
- Wacław Felczak, *Historia Węgier*, Ossolineum 1983.
- Marek Sobczyński, *Kształtowanie się karpackich granic Polski (w X - XX w.)*, Łódź 1986.
- Wikipedia. Wolna encyklopedia, *Spisz*.
- Wikipedia. Wolna encyklopedia. *Zastaw spiski*.

**На наступных странах поміщаме выбране з творчости дав-нійших і днешніх Руснаків зо Спиша, ай жменьку нашого – о Сиши. ⇒**

## ЮЛИЙ СТАВРОВСКІЙ-ПОПРАДОВ (1850-1899)

(Вродил ся в Сулині над Попрадом. Священник, абсолювент семінарії в Будапешті і Будапештанського Університету. Служив долги рокы в с. Чертіжне, де є похований. Писал поезию, але тіж зберал фольклор (м.ін.байки), описувал народны звычаї, жыття Руснаків. Писал по росийскы, такій был час.)

### Спиш

І зас єм виділ Спиш, де сніжно-білы верхи  
Могучых, надприродных, пречудесных Татр,  
Як стражы, в ден і ніч, свитаньом і о змерку  
До вышніх небес гордо зрят.

Гігантів наших стран во сні єм чудным виділ,  
І радіст незбагнену шугай-вітер нюс:  
Же твердий ґраніт іх од хімер злых західніх  
Стереже вірно нашу Русь.

О ту, де рідний край, од Татер недалеко,  
Зас перебывал єм і кормил серце-дух,  
В раменах моих гір споминал – як маленьким  
Сны-мриі єм голубил ту.

З высоты виділ єм селечко малюване,  
Потічок черкітивий і вітцівський дім,  
Лелиі при ним цвіт, різблений при ним ғанок,  
Яблони в саді мила тін.

На съвіт єм пришол ту, ту рокы молодости  
Невинной прожыл єм і перший рускій звук  
Ту вышол з моих уст, ту в серце мі загостила  
Народу моего вірний дух.

Ту мій доєден кут богатий споминами  
Сріблисто-пелехатых одшумільних літ.  
Ту моя душа жде радости давных знамен,  
І серце жде... та іх уж ніт.

# Вернувши до Отчызны

Подорожувал я недавно  
І в чуджых краях схопил ём,  
Што жыют там народы славны,  
Достойны самых похвал лем.  
Я виділ там прекрасны діла,  
Плоды разуму, наук, муз,  
Намістя людны, тыркотливы,  
Замки, костелы – в блеску цілы,  
Твориня змысных людских тужб.

Та што-ж? – Ту повім простодушно:  
Чудні мі быво гын як-раз,  
Чул ём ся смутно, аж незручно,  
І з трудом тровил вшыток шпас.  
Адже холодны тоты башты  
Што ся кепешат гордо там,  
Не то – што хыжы рускы, нашы,  
Полны любови не ледацой,  
Не то – што наш священний храм!

В чуджыні слухал ём бесіды  
Великых мовців, славных лиц,  
В соймі, на вічах, ци деінде  
Подивлял ём іх слова міц.  
Слухал ём тіж і вченых споры,  
Трафил ся не раз театр, баль,  
Сыпівакы славны, велькы хоры,  
Легіцькы кроочки Терпсихоры,  
Резонанс концертовых саль.

Та што-ж? – По звуках, єдных, других  
Огником блудным сchezнул шлід,  
Не розогнали они тугы,  
Радости не принесли – ніт!  
Mi слово рускє, свое, рідне  
Дорожше од высотных фраз,

Сыпів дівчат простий, та погідний,  
Як вітер – танець іх свободний  
Милійши од оперных крас.

В чуджыні виділ я природу  
Блеском чудесну – як во сні;  
Винниці, сады, загороды,  
Лучки, травнички – єден цвіт;  
Я виділ верхи – высочыны,  
Што блищац на них вічний съніг,  
Бродил в зеленых гущавинах,  
На райскы смотрил ём долины,  
Потоків срібных шлідил біг.

Та што-ж? – Природы той містичной  
Краса не дітхла мя, ни кус;  
За крайом рідным цло ся вічно,  
Наруча полне смутку-м нюс.  
Не бродит моя фантазия  
По ледах ґранітовых шпиль,  
Лем ту, в Бескіді моім жыє,  
Потоком ярнім все бырміс,  
Дарує серцю сладкій біль

Моя Отчызна ту, в Карпатах,  
Серед лісистых синіх гір,  
Де в хыжках малых зо загатом,  
Жыє з правіка нарід мій.  
Ту ём ся вродил, і до страсти  
Влюбил і одяг очий вділ;  
Я ій, хоц біdnій, без омасты,  
Але в простоті – так прекрасній  
Понесу свій завітній сыпів.

*Злемківицыл Петро Мурянка*

# Wspomnienia znad Popradu

Popradzie, synu Tatr uroczy,  
Dziecię lodami skrążących skał,  
Jak oszalały fale toczysz,  
To w cichość wtapiasz wodny zwał.  
Ja często we wspomnieniach wracam  
Do ciebie, druha tamtych dni  
I bliskość twoja mi się śni,  
I serce bicia rytm zatraca.

Przecie u brzegów twoich stromych  
Matczyna kołysała pieśń  
I w wodach twych, jak w Bożym domu  
Uświęcający wziąłem chrzest.  
Wyrosłem tam, tam się uczyłem  
Od serca kochać ojców ród  
I tam, w bliskości twoich wód  
Swój szlak Rusina wyznaczyłem.

Gawęd przedziwnych tam słuchałem  
O tym, jak wieków wstawał brzask,  
O zamkach, grodach pełnych chwały;  
Jak zgiełk bitewny w znoju gasł...  
Wszystkiemu kres! Lecz ty zostałeś  
I dalej swój przedłużasz bieg,  
I z sobą najmodrzejszą z wstęg  
Karpatoruski ród związałeś.

I ja zbratałem się też z tobą,  
Dzieciństwa pokochałem łzą.  
Przejrzystą głębią lazurową  
Zdołałeś mnie w niewolę wziąć...

*Przełożył Petro Murianka*

# До Карпаторусів\*

Карпатска Русь, чом кыснеш ты, як паралітык,  
Як жертва, што ій присуджено ден-два жыти?  
Застыват в тобі кров, пламінчык духа згас,  
На лиці бліда тін, як в передсмертний час.  
Сынове твоі уж губокым сном заснули  
І в багні ліни безконечной потонули.  
О, ты, нещесна Рус! Повідам просто в твар:  
Як годно жыти так – жывотом блудных мар?  
Великій тупий біль верещыт, душу жре,  
Бо то і стыд і гріх – от така смерт, не смерт.  
Кохати язык свій, любити власний рід  
Не заборонят меч – законів таких ніт.  
А жадат того Він, Вселенной Вседержытель,  
Народів вшыткых безприкладний голубитель.  
Народе рускій мій! Велика твоя вина.  
І за ню заплатити треба на колінах.  
Твій низкій, тупий лет, самопідданчий дух  
Підорвут твою чест; вороги на то ждут.  
Ты зрадил себе сам, ты сам свій кырвопийця,  
Ты сам продавчык свій, і свій самоубийця.  
Ах, што за брыдкій стыд, вір мі, Карпаторусе!  
Не медвід ты, не лев! Заяцьом быти мусиш?  
Червеній же – так, так! І пробуд ся, а скоро!  
З лінівства багна пний ся съміло вгору.  
До свого, до руского най ти горит любов,  
Бесіды рідной цвіт ты плекай, де допч уж!  
Бо язык вітців – сруб, то підвалина з дуба,  
І йому словом, щырым пером вірно служ.  
Пропаде товды цма, науки ясной съвіт  
В Карпатах рідных шырцьом ся розпросторонит.  
І Бескід сивий наш, што серед смутных літ  
Оплакал тебе уж – радости слезу зронит.  
І будеш, вера, зас – за нарід, не згнилизну,  
Корысний, чесний газда землі той – Отчызны.  
Товды і неба Цар одпустит тяжкій гріх,  
З сусідських сchezne лиц понижуючий съміх.

І брыдкє, чорне пятно ганьбы вкрыє слава  
Народных передпринять, великих, досконалых.  
Бесіды твойой чест ожыє, стане зас,  
Народом будеш ты, як жадал прадід наш!  
Так, дост уж того сну, карпатскій небіжчыку!  
Послухай, кличут тя болячым, жывым криком  
Збуджены верхы гір, потоки розчерчаны:  
Батурій, з мертвых стан, народе невыспаний!  
Батурій, двигай уж до труду свої руки,  
Най оре серця плуг, най квитне край науком.  
Де сонця ясний блеск – в надії двигай зір  
І найдеш щестя ту: серед Карпатских гір.

*Злемківцыл Петро Мурянка*

\* Верш написаний передовшыткым під товдышню інтелігенцию, яка в часах молодости поеты, особливі в 70-80-ых рока XIX столітя за діяньем єпископа – мадярона Штефана Паньковича піддала ся мадяризациі.



Спишкій град.

## ВАНЬО ГУНЯНКА (1888-1968)

(Наш Ваньо Гунянка, направду, Димитрий Вислоцкій. Його біографію вшытки знаєте, гей? Серед вельох творчых образів намалювал він і постать Петра Павлика, легендарного спищского дротаря.)

### Петро Павлик

(вымкы з драмы)

Там на Спиши, під Татрами, де біда велика,  
Породила мама мене, шестого Павлика...  
Мама моя була бідна, при мі повдовіла –  
Моц робила, мало спала, а найменьше іла...  
Пят діточок ій охабил мій няничко Грицко,  
Стару хыжку і кус дроту – було того вшыцко...  
І в тій хыжи під Татрами, по смерти старого,  
Уродил ся і я, Петро, на сьвіта дорогу...  
Уродил ся, окрестили, пану заплатили,  
А пак маму од нечystої силы выводили...  
Ане никто не подумал о нас, нашій долі –  
Ци одіти, і ци съты, ци дашто не болит...  
Жыла мама, – ба, не жыла, лем так жывотіла,  
І на своі, на голодны діточки смотрела.  
А діточки посовіли, почали гмерати;  
„То на вшытко воля Божа!” – плаче бідна мати.  
Не долго і моя мати по сьвіту ходила,  
Кашель, колька ей мучыла, аж ей домучыла.  
На третій ден мене рыхтар з хжы гет выгонил,  
Бо хыжу взял превелебний пан за похороны.  
А для мене ся остали лем: стара гунянка,  
Палиця, дзорава торба і дроту вязанка.  
Тільки того мі остало во спадку по няню,  
Бо і нянько мій тыж ходил в сьвіт по дротуваню...  
Пустил я ся, яко дротар, до сьвіта, за очы,  
„Дайте горчкы дротовац!” – кричал што лем мочы.  
Але планий был заробок, ніт хліба, лем вода;  
Ішы на бляшаны горці пришла потім мода...

І купил я собі нютів, почал нютувати –  
Научыл ся помаленькы і кітлы латати...  
Ходил, кричал, гет по съвіту, по містах і селах,  
А хліба все мало було, нич ся мі не вело.  
Ту злы люде мя ганьбили, там псами гуцкали,  
„Дайте горчкы дротовац!” – злы діти кричали...

Ішли літа за літами, зимы за зимами –  
А у мене тата гунька, што єй і ту маме.  
Тата гунька і кошеля, до дехтю змочена,  
Тай торбина полатана – були мойом женом.  
А виділ я в съвіті люди – богатых і сътых,  
Виділ в шолках, златі, перлах, розкішно одітьх.  
Повідали превелебний, же то Божа воля,  
Што для єдных лем богатство, для других недоля.  
(...)

І на старіст я ся завзял, взял і панів лишыл;  
Повідали превелебний, же я барз зогрішыл.  
Та по смерти єм ту пришол, ду – до пекла просто.  
Та, што хцете, зо мном робте, душу мою возте,  
Лем мя на съвіт уж не женте, бідного Павлика,  
Бо на съвіті нем злы люде і біда велика.



Ансамбль „Барвінок” зо Спиша (Камюнка).

## МИКОЛАЙ КСЕНЯК

(Доктор педагогічних наук, але передовшыткым писменник, майстер короткої формy; його байкы, осаджены в ріжных епоках і культурах были не раз публикуваны в нашых выданях. Єднако найбарже залюбуваний є в рідnym Спиши, рідній Камюнці – селі дротарів. Тій таматыці посвятiv найшырше свое перо, написал, вершом і прозом, дві книги посвячены камюньским дротарям. Лавреат „русињского Оскара”, літературной Нагороды ім. Александра Духновича)

## Жмені рідной землі

„Же праві ся мусят дябли женити, кед на мене пришла з ничего-нич горячка і гу тому ём такой двадцет кільометрів од газды, в котрого перебывам. Іщи щестя, же ём зо сынном, бо кёбы сам, та не знам, што в тій съніговій каламіті бы-м почал, – роздумує камюньскій дротар Петро Карап. – Гей, днес ём примушений хворотом перестати майструвати. Най газдыня зве оправити, латати ци дротувати! Ни, пребачте, заран гей, але моментом ём не способний. Горячка ня палит, пот з мене капкат, ногы мі зослабли. Ледва крошню несу. А гу тому зимний вітор дує, сънігом до мене пере а тяжкы чорны хмары іщи веце ся на землю спущают. Та мушу признати, же такій час має на то свое право, бо ё марец і він вывиват танец ту, в Сербii, і в нас, в Замагурю.

Тугше позапинам серзак і гуньку, бо холод ня прешыват, під скору ся загрызат. Но, уж ситуация ліпша, бо входжу до села, ближу ся помалы гу церкви, де мена ачий уж сын чекат. Так сме ся рано догодли.”

— Няню, чом мешкате?

— Є мі, сыну...

— Чом ідете так нескоро? Ци сте не збачыли, же хмары... Што ё вам? Ледва на ногах стоіте. — Такой взял Миколай вітця під пазуху. — Є вам планно?

— Барз планно, сынку. І так нечекані ня то взяло.

— Як такы дійдеме гу газдови? Тад то двадцет...

— Та уж лем даяк, сынку, ся довлечеме.

І плетут ся польвом дорогом дві постаті биты вітром, понуряючи ся до нескоровечерньої тмы. Часто ся затримують, о стромы, о телеграфічны столпы ся операють.

— Мороз, сыну, ня перешыват, зима трясе...

— Уж ся приближуєме, няню, лем вытريمте.

І зас короткы крокы, зас підперат хворого, невладного сынова рука, зас чути збыхы, скреготаня зубів... Влечут ся дві споены фігуры через село, сперли ся перед будинком, в которым нашли стріху над головом, перешли двір і гвоздили до своєї дільні. Лампаш ся розсьвітил, старий дротар люг на лавку, молодий го поприкрывал, запалил в пеци, поставил на чай.

— Дам вам, няню, хліба і кобасы.

— Ні, не хцу, — ледва чути одповід.

— Липовий чай з румом вам поможе.

— Міцно ня стрясла зубата. Вельо сил єм стратил.

— О два-три дни зубату выженеме. Зас будете як прабок...

— Ой, кєбы єс мал правду. А з мене фурт тече.

— Може то є добрі — вытече з вас проклята хвортота.

Дам вам чисту кошелю. Переоблечте ся.

Долго не доказал з дротаря выгнати хвортоту ани міцний чай, ани порошки з аптыкы, ани мокры обклады. Дротаря Петра хвортота змінила на непознання: схуднул, на ногах не встоял, памят ся му загмливала і діравила. Та настал ден, кед як чаровным прутиком махне: вшыткых познал, мал чисту і добру мысель, дротарів-камаратів ся вивідувал, як іде ремесло, што пишит з дому, якы зарібкы... І газдови дякувал за прихыління в домі. Каждий од Петра одходил пересъвідчений, же о ден-два істо двигне крошню зо серсаном і повандрує по своім районі. А гвечер, — кед одвидины ся розышли і остал лем сам зо сынном — нараз змінил і тему, і оптымістичніст мысли.

— Сынку мій, добрі собі запамятай, што ти повім, бо веце того не повторю.

— Слухам вас, няню.

— Кед гмру, сынку, ты мусиш быти мамі опоров, ты мусиш плуг певно в борозді тримати, луки косити, з ліса дровна...

- Чом о таких смутных... Тад найгірше мате за собов, здравя ся вам навертат.
- Знам, Миколайку, чом ти...
- Мылите ся, уж сте перемогли зубату.
- А свого молодшого брата вчый вшыткым роботам: і косити, і косу клепати, і горці латати...
- Няню, же вы собі з мене...
- Свою малу сестру нигда никому не дозволь уражати, осьмішувати!
- Вы мене не слухати і лем свое.
- При купуваню корунку на долони трираз зобертай.
- Няню, уж дост. Не жартуйте.
- Іщы ти приказую...
- Што ся з вами робит?
- Свою крошню о три-штыри рокы даш братови. А до ма го зашколь, най в дротарстві набуде істоту. Мою крошню ты здішиш.
- Брата вы зашколите.
- Не скач мі до речи. Іщы єдно ти наряджу... Чуджа земля, сынку, є немилосердна. Є барз тяжка. Ани дыхати не даст. Зато...
- О чым то вы?...
- Зато ти наряджу і тя прошу, сынку мій любий, принес мі з нашого хотаря три-штыри жмені рідной землі і посып мій гріб. О тotto істе попрос дротарів – моїх камаратів з Камюнкы, Странян, Орябины, Литмановой, Липника, котры в тым районі майструют... Слухаш ня сыну?
- Слухам, лем тому не розумлю, бо вы заран двигнете крошню і...
- Запамятал ёс собі, што-м ти тепер наказал?
- Барз добрі. Уіщую вас. Уж спокійніо лежте, одпочывайте і ся не трапте.
- Под т'у мі, най тя поцілую і од цілой родины ся одоберу.
- І поціувал сивий дротар трираз сына зо слизами в очах.
- Няньку, што ся з вами чынит? Уж ся не трапте...
- Уж істо, сынку, ся не буду долго трапил.
- І обернул ся майстер на другій бік. І в тым моменті ся поминула його ясна мысель. Обновила ся горячка, блудно

выкрикувал, душыл ся зимниця ним трясла. Кед ся переберал, был цілком забатурений. О минуту цілий сьвіт ся з ним крутил, в голові му гучало, при серци остро штыхало. Не помогали чаї, не одогнали брыдоту ани порошки, ани обклады не ульжили болести, а рано... Рано наш майстер лежал спокійно. Был вылічений. Нич го уж не трапило.

Сын мозолистом руком запер няньови очы на вікы вічны. Вистроїли християнський погріб. На цмынтері в чуджыні прибыл сьвіжий гріб з деревяным крестом.

Люде ся розышли, при гробі остали лем дротаре.

— Не забуду, няньку, — шепче Миколай і втерат слезы. — Дякую вам, майстрове, і проздраджу вам няньову послідню просьбу.

І порозправлял і попросил.

На другій ден несла почта в копертках смутну новину до Камюнки, Орябины... Текли вдовици слезы болю, плачали сироты, дзвонили погребны дзвоны, в церкви служили задушну літургію.

— Што без тебе, Петре, почну? — боженкала вдова. — Хто дрібним діточкам поможе? То в гробі мам сама лежати?...

Та ани болести, ане слезы не сперли біг тыжни, місяци. Яр одквитла, зерно з роль звезене. Осін намішала жолты, баршановы і червены фарбы і першым морозиком помалювала травы, листя.

В тій добі рока і дротаре — як перелетны птахи — рыхтуют ся до сьвіта на зарібкы. Миколай ся добесідувал з тыма дротарями, котры з ним майстрували в єдным районі, хто коли двигне крошню на хырбет, та головні, коли ся зыйдут при гробі. Зродила ся догода: буде то перша листопадова неділя пред полуднем.

Подля старых обычаів Миколай розлучыл ся з мамом, сестром а молодшій брат му припомянул:

— Од студні!

І повандрувал Миколай першій раз без вітця. Ідучы майструвал, галерик гу галерикови прикладал, путувал выходженымі стежками на полудне, дротувал — цифрувал, латал і гу корункам дальшы філерики одкладал. Так

ся ближыл гу селу Древіца, де жыл газда і котрий ачий уж на нього чекат.

При звитаню з газдом і з його фамелийом, господар го заскочыл.

— А де маш, майстре, брата?

— О, він мусит ішы підроснути. Має лем деват років. Най ішы до школы походит.

Першій ден по приході Миколай побral ся з мотыков і грабличкамі на цмынtr. Поклонил ся няньови, клякнул гу кресту.

— Ту ём, няньку милий. А дома вшытко в порядку: ма-ма вас поздравляют, брат і сестра вас цілют. Вроды сут під стріхов. Газдування іде подля порядку. Лем вы нам барз хыбуете.

Потім ся помолил, оправил гріб, выскубал траву, упевнил крест. Звязану жменю жывых квітків положыл гу кресту.

— Прийдеме, няньку, — розлучыл ся Миколай.

Потім молодий дротар такой два тыжні майструвал по районі, обышол осады і села.

Близька ся перша листопадова неділя. Миколай ся на ню тішыл, же сполніт, што обіцял, но і зато, же вшыткы дротаре му істотні... Але мал чомси і страх: подарит ся то? Дотрилмют слово? Буде то достойно?

Ішы гвечер зашол гу гробу, пооправлял го, жывы квіткы зложыл. Вернул ся до дільні, оголил ся, повмывал, одіня вычыстил, вшытко на заран порыхтувал. В неділю рано побral ся до церкви, але долго там не вытримал, не дало му то. Вернул ся на газдівскій двір, взял вшытко потрібне і выкрочнул гу цмынтерьови.

Ден стоял ясний. Было тихо. На цмынтери – никого. Над няньовым гробом – ани то не хтіл – си усьвідомил, як час скоро жене: пред роком нянько ішы были полны силы, плянували што дома примурут, же коровку прикуплят... а так нараз іх не звалило, але підтяло. А кёбы хоц лем дома, але...

— Слава Ісусу Христу, — перебрал го чыйси голос з раздумування. Опамятал ся. При гробі стоял Штефо Зима-Фециян.

— Слава і во вікы.

Не стигли собі порядні руки стиснути, уж ся горнули на цмынтар Чеканяк і Кузмяк зо Странян, Каня і Деревянник з Орябины, Глинка з Литмановой, Дзубряк, Шквара, Юрашко, Мартяк і Колят з Камюнкы. На Миколайове преввалиня обявил ся при гробі і газда.

Приявны дораз обколесили гріб і хтоси зачал *Отче наш*. Вшыткы хлопскы голосы зляли ся до єдного. Гнет перешли на *Богородице Діво*. По молитвах запанувало тихо. Миколай не чекал, вытягнул мішечок з кышені гунькы, розвязал го і набрал до жмені глины.

— Няньку любий, подля вашого желаня принюс ём вам рідну землю, жебы ся вам легко спало. Першу землю вам посылают мама зо двора, спід грушкы, другу, од студні, ваш сын Андрий, третю дівка Марка зо загорідкы, де сте садили ружы, а четверту я вам даю. Є з полянкы з Хотарного, де сте мі клепали косу до першого покосу.

— Я ти, Петре, набрал на Стражці, де сме враз орали нашу скалисту землю — шепче Сивулька.

— Я з Лысиной од студенкы...

— Я з Дубного, де сме коровы пасли...

— Я спід Высокой, одкы сме красоты хотаря обдивлювали і де сме поляновы съпіванкы нотили.

Прибрали ся і дротаре зо сусідніх сел. Цілий гріб был посыпаний рідном земльом, на котрій ся народил, котра познала його першы крокы, котру не раз перешол своіма ногами, котрой материњскé слово і съпівы кружыли в його кырви, котру ціле жыття скраплял своім потом і котру носил в своім серци по съвіті. Як же бы му могла хыбити ту, де спіт свій вічний сон?

Хлопи кым ся розышли, іщи засыпівали *Вічную памят, блаженний покой*. Лем сын Миколай остал клячати при гробі. Схылил ся низко гу кресу.

— Няньку любий, уж є вам легше? Уж є вам ліпше?

## МИКОЛАЙ КОНЕВАЛ

(Жыє в Камюнці. Жыє жытьем достойным, богатым духом. Жакує в церкви, помогают пеленчыти „Барвінок”, якій такой што рока приїзджат на нашу Ватру в Михалові, творит вельо доброго для своего села. И о Лемках, што жили даколи з таңтой страны не забыват, пише.)

### При граници

Пасеме з дідом коровы  
Высоко в горах, на поляні,  
Дідо позерат замыслений,  
Смутно ку польській страні.

– Ой, діду,  
Чом же вы смутний,  
Чом мі уж дашто  
не гварите?

Чом вы так барз  
замыслений,  
Чом вы без слова сідите?

– Ах ты мій внучку  
миленький,  
Видиш там стопки  
на граници,  
Видиш там стару хыжочку,  
Што при ній роснут ядлівці?

Даколи там,  
з другой страны  
Діточки при хыжці іграли,  
Там лука была покошена,  
Кіпочки сіна стояли.

Дым густий  
з хыжкы выходил,  
Нюс ся догоры з комина,  
Там полуденок ся вариł,  
На поді была солонина.

Газда зо свойом газдыньом  
Сіно враз клали до воза,  
При возі псиk собі лежал,  
Кус дале пасла ся коза.

А гнеска? Стріха дірава...  
Як то ся вшытко минуло.  
Без края некошены травы,  
Небо над нима посмутніло.

Уж ніт там  
тых добрых люди,  
Далеко одталь іх забрали  
І лем копчыкы  
з мурянками,  
Яркы, студенки остали.

Нашы то люде тіж были,  
Лемкы, як мы,  
з другой страны.  
Тераз ту стоіт граница,  
Преходы плугом поораны.

І летят рокы, скоро прейдут,  
Ты зостаріеш, будеш дідом,  
Уж старой хыжкы  
там не буде,  
Припомній ей ты  
своім сыном.

Не было ту давно ораня,  
Ни стопків жадных,  
граници,

По странах обідвох дружні,  
Спокійні жили Руснаци.

- Добрі, мій діду старенькій,  
Будте ви собі без старости\*,  
Розповім я своїм дітьом  
О вашій красній молодості.

І одраз смуток дідовий  
На радіст ся переміnil,  
Бо єм виокресал із него  
Втрачену іскорку надії.

Його споминка остане –  
Якы даколи часы были,  
О Лемках, што пред роками  
По другій страні жили.

## Опущене лемківське село

Позаразтали стежки  
Выходжены Лемками,  
По яких ходили  
Хлопці за дівчатами.

Хлопці за дівчатами  
Од села до села,  
Вшытки стежки буря,  
Ой буря Вісла змела.

Не дзвоняят дзвоны в церкви,  
Несе Божой Службы,  
Не чути весіля,  
Не затанцує дружба.

Тихонько, без съпіву  
На лемківскій поляні,  
Шарочки порожні,  
Пусто в кождій стайні.

Старий пес не забреше,  
Газда го не спустит,  
Ретязка заарджавена,  
Цілий двір ту смутит.

Смутний погляд, Боже,  
На опущене село...  
Яка тут була радіст,  
Як тут було весело.

## Лемківський гріб

Трава росне, вітер дує  
По лемківским гробі.  
Вічним сном тут спячий,  
Лемку,  
Хто приде ку тобі?

Хто ся буде за тя молил?  
Хто засьвітит съвічку?  
Із чатини вінец зложыт,  
Зелену яличку?

Твоі діти гет, далеко  
Одыйти мусіли,  
Вічним сном отуленого  
Тебе тут лишили.

Тебе ся не тыкал розказ  
Оставити землю.  
Гнеска ся не тішыш дітям,  
Ты тішыш ся терню.

На землиці своїй рідній  
Ты вырастал з терньом  
І терньовом тіш ся ружом.  
Ты Дома. То лем сон...

-----  
\* без старости – без старунку

ЯРОСЛАВ ТРОХАНОВСКІЙ

## Акція «Вісла». - То уж 65 років!

Здає мі ся, же то було лем вчера, як оного червцьового ранка 1947 рока до нашого красного, спокійного села пришло Польське Войско. Під вікнами нашої хыжы стало двох вояків з багнетами на карабинах, а до хыжы гвошол офіцер з ліворвером в руці, вимахуючи ним на ліво і право... За столом взрил няня, што акурат іти съніданя бо мали іти на поле до роботи.

- A ty coś za jeden, pewnie bandyta?! Ręce do góry!
- Hî, пане, я господар того дому.
- A dlaczego jesteś w mundurze?
- Бо-м недавно вернул з фронту і не мам ішы цивільного убраня.
- Ale ten twój mundur nie polski – tylko jakiś inny, ruski!
- Так, бо я в рускым войску служыл, а тепер; як пане офіцере хыбаль знате, медже Поляками а Рускым полна дружба!
- To się rozumie, ale dokumenty jakieś masz? Wylegitymuj się!
- Не можу пане, бо сте мі розказали тримати руки в горі а документы мам в лівій кышени мундуру.
- То опушь ręce i pokaż dokumenty!
- Воліл бы-м жэбы то вы пане сами вытягли си тоты документы, бо лем пару дни тому вашы колегы при подібній ситуаціі застрыгли в Бортным мешканця того села під претекстом, же сігал по оружя, а він хотіл ся лем вылегітимувати. Застрягли го, хоц был в польськым мундурі в ранзі старшого сержанта і тыж не-давно вернул з війны.
- A to już tu dotarło?
- Так пане; злы вісти прудко ся розходят!
- Rzeczywiście, ale jak chcesz dłużej pożyć, to radziłbym ci nie paplać o tym na lewo i prawo. Pokaż te dokumenty i gadaj ludzką mową, bo chyba rozumiesz po polsku!?

– Так пане, не лем по польськи, але осьмілям ся звернути увагу, же то вы до мене пришли «в госьці» а не я до вас, і кус негарді мі розказувати в мої хыжы як мам бесідувати!

– Stul pysk i nie bądź taki hardy, bo jak chcesz to ci zaraz pokażę gdzie twoje miejsce! Zresztą, to już nie jest twój dom i nie jesteś tu gospodarz! Za dwie godziny masz być spakowany i czekać na drodze! Wolno ci zabrać tyle, ile dasz rady spakować na jeden wóz! – повіл того і забераючи єдного вояка пішол дале. Другого вояка лишыл на подвірци, жебы нас пильнувал...

Так меньше-більше виглядала бесіда медже няньом а офіцером і няньо заміст піти з мамом на загороду окопувати компери, ради-неради зачали збивати з дощок скриню, жебы поскладати до неї дрібнійшы річки і вшытко што потрібне в дорозі. Та кілко мож забрати на єден деревяний віз што го мали тягнути дві гірськи коровки? – Тільки штонич.

А до того пришла ішы наша сусіда Афія што в 1940-ым році виїхала з мужом до ССРР,<sup>1</sup> але як виділа яка там доброта, то чым скорше втікала назад. Повело ся ій вернути домю през зелену границю завдяки тому, же Німці напали на Совітський Союз.

Та сусіда Афія зо своім мужом Титом і два і пілрічним товдыш сыночком, што го звали Ванцьо, були барз бідном родином, бо єдину коровку яку мали, забрала ім зимом 46 рока польська банда зо сусіднього села. А потім тот сам льос поділила і коза наших сусідів, бо мешкали близко при лісі та выгодні єй було злодіям пірвати. То тყж поза горстком лахів, кус зеренця, компериків, пару курок і інчай дрібниці не мали нич. Але і того на плечы ся не дало взяти. Та нашы сусідове просили на змилуваня Боскє моіх родичив, жебы взяли на віз і их добыток...

Штож было робити? – Треба было своє лишыти а сусідів в біді ратувати. Наладували на віз кілко ся лем дало, але очевидні векшіст свойого майна мусіли сме лишыти, з чого вельо было похова-не по ріжных кріївках пред бандарами. Но

<sup>1</sup> В рамках порозумлення медже Сталіном а Гітлером, вельо лемківських родин в 1940 р. виїхало добровільно до ССРР. По напасти Німців на Совітський Союз, деякотрим родинам повело ся вернути назат на Лемковину.

Автор допису  
з родичами –  
Тевдорьом  
і Александром  
Трохановським.  
Білцарева – Воєнне,  
1946 рік.  
Фото:  
Іван Горощак.



бо як ся лем війна зачала, то през довгі роки не було праві ночки, жебы село не одвіділи нашы «сусідове»; а то з Пташковы, а то з Концльовы і інчых поблизких сел, а навет з дост одлеглой (што уж в горлицьким повіті) Ропы. І все ся ім трафило штоси вышабрувати. Єдному взяли корову, другому быкы, інчому паця з кучы, та і хыжа все була перетрясена до іменту і што ціннійши річы зникали в пропастных мішках бандзорів. В часі таких нападів неєдна наша людина стратила здоровя або і житя в обороні свого маєтку і близких.

Примірно, в Білцареві котрисой зимової ночы бандыты збили до непритомности палицями і кольбами карабинів мого двоюрідного стрыка Лукача Трохановского лем за того, же просил бандытів – што му забрали вшытко – жебы му хоц

лишили остатні черевікі які мал на ногах. Ходил тот чловек потім о двох палицях і не выздоровіл до кінця життя.

Во Фльоринці – як писал мій знаємий Семан Мадзелян – о світанку над раном газдня вишла за стодолу за своїм по-требом і взрила як понад єй обистя добрі ій знаємий газда зо сусіднього польського села провадит пару быків і яливку што іх в ночи зра-бувал деси в лемківським селі (подібно в Ставиши). Та назад до хыжы тата газдня уж не вернула, бо такої там на місци тот шабровник-бандита забил єй кольбом карабина, жебы не була съвідком його переступства...

Тоты вшыткы гріхы своїх родимых банд „людовы”, комуні-стичны власти потім – по загадковій смерти К. Сьверчевского, што послужила за претекст нашої депортациї в акції «Вісла» – спрятно обернули протів «бандам» українським, котрих направду в нашим селі никто, николи не виділ. Бывало тყж перед виселінью, же вояків переберано в лахманы і ішли они в ночи на шабер до села удаочы бандзорів, прібуючи при тым бесідувати по українськы, што першому кус розгорненому Лемкови не трудно было розшифрувати, же є то провокация. Та такої нераз тоты самы люде, лем уж в мундурах ВП. Приходили в ден глядати тых бандзорів. Такого акуратні провокатора в мундурі поручника розпо-знали мої уйко – што хтіл іх застрылити, як му о тім повіли.

Вертаючись до висеління: Трудно ся нам було виробити в двох годинах, бо як єм спомнул, част добытку (зерно) мали сме поховане а розказ о виселінню пришол нагло. На щестя пилнуючий нас вояк (што походил деси аж з Келецького) барз нас не понаглял і казал спокійні ся нам пакувати. Але як сме уж були готовы, то коровки нашы што були запряжены до ярма, якби вычули, же штоси ся діє недоброго, бо фучали, бочили ся, а навет прібували бости рогами (чого николи не робили) і нияк не хтіли з подвірця рушыти.

Як зме уж од хыжы кавальчык одіхали, то мамі што були в осьмим місяци тяжы, припомло ся же в хыжы остало лікарство котре мали зо собом взяти і казали мі ся по него вернути. Та я, што-м мал уж сім років і по вакаціях мал іти до школы, вернул ся, взял лікарство і як єм взрил одлежыны на стінах де перше

були іконы, а хыжу таку самітну і смутну, то єм ся розплакал і в спазмах того плачу цілавал сціни, стискал углы і прирікал: ...Не плач моя хыжко, не смут ся і чекай на мене, я верну да-коли, напевно до Тя верну! - Але, на жаль, николи ся мі не повело сполнити того приречыня, хоц єм прібувал, але до моих, коханых гір єм вернул, то ясне..!

По війні дороги на Лемковині були страшні знищені – не лем трактовы, але і тоты сельськы, та пользовы. Нашу фуру переладувану до границь можливости, нияк коровы не могли потягнути. То жебы быдлятам ульжыти, дорослы особы пішли пхати віз а мі казали опікувати ся малым Ванцьом. Але Ванцьо нияк мя не хтіл слухати, лем плакал і рвал ся за мамом. Та вояк што нас ескортувал змилосердил ся над Ванцьом (і надо-мном) і взял го на руки. Был то добрий чоловек і знал як з дітми поступувати, бо за хвилю хлопець ся утишыл і притулил до него. Так сме ся довлекли до трактової дороги.

Погода була крас! Світило сонце, а зерна, што уж ся колосили, фалювали на легким вітрику, якби ся з нами пращали.

На тракті, што вюл понад село до фльоринської дороги званой «цисарком» і пак до Грибова, було уж дуже фурманок а рыхло іщи звізджали з гір і середины села. Одтамаль могли сме обсервувати як «прибышы» зо сусідніх сел вихнули з лісів (од-кале обсервували цілу акцію) і такої єден наперед другого впадали до свіжо лишеных газгівок што були на окраїнах села, витігали што ся дало і такої ся там окладали палицями, бо кождий хтіл захарупити як найвеце для себе. А же Лемки все ховали барз дуже худобы, то і було ся на чым попасти. Опущеніма газдівками посеред села «заопікували ся» тымчасово польськы осадники што прибыли ту в 1945р.<sup>2</sup> як бл. 60%

<sup>2</sup> В 1945 р. в рамках порозумління медже урядами польським і совітським, бл. 70% жителів Лемковини виїхало до ССРР. Виїзд tot был нибы добровільний і початково Лемки небарз ся на него записували, але польськы, комуністичны власти робили вшытко жебы жыття Лемків на свої рідні земли достаточні збрыйло: Нпр. накладано на лемківських газдів велики податки, звекшано до неможливых границь обовязковы доставы жывця, зерна і інших продуктів. Та як і того не помагало, то застрашано люди і в кінци публичні оголошано (што было цілком протів

мешканців села депортовано до СРСР. Нашу високо тюлну ялівку, што ся заказувала на крас корову, виведил зо стайні «господаж» з Пташкови. – Познали го няньо, бо пару дни перед тым задал ся до нас нибы за купном коровы. Та родиче, зо слезами в очах, мусіли ялівку лишыти, бо не знала ішы ходити в ярмі і заміст ней взяли стару «Лысаву»...

Як уж долучили інчы фурманкы зо села, то сме рушыли долгом кавалькадом до Грибова, але о хвилю появил ся на дарозі офіцер на кони, што іхал од стороны Фльоринкы і призеврал ся кождій фурманці. Як взрил нашого вояка што нюс Ванця, то аж ним скрутило. Зачал вызывать вояка ріжными проклятствами і заверещал:

– Ty s....nu, będziesz ten banderowski pomiot niósł, rzuć to zaraz!!! A jak nie, to cię zastrzelę...!”

I фактычні, коли вояк не реагувал, зачал вынимати ліворвер. Але кін ся порушыл а вояк скоро ся зрефлектувал; поставил хлопця на землю і заладувал скоро карабін, котрий вимірял в офіцера зо словами:

– Spróbuj, to zobaczymy kto będzie szybszy?! Bo ja cię nie tylko zastrzelę, ale jeszcze przebiję bagnetem, którym straszę tych biednych ludzi!”

Інцидент тот зачал громадити газдів з фурманок што были за нами (бо тоты возы што были з переду не сподіваочы ся

---

порозумліню) апелі до нашої людности, же до такого і такого дня має ся вынести з тых теренів, бо будут накладаны ріжны санкції. То тыж результат той «добровільної» депортациі был такій а не інчий. Посувано ся навет до того, же повертаючых з війни лемківських добровольців што служыли в Красний Армії і вызвалили м.ін. і Польщу, вылапувано і депортовано в шлід за родином в глубину Росії. То тыж тоты бывши красноармійці што не хтіли поділити льосу своїх родин депортуваних до ССРР, мусіли ховати ся по лісах перед польськими властями і міліційом, аж до часу депортациі решты Лемків акційом «Вісла». На теренах східної Лемковини против тых варварських акцій борола ся, як єдина, Українська Повстанча Армія, што діяла м.ін. в тамтим терені. Але на жаль была то замала сила жебы міряти ся з вельком державом і сильном армійом, што повстали в часі і по гітлерівскій окупациі завдякы – оплюваной днес при кождий нагоді през польськы медиі – Росії а товдышнього СРСР.

такого поіхали далше і хыбаль уж того замішаня не чули). Єден газда з бичом, другий з палицьом, інчий зас з добрым кыйом, котрм поганял быдлята... Та офіцер ся зоръентувал, же в разі чого не мал бы шанс. То тыж заклял сірчысто, погрозил воjakovi і рушыл з ко-пыта дальше.

Не знаме кілко тот вояк заризикувал ставляючы ся до офіцера, бо сме го потім уж не стрітили, але мимо ішы молодого віку видно было, же то был досьвідчений фронтовець, то може си і даяк порадил? Тот добрий вояк і чесний чловек нюс уж Ванця до самого Грибова. Часом лем кус спочывал, бо то єднак з Білщаревы 10 км., а Ванцьо был тяжкій і вояк мал тыж свій еквіпунок. Провадили сме товды оба з вояком Ванця за ручки (з чого был навет задоволе-ний), та часом брала го на руки мама...

А в Грибові - «Содома і Гомора». Фурманок без лику, од рynку аж по стацию колеійову (бл. 2 км.), та без перерви зyїзджают ішы съвіжы з гір. На стациі не годен ани перейти жебы на дакого не надопнути, бо декотры на спекоті чекают уж третій ден і сідят просто на земли. Спрагнены, змучены, ледво притомны. Рык, писк, квик, гармідер не до описаня, бо вшытко прагне воды, котрой неє на місци і декотры газдове носят єй відрами аж з ріки Білой што плыне през Грибів.

Моі Родиче заіхали фурманком поближе стациі і прицупнули деси з боку, бо дальше не годно ся было уж рушыти і стоячы смотріли ся безрадны на тот хаос. Выявило ся, же і нам пришло уж на tym місци вегетувати пару дни. Бо самому треба си было полагодити вагон, котрый приділяли єден на дві родины, што мали іхати в ним разом з добытком і жывом худобом. Та щесливій был тот, кому ся повело здобыти быдлячий, крытій вагон, бо в векшости были то звычайны (без задашыня) угляркы. І така акуратні углярка достала ся нам, хоц Родиче обое просили (з огляду на Мамин стан) о вагон крытій, але не помогло нич! Заряджаючы tym транспортом не лем не помогли, але ішы насымівали ся і докаряли бідным Родичам!

През тото тыж пригодила ся нам велика шкода і нещестя, што о мало не скінчыло ся для нас трагедійом. - Та было так, же на tym плящику де сме стали, як зме приіхали зо села,

остали сме сами, бо сусіді Афії з родином трафило ся забрати з кымси і то в крытым вагоні, то сме єй не затримували як нам красні дякувала за підвезіня. Натоміст мы мали іхати в вагоні з нашом тетом Александром (няньовом сестром) і єй родином што тыж деси вегетували на пляцу при стації. То Родиче пішли глядати вагона, а мі строго наказали жебым пильнувал добытку і нигде ся не рушал... «Але біда завсе блиско - Откальси взялся волчыско!..» - як писал І. Русенко. - Пришол до мя обчий чловек. Штоси до мя бесідувал, вказувал руками в сторону вагонів, але я го з початку не барз міг зрозуміти бо єм польськой мовы недуже до той поры чул. В кінци єм покапувал, же там де сут вагоны, чекают на мя моі родиче і няньо мі казали натихміст там прити, а він (тот чловек) нашого добытку..., припильнує! Та я - хоц неуфні - повірил його словом (чул єм тыж респект перед Няньом, котрому боял єм ся спротивити) і пішол там де мі тот вказал руком. Находил єм ся, наглядал, але Родичів очывидні єм не нашол. В додатку в тій гурмі люди і фурманок єм ся стратил і не міг трафити на «наш» пляц од-кале-м пришол. Змартвлений і змордуваний сіл єм си на торы і там єм долго плакал, аж пірвал мя сперед паровоза (Руснаки называли паровіз «пец паровий») колеяр што спинал вагоны. І tot власні колеяр по долшым гляданю припровадил мя до нашої фурманки де були уж змартвлены Родиче. Няньо рвали си волося з головы, бо вшытко зерно вкрали злодіє! Остал нам лем 40-кільо-вій мішечок вівса, што го певно злодіє уж не встигли пірвати...!

В кінци по трьох днях дістали сме вагон (углярку), де сме ся разом з тетом Александром і єй родином заладували. З едної сторони углярки буцлята, а з другої мы (7 осіб) з добытком, котрого моі Родиче властиві уж не мали і я ся чул за того винуватий.

Хоц з Лемковини в околиці вроцлавського і зеленогірського несполнна 500 км., то везено нас там 2 тыжні і в часі той по-дорожы перешли сме правдиву каторгу - геєнну: В Krakovi-Płaszowі, наши оправці брали вшыткых газдів (в деяких припадках і газдыні а навет діти) на переслуханя і хто ся ім не сподабал хоцьбы лем з виду, то брали го до польського (сві-

жого по Німцях) концентраційного лягру в Явожні, одкале декотри уж нияк не долучили до своїх родин, а декотри долучили доперва на вигнаню по розвязаню лягру - в вельо припадках лем по то, жебы такой вмерти. Везено нас як переступців, хоц нарід був цілковито невинний. Не було простой, підставової опіки медичної, жадної опіки соціальnoї; да якої кухні польової, де бы хоц раз денно подано обычну гарбату. Голодували спрагнены люди, голодували быдлята і никого того не обходило. Як був ден з гардом погодом, то було іщи яко-тако - хоц вночі було зимно. Але як ляло, то в одкритих вагонах вшyтко плавало. Быдлята слизгали ся на власных одходах а з нима і люде.

Панувал іщи брудкій (злосливий!) звичай, же на постоях машиніста нагло рушал до переду і до заду, або як дочиплял вагон або «пец» то так, же вшyтки пачки летіли людям на голову а быдлята падали на коліна. При таким, єдним „ubijaniu Rusinów”, мої мамі в тяжі впала тяжка, деревяна пачка на голову, так нещесливо - же през парунадцет минут були непрітомни. В ін-чym зас припадку на постою в полудньовій порі, тета Александра доіли корову. Та нагло машиніста паровоза вдарил до складу так, же корова ся послизнала, впала на тету і зламала ім ногу, котра зачала пухнути, а ту ани дохторя, ани фельчера, ани хоцьбы звиклої медсестри. Нянько роззерали ся чым бы обложити ногу заміст гіпсу. Але ниого не нашли, то одкрутили дверці од кредитса і виняли одтамаль тонькы дощечки, котрима обложили ногу, овили якимси полотном і так тета доіхали до кінця подорожи. Памятам, же мы діти (я і тетини дівки) були товды барз голодни, бо вшyтко молоко ся розляло і треба було чекати цілу добу до на-ступного доіня. А доіло ся лем раз денно, бо корови голодни не хтіли давати молока.

Выладувано нас і іщи парунадцет родин Білцаривян в невельким понімецьким місточку Kaczanów (по німецькы: Katzenbau), в повіті любінським. Решта складу з Білцаривянами, по части тиж Фльоринчанами і деякими родинами з інчих сел поїхала дальше на Шпротаву і Жагань. Бо як відомо, товдышні власти в ціли рыхлого нашого вынародовління, видали заря-

джыння жебы не осідляти в єдний місцевости веце як дві, трі родини. То тыж тата рештка нашых люди што іх в 1945 році не депорувано до Савітського Союза, остала розпорощена по вшыт-ких понімецьких землях в воєвідствах західної і пілнічної Польщы.

Нашу колюмну складаочу ся тепер лем з даякых двадцетьюх фурманок скерувано до одлеглого сім кільометрів величого понімецького села Пархоцін, де на крижівці половину фурманок скерувано дальше до одлеглого десят кільометрів Шронова (днес Собін), а нас з рештом закватерувано в Пархочіні в великым палацу. Был то крас – величний, триповерховий будинок з пародесяльома комнатами, котры были выложены паркетом, а в декотрых были іщи вставлены до стін велики (на цілого человека) дзеркала. Двери праві вшыткы двокрыловы, а вікна выжши як двери. Съмію повісти, же декотры наши селяне такого в своім жытю ани не виділи – а не то жебы мешкали?! Попри палацу великий парк з ріжными деревами і ставом, а в поблизу крас стайні і величезны стодолы. То тыж декотры газдове ся уж тішыли же будут мешкати як панове, лем ся непокоіли, ци власти дадут ім даке поле? Але ся завели, бо онедолга зъявил ся урядник в товаристві міліцянта і поін-формувал, же кожда родина має си найти одпovidне господарство в Пархочіні або окличных селах – Погожеліска, Нова Весь, Яблоново і інчых, та до тыжня часу перевезти ся і замельдувати в Уряді Гміны.

То пішли наши газдове глядати си тых господарств. – Было іх дост. Єдно гардше од другого. Всяди солідны, муруваны домы мешкальны і попри них красота будинкы господарчы з куплетом машын рільничых в подвірцях, а в загородах крас коні, ко-ровы і інча жывина. Та як ся дахто з нашых одважыл гвойти дохыж, то видл же і в середині ничего не бракувало, влучні з умеблюваньом, бо Німці видно втікали на гальоп і вшытко майно лишили... Але, на жаль, вшыткы тоты перекрасны господарства, были уж замешкалы през польских осадників што іх два рокы скоршне переселено з Україны і называно Забужанами або Забужаками. Та Лемкы знали же німецка господарка рольна стояла на барз высокым рівни, бо декотры пред

війном (в тым двараз і мої Няньо) в Німеччині були на роботах і працювали в «баворів», як називали німецьких рільників. То тиж знали, же Забужаки того богатства зо собом не привезли. Бо там на Україні (што знаме хоць з фільму «Самі свої») вельо з них ходило обвязаных повереслом і било ся на меджы о заорану скыбу землі. Та тепер они были панами і як нашы газдове іхали фурманками тягненыма през коровы або быкы, то осадники тоты выходили пред свої понімецькы обистя, вказували пальцями, робили прикры, брыдкы жесты і съміяли ся з нас, а часом грозили пястуками.

Та неє ся што чудувати, бо пред нашым прибытьом, «людловы власти» пустили фаму медже тых люди, жебы уважали бо при-ходят «найвекшы бандыты під сонцьом» і будут іх сусідами. То тиж Забужаки неохочо отверали двери і інформували як ся дахто з нашых хтіл звідати, де сут даякы пусты господарства. Бо незанятых господарств было уж невельо, а як ся даякє трафило, то было розшабруване, здеваствуане, змасакруване до остатніх границь. Властиві то були переважні лем самы муры, нарушены часто през зуб часу і діяння воєнны.

Такы то в векшости «муруваны палацы» отримали Лемки в замін за свій вельовіковий доробок лишений в горах. Та іщи в гіршій ситуації нашли ся тоты што іх ульокувано в єдним місци по пару родин, часто вельодітных, по ріжних (пізнішых) ПeГeeР-овських бараках, де мусіли тяжко працювати за голодовы пенсийки, а за своє майно лишене в горах нич не отримали – як то было з моїма будучым тещями. Часто тиж локувано по дві, а навет три родини в єдній хыжы, де мусіли жити в кісноті і невигоді през вельо років, нич ся даяк не уstabілізували. – Такій льос стрітил мого уйка Владіміря – вдівця зо шестерым дітми, як тиж двоюрідного брата Гаврила, тиж з вельодітном родином, што го ульокувано іщи з двома родинами. Та на щестя (в нещестю), там де трафил Гаврил – в шпротавським повіті, над ріком Бубр – були добры землі і Гаврил внет стал ся єдним з найліпших газдів в зеленогірським воєвідстві. Достал навет диплом за заняття (о кілько dobrі памятам) I-го місця в воєвідським конкурсі рільничым, і то вельократно. Не было то для него заскочыньом, бо то було газда

освічений (дуже читал) і в горах, в Білцареві тყж були єдним з найліпших господарів.

Початково, місцями Забужаки, барз Лемкам докучали і були хоц-які выпадки: Примірно мого (вижше спомненого) уйка Владіміря в селі Собін, обступили на дорозі під склепом паронадцетлітні виростки і на очах своїх родичів докучали, поштурхували, докаляли і оплювали...! В кінці зорвали шапку з голови того, поважного, понад 60-літнього человека, котру подоптали і копнули до фоси. Міліціянт, што недалеко стоял з боку, не реагував лем тყж ся сьміял. Аж як му уйко повіли, же дадут знати до повіту, то казал галастрі ся успокоїти. Тота сама галастра і пару іщы старших, міцних осилків, котрисого разу обступила найстаршого уйкового сына Митра, як пас худобу на пасвиску здаля од села. Там то зачали ся з ним – початково ниби з жарту, але при-шли в окресленій ціли – гандрычили. А же було то хлоп гірський, уж дорослий 24-літній, гардій і сильний паробок, то барз ся не боял коли ся зачали з ним силувати. Шмарил єдним, шмарил другим і третім, але іх було дуже а він сам... То го присіли вшытки нараз і зламали хрящ. І там го уйко нашли непритомного.

Памятам як ся тот мій двоюрідний, коханий брат мордувал, бо ходил в гіпсі пару місяци, але хрящ були ушкодженій в кількох місцях, та не хтіл ся гоїти. Трудно тყж було о доброго дохторя і о пару місяци Митро вмер! Та кары за того никто, николи не понюс жадной! Была то для уйка велика трагедия, бо іщы єден смуток не притих як перед самим выгнаньом вмерла іх дорога, кохана жена – матір шестерых діти!

В інчым зас припадку трагічне выдариня медже Забужаками а Лемками зашло уж пару років по выгнаню на стації колейовій в місточку Рудна в повіті любінським, де нашли ся нашы хлопці як вертали зо забавы в Лігници і бесідували медже собом по лемківски. Там іх опала польська молодіж, до котрой прилучыли ся іщы колеяре і розограла ся велика биятыка. Та були правдоподібно оффіры смертельны, так з єдной як і другої стороны. Але того описувал не буду, бо докладні не знам...

Та і я 8-літній хлопец в Пархочіні, рік по выгнаню, о мало не пострадал жыття, як мя «сусід» хтіл «почестувати» косом ко-

ли єм си взял з його - понімецького саду (крас саду!) пару грушок. - А был єм барз голодний, бо як єм спомнул вижше, на початку дороги по выгнаню зо села, нас в Грибові ганебні окрадено і штонайменьше през рік часу цілом родином сме направду голодували!

Нам і теті Александрі з родином достали ся забудуваня штоправда осібны, в недалекым сусідстві, але то були так страшни рудеры, же страх было до них гвойти. Няньо в «нашій» хыжы поставленій на пляні вінкля (без стодолы), дорахували ся в даху 170 дір і на тым попрестали. З єдної сторони той рудеры, што колиси була будинком, була част мешкальна а з другої невелька стайнія і якыса куча. В цілым будинку не було кватер вікенних і двери. В єдним поміщыню вирвано іх навет з футринами. Позривано вішткы підлоги. Пецы були порозвалияны і не було де навет заварити воды, бо пец кухений тыж был до половины розва-лений. Не було зрештом і води, бо студна што була в подвірци, була занечышена і за-валена ріжним съмітьом. То найперше мусіли сме єй вычыстити. На щестя вода вывила ся барз добра. - Та стара, руска приповідка повідат, же; «як єст хліб і вода, то ніт голода». То воду уж сме мали, але на хліб долго нам треба було ішы чекати...

Там на подвірци коло той студні вегетували сме близко пілтора місяця, нич Няньо кус не порыхтували наразі лем два поміщыня. На щестя літо було тепле і не барз мокре.

Тетина хыжа на позір була кус ліпша. Але була то стара будова з тзв. муру пруского, певно ішы деси з XVIII століття. Остали ся там навет вікна і підлога нерозшабруваны, але певно лем зато, же було то само порохно. Та так направду, як бы ся міцний хлоп до той хыжы плечами приставил, то бы єй завалил. Хыжа була в міру ціла, але стайнія і стодола розвалены до половины.

Для мене і моіх двоюрідных сестер Ольги і Насті, було лем добре того, же мали сме барз близко (бо лем даякє 150 метрів) до школи. Але інчы нашы, бідны діти што мешкали по інчых селах, ходили піше і по 6 кільометрів. В першій клясі вчыла нас барз добра і мила учителька п. Бася, што була вдовом по

офіцери В.П. і мала гарду дівочку – мою ровесницю – Малгосю. Але керовничком школы была вредна националістка п. Дрозд што ся мстила на наших дітьох і не лем – бо до школы ходили тыж діти з одлеглої о 5 кільометрів. Новой Всі, де мешкали сами мішаны польсько-українськы родины переселены зо сходу. Мстила ся лем за того, же нашы, лемківскы як і тамты (українськы) діти не знали добре бесідувати по польскы. Та нам, Лемкам, і так тата польська бесіда приходила кус легше – певно зато, же в лемківскій бесіді, так як і в польскій, акцент припадат на передостатнім складі. Натоміст в українській (як відомо) акцент є рухомий і зато українськы діти мали трудности в правильній польскій вимові. В додатку през долги рокы в селі, в котрим передше мешкали, не чуло ся інчай мовы як українська, хоц то були родины мішаны.

Єдного разу пришол до школы п. війт Вітчак – садиста – што ходил все з тугом палицьом. Коли му керовничка – тыж садистка – здала реляцию, то казал вшыткым нашым хлопцям спустити портки до половины і перехълити ся – рівнож дівчатам – през передні лавки і так ішол од єдного до другого і бил палицьом по голых пупах. Коли скінчыл, то заповіл; же як приде з наступном візьтом і не будеме знати добре бесідувати по польскы то «лекция» ся по-вторит. – Так виглядала моя перша едукация польского языка...

Але війтоги не барз ся тово оплатило, бо коли деси єдного разу пришол на наш подворец, то Няньо – што не належали до люди барз боязливых, бо в своім жытю перешли неволю німецку і як жолнір брали уділ в боях під Оломунцьом, Моравском Остра-вом, Прагом – зувідали ся гречні п. війта; чом бье нашы, нич му невинны діти? Та війт заміст одповіди, зачал верещати і вызывати Няня од бандытів, бандеровців і інчых, та замахнул ся палицьом. Але Няньо (тыж нервус!) були спрятнійши і вырвали му єй з рук, та сягнули по солідну цеглу, што іх на подвірци не бракувало. Війт видячы же то не пек, дал знати ногам і тата цегла сягла го лем по пятах. А же то було кус з гірки то ся спревертал і катурлял долину та ве-рештал на ціле гарло: „Ratunki!!!, bandyci, mordują, bandyci...! Не оплатило ся тово і Няньові, бо перешли потім купу біды на

УБ і коли бы не місцевий комендант міліції Денес, котрий виявил ся барз добрым чловеком (чого не мож было повісти о його півладных) і тыж не любил війта, то Няньо правдоподібно през долгы рокы з вязниці бы не выпшли...

Дорабляли ся Лемкы на выгнаню од приповідковой лыжкы, хоц початково «сідили на валізках» і чекали на рыхлий поворот «домю», як называли рідны стороны, бо ім в часі депортациі представники власти ошуканчо вмавляли, же высеління ест лем тымчасове.

Правда, част Лемків – може 10% тих найбарже здетермінуваних на переломі років 50-х і 60-х вернула в рідны стороны, одкупуючи часто своі власны газдівки од осадників і уживаючи преріжных способів жебы ся повело вернути. Але не все тут было можливое, бо напр. «спрятны» новосандецкы власти выдали шпеки-яльне заряджыня заказуюче мельдуваня на підлеглым ім терені Лемків і Циганів. То тыж оны власти (не лем сандецкы але і інчы) вертали і по трираз декотры родины назат на Захід, уж з кінцьовой стаціі призначыня. Прикладом ту могут быти маляр Никифор Дровняк з Крениці, што го власти трираз депортували назад до Щеціна, ци п. Мамрош з Ріпок в пов. горлицкым (єдиний зо села выселяний трираз, але і так вернул), або декотры газдове з Мокрого і Команчы в пов. сяноцкым. Та векшист Лемків мусіла ся погодити з льосом, хоц вельократно писали ріжны просьбы, петиции до власти центральных... Одповід все была тота сама – «брак подстав»! А авторы і редакторы писм были інвігілюованы і перешлідуваны.

Тымчасом на Лемковині розчисляно ся в ганебний спосіб з нашом історијом і девастувано вшытко што русиньскє: Вельо церкви замінено на костелы. Часовні (церкви побудуваны в роках 20-тых і 30-тых ХХ століття, коли народ вертал до Православія) праві вшыткы побурено. Декотры церкви заміняно на стайні або магазины. Інчы зас, не пильнуваны попадали в руїну. Найперше єднак тоты вшыткы церкви обробувано з майна як євангелиі, начыння і шаты літургічны, коругви і ціннійшы кресты. Розкрадено іконы, дзвоны а в деякых припадках навет царскы двери. Нищено капличкы і памятны кресты придорожні, як і на цмонтерях. Декотры памятники што были барз

міцны, нпр. желізны кресты, выкручано ломами. В Білцареві през частину цмонтеря вызначено і побудувано дорогу публичну - не перенимаючи ся тым, же там лежат люде - яка перебігат тамади до днес.

Жебы вырвати вшытко з коренями і жебы по нас Руснаках не остал жаден шлід на тій земли, зміняно історичны, вельовіковы назвы наших сел: В першим етапі (зараз по выселінню) змінено вшытки назвы сел што мали прикметник «рускій», н.пр. Королева Руска на „Królowa Górną”, Устя Рускє на „Uście Gorlickie”, Ропиця Руска на „Ropica Górną” і.т.д. Натоміст в другим етапі, деси в роках 70-тих на тапету пішли вшытки назвы што мали в своім звучаню хоцьбы лем тін рускости. Декотры зміни были так абсурdalны, же не до приняття. Нпр. назву старого лемківского села Шквіртне змінено на назву „Skwierzyna”. Єднак тот другій етап змін історичных назв наших сел был для польських влад неуданий, бо запротестували польськи інтелектуалісты во главі з проф. Ярославом Івашкевічом і під іх напором власти – мимо понесеных значных коштів – мусіли ся выщофати і деси по річним ци піл-торарічним тріумфі „dobra nad złem” – як бесідували – мушено повернути до старых назв. На жаль, не привернено назв лемківских сел што были позмінняны в першим етапі і фігурують до днес, припоминаючи нам коли то заховувано ся так, як бы на тоты землі по нас не пришли християне, лем якысы погане просто з бушу! Та думам си – яку треба было мати ненавіст до свого близ-нього (ци костел іх так вчыл?), жебы лем з самой зависти (бо Лемкы были самовыстарчальны, радили собі і не были нич ни-кому винни), так ся на вшыткым мстити...?!

Минят уж 65 років нашой геенны на выгнаню, де Руснакы встигли уж своі рудери допровадити до стану ужывальности, а декотры – особливо тоты што были на қус ліпших землях – навет збогатіли і здає ся ім уж, же зімали самого «Пана Бога» за ноги, та не хцут вертати до свойой Отчyzны. Бо в борбі о быт і запевніня своім родинам зносных варунків до жыття, ани ся спостерегли як ся вынародовили і змінили свою віру – в векшости там, де были самітном родином серед обчых. Хоц не всяди. Бо тот, хто был твердий, впертий, тримал ся (не стыдал)

свого, своїх обичаїв і ві-ри, ішол до церкви – хоць до ней нераз мал 20 раз дальше як до костела, tot ся утримал – а за ним і його потомки – до днес. Было (ест) таких припадків вельо. Та хоць векшист тамтого покоління Руснаків уж не живе, то часто іх діти і внуки пам'ятають іщы о своїх коренях і о Отчизні, з котрої нас – цілковито невинних – насиль-но вигнано.

І як ся на тото призрити з перспективы часу, то нашы ріжной масти каты – перешлідувателе што од віків, а особливо од початку ХХ-го століття старали ся стерти нас Руснаків з лиця землі (попрез провокациі, террор на Лемковині в часі I-ой війни, концентра-цийний лягтер в Талергофі, повоєнний голод і перешлідуваня в ча-сі меджевоенним, банды рабунковы, по лягтер концентрацийний в Явожні), строго ся завели, бо думали, же як нас розженут по ріжных сторонах сьвіта, то по кількох роках ся засимілюєме і буде нам конец! – Тымчасом минуло уж 65 років од закінчыня депортаций, а мы іщы жыєме – хоць чуєме, же акция «Вісла» іщы ся не скінчыла!

Жыєме, але што то за жыття (?):

Зараз по II війні сьвітовій, в котрій тисячы нашых Руснаків бороло ся з гітлеривским окупантам на фронтах сьвіта в ріжных формациях Войска Польского, рядах Червеной Армії, Словакьким Корпусі ген. Свободы (80% Русинів), війсках американських і ріжных oddілах партизантских, мали сме велику надію на поліпшыня нашой долі. Тымчасом в «нагороду» нам Лемкам в Польщы зафундувано депортацию до Советскаго Союза і акцию «Вісла». По геенні комуністычній, де сме в разыпці были на кождым кроку інвігілюуваны і перешлідуваны, мали сме зас велику надію в часі трансформации на поліпшыня нашой ситуациі, бо сме думали, же новоустроивы власти зрозуміют наше трагічне положыня, што нам го зготовили іх попередники, і направят хоць по части вырядженну нам велику кривду, яком было безправне выселіня нашого народа з його автохтонных земель, безпардонове заграбліня юго материяльных дібр і знищыня культуры духовой.

В своіх писмах і петициях не домагали сме ся вшыткого што нам забрано, бо в заістнілій ситуациі розуміли сме, же трудно ёст направляти зло злом і выселяти тепер з лемківской

хыжы осадника, котрий в додатку ся іщи побудувал (та де го подіти..?). Домагали зме ся лем звороту того што было в мочы (скарбі) державы. То є звороту лісів і тых ґрунтів што не були роздиспонува-ны. А в 1989 р. було іщи в повітах; горліцьким, ясельським, короснянським, саноцьким барз дуже не лем по-єдинчих господарств (очывидні уж без забудувань), але і вельо цілых опустілых сел. Але екіпы што рядили державом по 1989 році обіцювали нам («грушки на вербі»), красыні ся до нас усьміхали – і... передумували; як бы нас Руснаків зас вывести в поле? – Та в кінци выдумали, і вшыткы нашы (іщи вільны – фігуруючы в книгах вічыстых) землі што були в гестії державы, переказали Агенціі Рольній, котра то фрымарчыла нима на ліво і право (*według własnego „widzi mi się”*), та продавала тоты землі за безцін (початково навет по 80 зл. за 1 га.) своім знайомкам і колесям в неограниченій кількости по 100 га і більше. Не ушанувано навет права первокупу, о чым переконала ся близка особа пишучого тоты рядкы, котрой родове місце посыпішно продано – мимо ёй рошынь до него – кому інчому. З такої тыж причыны старший уж газда Руснак, што старал ся о свою вітцювину в селі Чертіжне, достал інфаркту серця і вмер, коли ся довідал же його родове місце разом зо сто паро-десятою гектарами поля (і лемківським цмонтерійом) купил уж якысий новобогацкій пан з Варшавы. Та нич ся Руснакы на выгнаню спостерегли – выпродано іх землю на цілий Лемковині «рольникам» з Маршалковской і околиц Варшавы, Шлеска та інчых сторін, і тых осіб што були добре знаеным урядникам «Агенціі». Днес тоты «з дзядка-панове» сут не лем обшарниками але і міlionерами, бо од тамтого часу ціны землі на Лемковині взросли кількасот раз...

Такым то способом цільово поставлено нас Руснаків пред фактом доконаным, бо днес хоц бы дахто хтіл вернути в рідны стороны, то не верне бо не ма де! Вказало ся, же держава в котрій жыєме має нас деси і остало нам домагати ся справедливости лем уж на форум медженародовым. А же акция «Вісла» ся іщи не скінчыла, то мame на тото ясний довід; бо не барз давно тому в міс-цевости Яблінкы (*Jabłonki*) во східніх Бескідах місцевы („*wybitni działacze*“) під памятником К. Сьверчевского

«Вальтера» (што стоіт і має ся добры, хоць нібы в 1989 р. вшыткы памятники Сьвірчевскаго были розобранны), з помпом обходили 65. річницю його смерты. – Знам з телевідхышыня, же на туту подію Уряд Маршалковскій з Жешова дал «легком ручком» 10 000 зл., а в обходах участничыл посол (SLD) Т. Каміньскі. Та – як на іронію – обходы організувано під гослом: „Polsko-Ukraińskie Pojednanie”, лем же організаторы не запросіли (видочні забыли - sic!) ани єдного Українця.

Припомнам си початок років 80-тих, коли то рух «Солідарност» (до котрого масово вступували і Лемкы) остро боролся з комуном. Газеты; „Solidarność”, „Wyborcza” і інчы, выпи-сували статі о Лемках на цілы «плахты»; яка то Лемкам стала ся кривда, як ім безправно забрано лісы, поля і інше майно, якы то они бідны і нещесливы ітд. ітп. По роках вказало ся, же была то лем чча гаданина (писанина) і «крокодылі слезы», бо пізнійше як треба было, то никто не обстал за нима, не помог! Но але в 80-тих роках кождый ся придавал – навет такій, малий, бідний Лемко, Руснак (ци як го там звали), як треба было даяку латку комуні припняти. Та днес вшыткому винен Сталін і комуна! Решта то сами невиннятка, Божы баранкы што од вшыткого вмывають руки як ся трафит даякій, труднійший темат і проблем, котрий бы выпадало розвязати і направити.

Власти ПРЛЬ-скы – мимо же зараз по війні край был в руїні – было стати вывезти нас насильно в ріжны стороны сьвіта... Днешні власти, хоць РП ё уж богата і засобна (мимо штоденных нарикань на бюджет), за 23 рокы – окрем парох дрібных, лъкальных справ – не стати было направити хоць частинно виряджену нам величезну кривду та вернути народ там, де то ішы было можливе і одадати токо, што ся му слушні належыт! Натоміст оддає ся або рекомпенсує вшыткым інчым групам; нпр. давным властителям земскым і інчым, а навет Забужанам, протів котрым Лемкы акурат нич не мают, але памят о часах зараз по виселіню выкликує в них ішы векше почутя кривды!

По рабунку культуры материяльной, пришол час на рабунок культуры духовой. Бо остатніма часами краде ся нагмінні лемківскы пісні – не лем народны, але і деякы авторскы. І слово «краде» ё ту цілком адекватне, бо ёсли колектив – хоцьбы «сю-

пай-тупай» а трфляют ся і знаны колективы – бере до свого репертуару пісню обчого походжыня і нич о ній не бесідує, то значыт, же пісня є крадена. Такій льос поділили пісні: «Корчмарочка», «Пилам паліночку», «Не пий Янку воду» („Bratanki“) і вельо, вельо інчых. Недавно, бо лем в марци т.р., з нагоды отвертія якысой зимовай спартакіады, в Бельску Бялей одбывал ся концерт, котрий в цілости складал ся з лемківських пісень. Але ани выконавці, ани конферансіёры, організаторы словечком не ражыли спомнуги якы (чыі) то сут пісні, трактуючы іх як свою власніст. Діе ся тога часто (хыбалъ цільово) за акцептацией і пропагуваньем телевідзыньовых і радийовых медіев... Та пісня є по то, жебы ёй сьпівал хто хце, як ёй любит. Але в такій ситуацыі, повім коротко – є то безчельніст!

А ішы спомну, же при котрисій візиті Йоана Павла II в Польщу, Підгалянчыкі хотячы ся му приподабати створили з двух лемківських народных (історычных уж) пісень вязанку з власными словамі, котра ся Папі барз подабала, лем же Він николи ся правды не довідал, же то є лемківска (зроблена з двух) пісня, бо – як ся вказало в котрисым інтервю телевідзыньовым – нашла ся до неї і «композыторка»...

То тыж найвыжший уж час, жебы ся хтоси таким ситуацыям противставил. Бо згода наша на публичне выконання лемківской пісні може быти лем товды, коли буде ясно і выразно повіджене (написане), яка (чыя) то є пісня і автор обробкы – в припадку пісень народных, як тыж автор слів і композитор, аранжер – в припадку пісень авторских; так, як тога робят нашы лемківски ко-лектывы (нп. ансамбль «Лемковина»<sup>3</sup>) коли берут до репертуару польськи і іншы пісні. – Бо

<sup>3</sup> «Лемковина» - ансамбль пісні і танця заложений в жолтні 1969 р. през Ярослава Трохановскаго. Актуальні з прычжн льосовых завішених од 2009 р. на час неокреслений. В часі свойой діяльности ансамбль числил переважно 50 членів і складал ся з 4-голосового хору мішаного, кільканадцет-особовой оркестры і группы театрально-хореографічной. Ансамбль діял – з перервами – близко 40 років і дал кількасот концертів на терені краю і за границьом. В його репертуарі за час діяня нашло ся ок. 300 творів; народной музыки лемківской, українской, польской і інчай, пісні авторски ріжных поетів і композиторів, вельо творів музыки

хоц народ наш в перетягу своєї дол-гой історії (рівнож на вигнаню) створил тых пісень тисячы, то не значить же може си іх брати хто хце, никому о тім не бесідуючи. Бо то є - єдно з остатніх - наше добро народове якє нам ішы остало і не можеме дати си го зрабувати!

В тым вшытким сами Лемки в вельох припадках сут собі винуваты. Бо заміст тримати ся в єдності і діяти разом, бодай в так животных справах як одданя (або рекомпенсата) наших дібр материяльных, охорона культури духовой і того, чого доконали наши предки - волят ся ділити, грызти медже собом, фільозофувати кождий з осібна, улігати не своім лем чужым ідеям, креувати ся на «Мойсеів», забываючи при тым, же ест

---

церковной як тыж музыки клясычной; Танец мадярскій нр. 5 Й. Брамса, чардаш Монтього і інчы. Ансамблъ выконал тыж парунадцет лемківских народных танців і єден авторскій сценічно-танцовально-музычний образок «Косяре». Брал тыж ансамблъ участ в вельох фестівалях краївых, медженародовых і заграницных. Уж в понад пілтора рока од заложыня ансамблъ «Лемковина» здобыл на IV Фестівали УСКТ в Варшаві (1971р.) головну нагороду уфундувану през Міністерство Культуры. Од тамтого часу ансамблъ – хоц діял в пекельно трудных варунках (не маючи льокалю ани средств на діяльніст) – здобыл вельо нагород і вырижнінь. Ест м.ін. ансамблъ «Лемковина» лавреатом медженародового фесівалю «Громада» во Львові (1990р.), де отримал медаль та кристалеву шаблю і булаву. Ансамблъ участничыл в вельох переказах радіовых і телевізийных. В 1982р. TVP награла пілгодинний фільм зо стрічы ансамблю «Лемковина» з поетом Є. Гарасимовичом в Білянці, емітуваний на цілий край в порі велької оглядальности. Ансамблъ награл 4 плты в тім 2 CD і 5 касет – в тім 1 выдана в Америці. В серпни 1983 р. на полі біваковым в Чарній гм. Устя Руске, ансамблъ з выбранным комітетом зорганізувал І-шы Варштаты Пленеровы «Лемківска Ватра», што вкоротці переродили ся в масове, медженародове съвато культуры лемківской, которому патронувал през 7 порядowych років. В 1987 р. на запрошыня американского імпресарія польского походжыня Г. Міхальского ансамблъ «Лемковина» одбыл велике, місячне турне концертове по Соединеных Штатах Америки і Канаді, де был приниманий з великым ентузязмом. В періоді 4 декад діяня през «Лемковину» перевинуло ся понад 300 осіб лемківской молодежы, што днес пережыват в вельох краях съвіта. З «Лемковины» выводят ся тыж колектывы: «Кычера», што повстала в 1992 з західной группы ансамблю, «Серенча» і знана съпівачка Улиянна Дошна.

нас уж так мала горстка, же грозит нам цілковита заглада! А з того буде ся тішыл лем тот третій... Та не хтіл быти злым пророком, але як не наступит опамятання ся, то буде трудно перетрвати Лемкам наступне 65 років.

А преця так красні ся зачинало, коли то в повоєнній, нашій ситуації розпорощиня, м.ін. завдяки ансамбльови «Лемковина» наступило одроджыня лемківської культури. Тихій, застрашений шепт пересічного Лемка перемінил ся в голосну бесіду а навет в крик вільності якій з давен, давна в Лемках дримал. Спомнути хоцьбы лем тоти переполнены салі під час концертів «Лемковини», коли то народ домагал ся бісів і при овациях на стоячо съпівал ансамбльови «Многая і благая літа». Бо «Лемковина» була тым ансамблем, што потрафил свою спільноту поставити на ноги, зворушыти і перемовити до серця, душы і розуму, жебы народ не тратил надії. Знає о тім штоси кус українсько-лемківска Дяспора в Америці,<sup>4</sup> што нас

<sup>4</sup> В місяцях; вересни і жолтни т.р. мине 25 років од памятного місячного турне ансанблю «Лемковина» по Соєдиненых Штатах Америки і Канаді. Од Монреалю по Бостон през найвекшы міста і осередкы культуральны як: Торонто, Сиракузы, Воррен, Чикаго, Парма, Піттсбург, Вашінтон, Едісон, Філадельфія, Ню Йорк, Йонкерс, Гартфорд і вельо інчых, ансамбль «Лемковина» дал 25 полноспектакльowych концертів. Переіхал американскыми автострадами понад 10 000 км і всяди был витаний з великим ентузіазмом. В місті Торонто на даху театру од фронтовой сторони wykonано навет шпецияльно великий – видочний здалека – неон витаючий «Лемковину» в языку англійским, што было для нас правдивым заскочыньем. Великы салі (на 1000 і бівше місц) были заповнены а публика по перзших звуках гымну ансанблю «Горы нашы» витала нас на стоячо. В тракті концертів публика заховувала ся змінно: Раз то был правдивий плач, нпр. при пісні «Тяжко жыти на чужыні», то знов втіха і велика радіст – при пісні «Іхав козак за Дунай», та зас щырий, правдивий съміх при пісні «Повіджте мі куме Гнате». Домагано ся бісив, то тыж концерт перетігал ся нераз годину і бівше. На конец наступувала переважно овация на стоячо, гымны, подякуваня од організаторів і вельо вязанок і кошив квітів. Была то для членів ансанблю найвекша нагорода, бо коли ся подумало в яких тяжких, карыгідных варунках мы ту в Польщы приготовлювали ся до тых концертів, то слезы сами пхали ся до очі. По концертах на притеатральных пляцах насупувала стрича з мешканцями місцевой українсько-лемківской діаспоры, памятковы упомин-

там так красно витала, коли ансамбль виступувал – і то в величким стилю – яко перший в історії Лемків на континенті американським. Та несамовито тыж єднала люди «Лемківська Ватра»<sup>5</sup> што єй заложил, спілорганізувал і патронувал в роках 1983 – 1990 ансамбль «Лемковина».

Бо вшытого можна доконати коли в народі панує віра, любов і єдність! – Зато той єдності ся тримайме! Бо мы Лемкы-Руснаки не мame чого ся стыдати, коли сме приняли християнство (іщи як Біло-Хорваты) на сто років скорше як Русь, 78 років скорше як Польща, чым можеме ся лем гордити. І най

---

ки і переважно урочиста вечеря. Вельо раз місцевы мешканці брали членів ансамблю до своїх домів де при нагоді совіто нагороджали і рано на окреслену годину привозили до автокару. Навязано вельо новых приязни. Было то найгардше, незабытне турне в історії ансамблю «Лемковина». В пляні ансамблю было наступне турне о пару років, як тыж турне по Австралії, але тото на жаль уж не вышло.

<sup>5</sup> «Лемківська Ватра» - Варштаты Пленеровы Ансамблю «Лемковина». Помыслодавцями імпрезы были: Володислав Грабан і Петро Трохановський – товдышні члены керивництва ансамблю. «Лемківська Ватра» в своїм заложню мала на цілю шторичне підсумування доробку лемківської культури, вынайдуваня талантів до ансамблю а в будучности мала быти м. ін. заплечом економічно-бытовым для ансамблю «Лемковина», яко же ансамбль не доставал жадных дотацій і утримувал ся лем з концертів і скромных датків своїх любителів. Імпреза переросла нйсьмільшы очекування організаторів, бо з рока на рік прибывало штораз веце люди і вкоротці стала ся імпрезом масовом – съватом культуры Лемків в Польщы і во съвіті. Але трафили ся «поправячы съвіта», ідеологы і політыкеры што ся барз обавляли жебы – недай Боже – Лемкы ся не объєднали і не загрозили даякій великій державі – дайме на то нпр. Україні! То тыж робили вшытко, жебы до такого не дошло і постарали ся жебы імпреза зостала «Лемковині» забрана (читай вкрадена). Та попри tym скорыстали дрібны цванячкове што при «Лемковині» і Ватрі звітрили добрий інтерес і можливіст дармовым коштом достати ся на афіши. То тыж під позором помочы гвошли в структуры ансамблю і імпрезы та робили там свою брудну, кретю, розбияцку роботу. Але най ім Господ Бог того не памятат, як і того, же своім поступуваньом зробили величезну кривду людям што посъватили ціле своє жытя для лемківської культуры і тому жебы ульжыти свойому народови в його трудний доли. Зробили кривду передовшыткым – кед іх тото дакус обходит – свойому народови, а навет собі, хоц си з того не здают справы!

нам никто не вмавлят, же не мame свойої історії і не творит (на замовління) штучних теорий (Райнфусс і інчы) нашого походжыня! Бо през понад тісяч років жуючи в єдиний енкліаві на свої автохтонній - Богом нам даній - земли, потрафили смеся устеречы, оборонити пред неєдном дійовом навалом, аж нас в XX столітю на очах нибы цивілізованой Европы і сьвіта, выкінчено голодом, вынишено, а потім розогнано на віштыкы стороны сьвіта! -

Та до днес Лемків-Руснаків никто не перепросил: Австро-Мадяре - за перешлідуваня релігійны, провокациі, террор на Лемковині і концентрацыйний лягтєр Талергоф, Польща - за голод і террор на Лемковині по I війні сьвітовій а пізнійше за званя «брудного бандыты», депортациі і Явожно. Єдині Польскій Сенат уж в часі трансформації зміг ся (в тиши медіів) на перепрошыня нас за акцию «Вісла». Та красно дякуєме, але то кус за мало, бо Сойм РП уж на перепрошыня стати не было, што є доводом, же до днес невинны ходиме в тім краю зо знаменом бандыты на собі! - Але ся не заламуйме, лем майме в собі гордіст, гонор і чест! - Як писал наш народний учытель і великий поета што ішы за жыття гвопшол під лемківскы стріхи, од котрого м. ін. зачала ся лемківска, сучасна, літературна мова - Іван Русенко:

«Мы бідны уж з діда, прадіда,  
То духом хоц будме богаты!  
І чести не дайме здолгати,  
А віры не зломит нам біда!»

*Лемковина – Білянка, май 2012 р.*

# Акция "Вієла"

Слова і музика: Ярослав Трохановський

**Maestoso ♩ = 84**

Soprano

Alto

Tenor

Bass

S.

A.

T.

B.

mf Як нас під ба гне том *f*зкра ю вы га ня ли,  
 mf Як нас під ба гне том *f*зкра ю вы га ня ли,  
 mf Як нас під ба гне том *f*зкра ю вы га ня ли,  
 mf Як нас під ба гне том *f*зкра ю вы га ня ли,  
**rall.**  
 mp то ся нам зе рен ця ни зень ко кла ня ли там!  
 mp то ся нам зе рен ця ни зень ко кла ня ли там!  
 mp то ся нам зе рен ця ни зень ко кла ня ли там!  
 mp то ся нам зе рен ця ни зень ко кла ня ли там!

**A tempo ♩ = 84**

S.

A.

T.

B.

Сонечко сьвітило і вітрикло ду вал, *mp* не бо я сне было, жайвороноксыпвал.  
 Сонечко сьвітило і вітрикло ду вал, *mp* не бо я сне было, жайвороноксыпвал.  
 Сонечко сьвітило і вітрикло ду вал, *mp* не бо я сне было, жайвороноксыпвал.  
 Сонечко сьвітило і вітрикло ду вал, *mp* не бояс не было, жайвороноксыпвал.

13

1.2.3.

*f* Прашай те нам го ры, працай Лемко ви но, бо на свы га ня ют, та незнаме де?

*f* Прашай те нам го ры, працай Лемко ви но, бо на свы га ня ют, та незнаме де?

*f* Прашай те нам го ры, працай Лемко ви но, бо на свы га ня ют, та незнаме де?

*f* Прашай темам го ры, працай Лемко ви но, бо на свы га ня ют, та незнаме де?

## CODA

17

rit.

i за на ми жде. Бо то на ша ма ти, рид на Лем ко ви на,

i за на ми жде. Бо то на ша ма ти, рид на Лем ко ви на,

i за на ми жде. Бо то на ша ма ти, рид на Лем ко ви на,

i за на ми жде. Бо то на ша ма ти, рид на Лем ко ви на,

20

вчу жых пу тах сту че i за на ми жде!

вчу жых пу тах сту че i за на ми жде!

вчу жых пу тах сту че i за на ми жде!

вчу жых пу тах сту че, за на ми жде!

## Акция «Вісла»

Як нас під багнетом, з краю выгняли,  
То ся нам зеренця низенько кланяли – там!  
Сонечко съвітило і вітрик подувал,  
Небо ясне было, жайворонок съпівал.

Пращайте нам горы, пращай Лемковино,  
Бо нас выганяют, та не знаме де?

Як сме уж в Плашові на стациі бывли,  
То нас позганяли і шлідство робили – там!  
Вітців і матери в лягры замыкали,  
А мы малы діти за нима плакали!

Пращайте нянюсю, пращайте мамичко,  
Ци мы вас даколи іщи взриме зас?

Як уж там в Явожні, вітців нам замкнули,  
То нас дальше везли, в чужыну далеку – гет!  
По рудерах ріжных нас порозселяли,  
Та мы за горами горенько рыдали!

Горы наши, горы, Лемковино наша,  
Ци мы Тя даколи іщи взриме раз?

І так уж до гнеска в чужыні жыєме,  
Єден од другого, далеко од себе – гет!  
Та як ся часами до купки зыйдеме,  
То за Лемковином вшыткы бануєме!

Бо то наша мати, рідна Лемковина,  
В чужых путах стуче і за нами жде! (2)

На наступных странах: партитура для оркестры ⇨

# Акция "Вієла"

Слова і музика: Ярослав Трохановський

Maestoso  $\text{♩} = 84$

The musical score consists of two systems of music, each starting with a dynamic of *mf*. The first system includes parts for Piano Recorder, Clarinet in B♭, Trumpet in B♭, Percussion, Cimbalom, Choir, and Piano. The second system includes parts for Violin 1, Violin 2, Violin I, Violin II, Viola, Violoncello, and Contrabass. The music is written in 4/4 time with a key signature of one flat. Measures 1-4 are identical for both systems, followed by a repeat sign and a new section starting at measure 5.

Piano Recorder

Clarinet in B♭

Trumpet in B♭

Percussion

Cimbalom

Choir

Piano

Violin 1

Violin 2

Violin I

Violin II

Viola

Violoncello

Contrabass

S. Rec.

Cl.

Tpt.

Perc.

Cim.

Choir

*mf* Як нас

Pno.

Vln. 1

Vln. 2

Vln. I

Vln. II

Vla.

Vc.

Cb.

This page contains musical notation for a full orchestra and choir. The instrumentation listed includes Soprano Recorder, Clarinet, Trumpet, Percussion, Cimbalom, Choir, Piano, Violin 1, Violin 2, Violin I, Violin II, Viola, Cello, and Double Bass. The key signature is B-flat major (two flats). Measure 3 starts with a melodic line in the soprano recorder and clarinet, followed by rhythmic patterns in trumpet, percussion, and piano. The choir enters with a sustained note. The piano provides harmonic support with chords. The strings play eighth-note patterns, and the bassoon provides harmonic foundation. Dynamic markings include 'mf' and lyrics 'Як нас'.

5. Rec.

Cl.

Tpt.

Perc.

Cim.

Choir

пд ба гне том

f

зкра ю

вы га ня ли,

Pno.

1

2

3

f

3

f

3

3

Vln. I

Vln. II

Vla.

Vc.

Cb.

6

9

S. Rec. *rall.*

Cl. *mp*

Tpt. *mp*

Perc. *mp*

Cim. *mp*

Choir  
то ся нам зе рен ця ни зень ко кла на ли

Pno. *mp*

Vln. 1 *rall.*

Vln. 2 *mp*

Vln. I *mp*

Vln. II *mp*

Vla. *mp*

Vc. *mp*

Cb. *mp*

This musical score page contains ten staves of music. The top five staves are woodwind and percussion parts: Soprano Recorder, Clarinet, Trumpet, Percussion, and Cimbalom. The next three staves include vocal parts: Choir (with lyrics in Russian), Piano, and strings (Violin 1, Violin 2, Violin I, Violin II). The bottom four staves are brass and bass parts: Viola, Cello, and Bass. Measure 9 begins with a forte dynamic (indicated by a large 'f') followed by sustained notes. Subsequent measures feature rhythmic patterns and sustained notes. Dynamics such as *mp* (mezzo-forte) and *rall.* (rallentando) are marked throughout the score.

A tempo ♩ = 84

5

12

S. Rec.

Cl.

Tpt.

Perc.

Cim.

Choir

там!

f Со неч ко съві ти ло і ві трик по ду вал,

Pno.

Vln. 1

Vln. 2

Vln. I

Vln. II

Vla.

Vc.

Cb.

A tempo ♩ = 84

f

S. Rec.

Musical score page 15, featuring a multi-instrumental arrangement. The score includes parts for S. Rec., Cl., Tpt., Perc., Cim., Choir, Pno., Vln. 1, Vln. 2, Vln. I, Vln. II, Vla., Vc., and Cb. The vocal part for the Soprano Reciter (S. Rec.) is prominent, singing the lyrics "не бо я сне бы ло, жай во ро нок сыпі вал. Пра шай те нам го ры". The piano (Pno.) provides harmonic support with sustained chords. The strings (Vln. 1, Vln. 2, Vln. I, Vln. II, Vla., Vc., Cb.) play rhythmic patterns, often marked with *mp*. The brass (Cl., Tpt.) and woodwind (Perc., Cim.) provide harmonic and rhythmic texture. The dynamic levels fluctuate between *mp*, *f*, and *tr*.

18

S. Rec.

CL

Tpt.

Perc.

Cim.

Choir

pра щай Лем ко ви но, бо нас вы га ня ют, та не зна ме де?

Pno.

Vln. 1

Vln. 2

Vln. I

Vln. II

Vla.

Vc.

Cb.

1.2. 3.  
tr.

7

**CODA**

rit.

S. Rec.

Cl.

Tpt.

Perc.

Cim.

Choir      i за на ми жде.      Бо то на ша ма ти, рид на Лем ко ви на,

Pno.

**CODA**

rit.

Vln. 1

Vln. 2

Vln. I

Vln. II

Vla.

Vc.

Cb.

S. Rec.

Cl.

Tpt.

Perc.

Cim.

Choir

Pno.

Vln. 1

Vln. 2

Vln. I

Vln. II

Vla.

Vc.

Cb.

вчу жых пу тах сту че i за на ми жде!  
за на ми жде!

## Дакус рефлексий на 65-ту річницю Акці «Вісла»

Як тот час скоро летит. 28 квітня 2012 рока минула 65 років, коли Група Операційна «Вісла», яком комендерувал ген. Стефан Москор, понад 20 тисячи войска і міліції, вспераных діячами Польської Робітничої Партиї і урядниками зачало примусове виселання найперше Українців з Засаня і Холмщины а потім фала переселінь переходила на другу сторону Сану, де жили Лемки. І так було праві до кінця липця 1947 рока. Хто не виїхал «добровільні» в другій половині 1945 рока і в першій 1946 рока на схід, то є на радянську Україну, то уж на весну 1947 рока мусіл під гверами виїхати на західні землі Польщі.

Во вшyткx тyх operaciйn takoj 100 tisyači Lemkiv ostało rozognanых od Gójova do Harkova a može išy dalše, bo preçya nee vîrogodnyx danых o iх rozseleñju na sходi. Lem mala čast ljudi, kotrâ na svoi очi perekonała sя же na Ukrayni ploty ne sut èdnak «goroženy kobasami», tak ja obïçovali agitatory, začala vertatì sя domiè (tak ja rodina moyogo Njanya, kotrâ až spid Harkova vernuła sя do Lvova, ale dalše už ne mogla, bo nova graniçja radyan'sko-polska byla už zaperta i затo oseliila sя kol' Kaluša, de žyli pereselenç z iх rodinnyx storin, často z того samogo sela, jaç Svyatkovka ci susdinya Svyatkova).

Moji baba i mama mali vece šestja i... sprygu i po roci času žytya v «dobrobytì» vernuли sя назад domiè na Lemkovinu, ja ...Pöl'ski, bo w pol'skogo ksen'dza rymokatoliçkogo vyrobili sobi falshywy metriky kreščynja i jaç «tamtejshy» vyihaли ostatim pol'skym tранsportom z tamtych storin. Razom z nima vyihała tîž rodina Koltki'v z Maçyny.

Koli priihali do Peremyshlia, to ani ne jðali na potyag do Gorliç lem pîše veritali sя domiè lîsami, bo sя bояli, žeby iх zas ne vyzvezeno do «kraîny dobrobytu». Perezimuvали w Ma-

цині а потім зас, в червці 1947 рока выбрали ся в дорогу. Тепер уж під гверами і через... КЛ Осьвенцім, котрий Німці збудували а котрий в 47-мым Поляки ішы выкорыстали.

А коли уж моя баба і мама приїхали до Хобиені недалеко Сыцінавы, з такым газдами як Ш. Барна, М. Присліпскій, О. Присліпскій ци М. Чан і інчима, уж меншыма, то ся вказало, же лем для них неє ниякого кута, бо в першым шорі заселяно велькы родины, а дві молоды бабы (баба мали втowды 41 років а мама 20 років) могли жыти на разі і під голым небом, бо преця зачало ся літо. Але в ёдній хыжи жыли ішы дві Німкы. А же польскы власти о переселенців дбали, то Німкы з іх хыжы выгнали і бідным ёй дали. А што ся з Німкамі стало? Одраз до Німець высланы остали і напевно того не жалували, хыбалъ, же то была пізнійша НДР, то є Німецка Демократычна Рэспубліка.

І так моя баба і мама, котры до того часу бідували, тепер газдныяmi ся стали, але мусіли пилнувати того што застали, бо ім польскы сусіде забрати думали. Зас велью Лемків, котры в горах были газдами на чужыні оставали... дзядами. Головні тоты, котрых оселено на понімецкых фармах, а котры стали ся тепер пегеерами. Такы то были дивны часы.

Як иде о мойого няня, Ваня, то він тіж перешол цікаву дорогу. На заході новай Польшы нашол ся уж в... 1945 році (што цікаве, мій тестъ Теодор Дроздяк – так само).

А было то так: в марцы сорок пятого рока моі нянько достали возваня... до Красной Армії. Як ся там выберали, то моі дідо, тіж Андрий, як і я (то была така традиция, же найстарший сын мал ВСЕ імено свойого діда, аж я ёй гломил, чого жалую) раіл му вшытко робити, жэбы го взяли до польского войска, бо оно верне ся лем до Польшы, а з Червоном Армійом може піти навет на Японців. Але коли моі нянько повіли, же они хотят воювати в Польским Войску, то старшина поклепал го лем по рамени і повіл, же то нияка ріжниця, бо тепер Росияне і Поляки сут союзниками і разом будут бити Германця.

І так моі нянько пішли в совітску армію. Найперше школили іх през два тыжні, хыбалъ в Рабці, а потім погнали на фронт. Мали тово щастя, же нич ім ся не стало (дішли аж під Прагу) і

літом сорок пятого рока, уж як комбатант, през Моравы і Словакию дішли аж до Коломиї, де був уж Совітський Союз. Але Росияне заховали ся в порядку і повіли воякам, же сут дальше граjdанами Польщы і можуть вернути ся домів. Єдно часно поінформували, што може ся так стати, же не застанут своjої родины, бо могла вийти до... Совітского Союза. Але ніхто спосеред Лемків не остал на Україні і вшyткы вернули ся до мів. Нянько тіж.

І хтovды вказало ся, же заправdy ціла його родина вийшла на Україну (зо села Сватківка пішло такоj сорок родин, а остало хыбаль лем девят). Мало того: упереджено го, же звіduвали ся онього партизанты а в другій половині сорок пятого рока на Лемковині були уж лем єдны - спід знаку Тризуба, то є - Українськоj Повстанськоj Армії.

Нянько мали втovды двадцет єден років і не думали бити ся за Самостійну Україну, лем поїхати на... Радянську і найти свою родину. Пішли до найближшоj воєнной команды (може в Дукли, а може і в Яслі) і повіли в чым rіч.

Старшыня найперше вишмарил вояка - писаря з канцеляриi, зім'ял няня за кляпты загорткы і повіл: „Што ты робиш, бортаку? Кед ся боіш уповців, то втіkай на понімецкы землі, котры тепер сут польськи... А твоя родина буде плакала, же поїхала на Україну!“.

І послухали моі нянько того мудрого человека, взяли свою невельку деревяну валізочку, в котій мали вшyтко чого добрали ся на войні, пішли до найближшоj колейовоj стациi і поїхали на totы Землі Одзысканы. А же хотіли дальше жити в горах, то высіли на стациi Быстшиця Клодзка, в Судетах. Жили там до кінця 1952 рока, жебы 19 січня 1953 рока оженити ся з мойом мамом. Як ся нашли (ділило іх такоj двіста кільометрів), то уж тема на інче оповіданя, а може і фільм.

През першы рокы праві вшyткы бідували. Розшмарены медже Поляками (в селі переселенців з Ациці «В» - так ся з часом зачало называти примусове пересеління Українців і Лемків - не могло быти веце як 10% вшyткых його жытелів), без своіх церкви (головні грекокатолики, але православны тіж), пороз-

биваны селськы звязи (село Фльоринка было розселене і во Вроцлавскым і в Познаньскым воєвідствах (Зеленогірского іщи втowды не было), без права поверніня хоцбы лем на єден ден Домів, на Лемковину, діти мусіли іти до шкіл з польським языком навчаня, котрого не знали. Бо в хыжи бесідувало ся лем по «нашому».

Найгірше было того, же на звіданя «За щто?» не было вірогідної і правдивої одповіди. А як уж была, то лем не до приняття: «Зато, же УПА забило генерала Кароля Сьвєрчевського». І так є практичні до гнеска, хоц од тамтого часу минуло уж 65 років а так званого ПРЛ-ю неє уж 23 роки.

А може того примусове пересеління было на руку ріжним політычним опціям в Польщі, не лем злым комухам..., як бы декотры теперішні демотраты хотіли.

Бесідує ся, же час гоіт раны і терпіння. То правда, але то завдяки тому, же тоты котры іх досвідчили одходять на все. Єст іх штораз меньше і буде з кождым роком меньше, аж в кінці вшыткы погмерають, бо такє єст наше жыття. Останут по них спомини і стары фотографії. Іх племінники будут о них памятати, але о часах в котрых они жили уж ні.

Сьвіт, котрий неприхильны Лемкам і не лем Лемкам силы зачали розваляти в роках 1945-47, одышол безповоротні. Бо навет тоты, котри вернули ся Домів по 1956. році, вернули ся до окalіченой землі, хыжы. Ци колинебуд офіры Акції «Вісла», іх племінники почують офіцийне слово од польської державы: „Przepraszamy”?



## АКЦІЯ „ВІСЛА”

— Пішловоо! — Тото слово  
пало ачий пару тисячи раз  
під час знимання ІІ частини фільму  
в осени минулого і на яр того року.



Сцени знимано передовшыткым на Заході, але по части і в Горах.




Фото: Петро Басальга.



Леміш і жалізна рура послужат за дзвін, бо...



вірний народ зберат ся уж пред „церквию”. Фото: Катрена Сінковська.



В „церкви” (фото: К. Сінковська) і...



на сельским збораню. Фото: Н.Н. Габура.



В дорозі на ліпше (і для фільму) місце. Фото: Богдан Гамбаль.



Пред, по, а може медже роботом. Фото: К. Сінковська.

Минуло двадцет років од І Світового Конгресу Русиньского Языка (Бардиівски Купелі, 7-8 листопада 1992 рока). Нашы, лемківски „медиі” бывали ішы товды дост немічны, жебы вычерпуючо зреяліонувати подію, лем короткій допис під наголовком *Важний крок* явил ся в „Бесіді” (Нр 3-4, 1992). А час летит, а памят є, яка є. Не одтворит як суцо подій сперед двадцетох років.

Зато тіж подумал ём представити бодай в скорочиню обшырний допис п. Любомира Медеши, писаний уж тіж з перспективы часу, та лем о рік по Конгресі, публикуваний в трьох частях („Русин”, номеры 1-2-3/1994). Тым способом лишыт ся потрібна, думам, памят о тій події о тым часі і в нашій, лемківській публикації.

А час был трудний, особливі в єдним аспекті. Припомну го, приводячы выімок зо споненого допису *Важний крок*:

„(...) Заакцентую лем дакотры выступліня, якы мя психічні особливі підбудували. // То реферат жыдівского вченого з Америки Джошуа Фішмана. Його і його народу аргументы потвердили святіст традициі, в обороні якой мал ём щестя і я выступити з полемічном доповідю. Буду може нескромний, але зацитую голос з „Народных Новинок” о собі: який запалено *выступил на обрану азбуки (...), што могло маго мага даякій вплив і на основаня русинскога языка на азбуці, як графічнім системі*. Чую ся єдним з вітців того сукцесу, буде мі з тым добрі до гробової дошки. Бо опозиция была міцна.”

Гей, не представляме сой днес, же істніл такій проблем. Деякы діяче з Підкарпатской Руси і з Пряшівщыны форсували проєкт перейти Русинам в писаню на... латинку. „Народны Новинкы”, ай дакус „Русин” зачали уж публикувати част дописів латинком. Штоси з тым „фантом” треба было робити. І выступил ём в обороні азбуки на Конгресі. Тото выступліня мало дост шувний резонанс. Попри съмільям, а милым для мя стверджыню в выжше приведеных „Народных Новинках”, явило ся ціле друком в „Русині” (Нр 5-6/1992). Окремым акапітом споминат о ним тіж в своім дописі Любомир Медеши.

В нас николи тата оборона кірилиці, азбуки не была публикувана. Товды, в двадцету річницю І Світового Конгресу Русиньского Языка, позвалям сой, дораз по дописі Любомира Медеши, помістити ю в Річнику. Хоц днес зробил бы-м тото ліпше. (пт)

# Перший Світовий Конгрес Русинського Языка

О потребі скликаня стрічы кваліфікуваних осіб, на котрій бы ся розправляло о методології і процесі кодифікування русинського языка, розпочало ся бесідувати на I Світовым Конгресі Русинів в Меджелабірцях 1991 рока. Товды, медже інчым, проведено стрічу писателів, котры пишут русинським языком або сут Русинами, але іх творы сут публикуваны в інчых языках. Приявны были о. Франтішек Крайняк зо Словакії, Володимир Фединишинець, Василь Петровай і Іван Петровцій з Україны, Петро Трохановскій і Олена Дуць-Файфер з Польщы. Стріча была організувана зо стороны др. Павла Р. Магочия з Карпато-русинського Дошліднього Центра і Любомира Медєши з Рускої Маткы в Югославії. Писателе дискутували о кодифікуваню русинського языка, чым занимат ся кождий в своім краю... З цілю, жебы ся продолжило розправу о літературным стандарті, догварено ся, же треба в близкій будучности скликати русинській філологічний конгрес.

Пошлідували дальшы крокы та реалізації думки і потребі шырокой стрічы, на котрій утверджит ся основа політыкы спільнога діяння в справі стандартизування русинського літературного языка. Так, на семінарі о русинській історії і культурі під назвом *Враз през історию* (Свидник, Словакія, 8-9.05.1992), а при організації Русинської Оброды, зас порушено проблем кодифікацыі русинського языка: *Сучасне головне задяня Русинів то реалізувати, або докінчыти реалізацію ознаки яка характеризує народ - кодифікувати язык. То проблем, якій в своїм програмі ма Русинська Обрада, але і русинськы організації в Польщы і Підкарпатю.*(...)

Безпосередньо по принятю заключыння во Свиднику, Русинська Обрада, на челі з Василем Туроком, котрий тіж є і ведучым Координаційної Рады Світового Конгресу Русинів (дале КРСКР, пак Світова Рада Русинів - Ред. ЛР), звернула ся до державных органів Словакії. (...) Єдночасно, Карпато-ру-

сињскій Дошлідній Центр в ЗСА деклярувал ся, же з Русиньском Обродом буде спілорганізатором і спілфінансиєром стрічы русинських лігвістів, писателів, журналістів і інчих, котри представляють русинські організації. (...)

Перший Съвітовий Конгрес Русинського Языка, як видно, настал з потребы та ініціативы русинських творців (писателів, редакторів, журналістів, лекторів, просвітніх і наукових працівників), технічно-організаційні был організуваний Русиньском Обродом з Васильом Туроком во главі (і такої ведучим КРСКР), а тематичний і змістовий профіль надал му Павел. Р. Магочий. Він надал Конгресови концепцию і означыл його конкретну ціль: *Не смотрячи на похвальну проклямацю, том робітній семінار організує ся не лем для даякого проголошиня, але для конкретных і практычных потреб.* Почынаючи од 1990 рока зъявили ся новы русинські газеты і часописы в Польщи („Бесіда” – 1989 р.! – Ред. ЛР), в Чехо-Словакії („Русин” і „Народны Новинки”) і в Україні („Отчий храм”, „Подкарпатска Русь”). Русинська Обрада в Чехо-Словакії видала уж по русинськы пару книжок, декотры сут в друку і онедолга выйдуть. Професиональний Театр Александра Духновича з Пряшова тыж уж грає по русинськы. В Польщы зачала ся в первых школах наука лемківского варіанту русинського языка. Знаме тыж, же Русины з бывшої Югославії видают вишелеяку літературу, і головні од закінчыня другой съвітовой войны выдрукувано в Войводинским варіанті русинського языка вельо цінных книжок. Не пришли сме ту лем зато, жебы сме лем констатували, ци буде або не буде функцыонувал русинській язык, або ци треба в місце свойого языка хоснувати даякій інчій славяньскій літературний язык. Такы квестії были уж скорше, а може і будут по конгресі. Том хто бы хтіл вести полеміку на таку тему, може тогто робити, але на інчым форум.

На пленарній части, як ведучий, П. Р. Магочий звернул ся інспіраційні до творціє сучасной русинськой культуры: Вы вишытки, писателе, редакторе, лінгвісты, мате привілегію, але і одновідальніст. Привілегію в тым, же ся вам пощестило як писателям і творцям богатой русинской культуры, котра розквітала тисяч років під Карпатами, быти на тым полі. Вы можете хоснувати од Бога вам даний талант на богатство і розвитя свойого народу. Вы уж зробили не мало, часто і з велькыма для вас жертвами, але муси-

*те працювати і дальше в будучності. В тракті вашої роботи мусите памятати, же сте частю долгого літературного процесу кількох століть, котрий можете продолжати і дальше... Люде вас не будут памятати по тым чого сте довели або стратили в полеміках, але будут памятати што сте зробили для розвитя русинського языка, літератури і прекрасної культури Русинів...*

Слова ведучого звернені були преважно до молодої русинської інтелігенції, твердо поставленої на дорозі русинської достоменності. То інтелігенція медже 30 а 50 роком життя. До явного життя ся влучила в помеджі 1970 а 1980 роком, кед наставали першы переміны на ідеологічним пляні Европы. Была освічена без русинських основ, але з домашнім вихованьом того духа. През власний інтелект придала ся до функціональности і продолжування русинської традиції. І в таким напрамі молоды інтелектуалісты хцут реафірмувати русинськы национальны характеристыкы, пеленчыти і розвивати такы етнічны приметы, по якых Русины будуть рахуваны на окремий нарід. Молода інтелігенція в тых своіх замірах стрітила ся з з реакційом даной части русинської інтелігенції, дакус старшой, котра національні вынародовлена. В тій рывалізації русинської молодої і старої гарды, хоц і болячо (бо зміна єдной еліты на другу нигда не є легка ани приемна), перед превзяли молодшы. (...)

Єдна з основных історичных характеристык в процесі формування русинської національної съвідомости то тата, же етнічны компоненты формували ся без власной національной державы. (...) Русинска інтелігенція з єдного боку проявляла почутя і потребы етносу гу котрому належыт, а з другого боку моделювала процес русинської національной гомогенізації. Так є ішць і днес.

Іде о процесы історичного зливаня або розділюваня ся народів під конкретными політичными, економічными, культуро-выма, релігійными і географічными обставинами. Зато в звязку з тым П.Р. Магочий в єдній з найвнівшых прац дає прецизийны одповіди што до Русинів: *Понеже Русины хоц лем етнічна група (поділена на веце етнографічных суб-груп), ци є теоретична можливіст жебы розвинула ся до окремої нації, або включыла ся до інчої*

нації? Одповід на обі часті того звідання є – гей. Справа, ци ста-  
нут ся окремом наційом або частю інчої нації, то сущніст так  
званого проблему русинізму.

Декотры наукаўцы, окреме з моладшых, тыж мают подібне становиско о невыкорыстаных а оправданых можливостях ру-  
сињскага народа. Для прикладу, близкі гу такому становиску заключыння Валодимира Галаса, кандидата історичных наук з Украіны: *Сьвітова аналогія ёднако потверджат і процес зливаня ся етнічні близкых груп до ёдной нації (німецкой, французкой) і их раз-  
двоюваня, хоц до зъеднаня были вшытки обставины (як то было з Ро-  
сиянами, Украінцями і Білорусинами).* Цілком можливе, же в ос-  
татнім прикладі важний міг быти фактор перервання історичнога  
процесу: Монголо-татарскіе ярмо, а потім літовско-польскій період  
в історії Украіны і Білоруси привели до формування трьох ріжных  
націй. І кед ся зверне увагу на тут важний фактор, буде цілком  
логічні допушчати, же сама історична одорваніст Славян в карпат-  
ским регіоні привела або приведе до явління ся русинської нації.

Історичны джерела без вантпливости вказывают, же адміні-  
страцыйне непризнаваня Русинів як окремой націі было ре-  
зультатом большевізму. (...) По другій сьвітовій войні державы  
під домінаційом СССР вытворювали таку політыку, же Руси-  
нів ніт, сут лем частю украінськой нації. Русины як окрема на-  
циональніст были в формі национальной меншыны признаны  
лем в Югославії. (...) Аж з розпадом комуністычнога блоку  
1989 рока русинській народ дістал можливіст выржати і спол-  
няти свои самостійны национальны прикметы і потребы. (...) В тым сенсі окреме ілюстратывний приклад з Уграми, де ся  
думало же Русинів веце ніт, же ся национальні втопили в інчых  
народах. Габор Гаттингер, поета, ведучий Організаціі Русинів  
на Уграх, участник Конгресу, сьвідком того национальнога  
гнобління: *Русины жыли враз зо Словаками, зато их мадярска власт  
мала за Словаків.* Ходили до мадярских школ, в которых были годины  
словацкого языка, а по русиньски бесідували лем дома, медже собом...

Ест плеяды наукаўцев, котры потверджают, же язык Кар-  
пато-Русинів то сучасна і потенціяльна част іх креатывнай  
культуры. Гелена Медеши, магістер лінгвістичных наук, ёдна  
з провідных лекторів языка войводинских Руснаків, участник

Конгресу, має таке становиско о карпато-русинським языку: *Не мож ти бесідувати о оживляю даякого мертвого языка, ходит ти о барз конкретний живий язык, которым тоты люде бесідують.*

Карпато-русинський язык такий през цілі остатні два століття прібувало ся кодифікувати. Праца над тим була переважно індивідуальна, а не колективна і організована, але видимі результати остали. (...)

Характеристику стрічы в Бардіївських Купелях висловил найперше П. Р. Магочий, наголошуючи со своїм ввідним вкладі, же то *робітний семінар*, або ліпше *Перший Конгрес Русинського Языка*. Поняття неприпадкове, але є виведене на основі дефініції о таких стрічах, знаних в науці. Подля слів Джошуа Фішмана, єдного з найвищатнішых социолінгвістів: *Языковы конгресы то місце де рішают ся проблемы, што значыт, же зыйде ся група люди розширити конкретны квестии вызначены з боку організаторів конгресу. Тото головном міром было цілю вшытых „Перших конгресів“...* Перши конгресы были скликаны зато, жебы ся рішили проблемы, принесли постановы в звязку з языком X... Перши конгресы не лем спроста мобілізация факторів про хоц-якы квестии языка, але мают шыришу історичну функцыю.

Концепция Первого Світового Конгресу Русинського Языка так була поставлена, жебы мала практичний сенс. На основі концепції вишла і його характеристика. Подля змісту, структури учасників і принятых постанов то языковий конгрес. Конкретні, були то тыповий *перший языковий конгрес* – Перший Конгрес Русинського Языка.

На пленарным засіданю, на основі практики при інчих языках во світі, вказано на можливы рішыня в основній політиці кодифікування русинського языка. Принято такій принцип, же при помочы результатах науки, през дошліджня найвищатнішых фахівців што до таких языковых квестий, приближыти учасникам Конгресу способы подля якых квестия ся розвивала в практиці інчих первых языковых конгресів і, в цільым, в політиці кодифікування языковів. Не брало ся до уваги декретовий спосіб, хоц бы то было і зо стороны лінгвістів: *Думам, же дорога по котрій ідеме – в принципі добра; ничего на силу...* Кожда режисерия бере домінантовий діалект своєго краю і глядат ся спільних параметрів (Г. Колесар).

В першій часті, на пленарным засіданю, выдатны лінгвісты, съвітовой реномы, проф. др Джошуа Фішман, социолінгвіста Єшівского Університету і Стенфордского Університету в ЗСА і проф. др Свен Густавсон, славіста з Упсальского Університету в Швеції, кваліфікувано і аргументувано вытлумачили дорогу, по якій може ся дійти до кодифікуваня языка, та однісні і до кодифікуваня русиньского языка.

Аналізуючы першы языковы конгресы при 18 народах в періоді од 1849 по 1980 рік в Европі, Афрыці, Амерыці і Азіі, Джошуа Фішман вызначыл моторичны факторы при таких стрічах: *Реалізация первого конгресу не ё легка. Векшину таких конгресів організує ся на скоро, з мінімальными досягнінями, неясныма ідеями. Работу complікує і факт, же неєднакы ціли, з котрыма дана група організує контрес, провокуют опонентів, котры не преконаны о потребі таких конгресів, коментуют іх критычні, часом і зо саботажом...* При оцінюваню первых конгресів, іх місця в історії, треба мати на увазі іцы ёден факт – факт спонсорства первых конгресів. Першы конгресы, повязаны з такыма нацыянальными рухами были ўдином можливом формом реалізацыі соціально-культурнога і економічнога програму, котрий поставил сой за ціль політычну незалежніст, інтитуціональне зорганізуваня, або хоц лем культурну автономію. Другій тып спонсорства то поміч державы. Першы конгресы білоруского, корейскаго, македоньскаго, мая, польскаго, турецкаго, украінськаго языка підходяць найбарже до тога другога тыпу, што не значыт же і в таких припадках тайны опозиційны намаганя не были приявны. Третій тып то академічны спонсорства... Подля юго оціны, критеріі поводжыньом первого конгресу было бы в меньшій мірі саме організуваня стрічы, а векшом міром праца освіченых фахівців, інституций в наступных роках. (...)

Выступліня Свена Густавсона мало тыж подібну ціль – вказати процес як пришло до кодифікуваня інчых славянських языков. Поясніл він тіж што така кодифікация значыт в етнічных меджеодношынях. В першым шорі вказал же барз тяжко дефиніювати термін „язык”, особливі коли тычыт ся то языков тэнетычні подібных, то ё языков, котры формуvali ся зо загальнога праца языка.

(...) Проблем являт ся в тым, же попри чистых лінгвістычных формах, сут і перехідны формы. Само конкретне жыття

приносит конкретны рішыня, а они не все мусят быти подля принципів якы знає наука. В тым сенсі С. Густавсон вказал на квестионуваня окремого діасистему кашубського языка зо стороны польських лінгвістів, на неясний статус двох лужицько-сербських діасистемів, на два окремы системы і два стандартовы языки Чехів і Словаків, хоц ся іх даколи рахувало за ёден язык, так істі як то был донедана припадок з языком Сербів і Хорватів. Вказал тіж на болгарських лінгвістів однісні македоньского языка, што до котрого они утримуют, же є то *регіональний варіант болгарского языка*, напротив македоньских і інчых лінгвістів, котры доводят його автентычніст. Подібны припадкы были в минулости з білоруским і українським языком в однішиню до языка Росіян, бо оба тоты языки долго не были признаны як окремы. Іщи все сут спірны, барже політычны як лінгвістычны квестіі што до білоруского і великорусского на треіторіі попри Смоленську.

Подля С. Густавсона нее диламату на якій основі треба вывести стандартизацийний (літературний) компонент ёдного языка: добры знаны сут важны прикметы літературного языка: нормуваніст, кодифікация, полівалентніст і стилістична варіація. Стандартовий язык мусит мати випрацувану норму, котра є плодом колективной згідности групы. Тота норма кодифікує ся в граматыци і словарях, і в інчым.

Ци така лінгвістычна формула може ся одностити і до русиньского языка? Очывидні же може. (...) За стороны С. Густавсона одповідальнym за дальшу долю русиньского языка дане до відома, же: буд котрий діалект може придобати статус літературного языка в хосенных обставинах, то є кед люде котры ним бесідуют мают почутия ёдинства, котре зо свойой стороны базує на спільній історії (включаючи історичны легенды), кровніст і загальну культуру, влучні з релігійом... Кед істнует спільна істория, спільна культура і спільна територия, товды аж і дост незначны лінгвістычны ріжници можут быти барз важны. (...)

Практычны приклады, же без взгляду на велькіст етнічной групы може прийти до вытвориня ся окремого лінгвістычного діасистему і літературного языка, были в рефератах професора Джорджа Дармса з Фрайзбургского Університету, о пятьох

ріжних і спільним літературним варіанті языка 50.000 Романців в Швайцарії і професор Еліан Мольо з Університету в Ніці (Nicea), о літературним языку 25. 000 монегасків в незалежній державі Монако. Тота друга тематична част Конгресу одшмартила кождий дилемат ци можливий є територияльний принцип выпрацування літературних варіантів русинського языка.(...)

По дводенним засіданю конгресу, на пленарній конференці і в заняттях регіональних секцій (Підкарпатска, Пряшівска, Лемківска, Мадярска і Войводинска), принято Резолюцию Конгресу, в котрій высловлены основны принципы політыки і будучої практики в кодифікуваню русинського літературного языка.

Медже участниками на конгресі преважыло пресьвідчыня, же для русинського літературного языка треба приняти поліцентричну форму стандартизациі. Каждий з географічных регіонів (окрем мадярского, котрий ся оповіл за принадлежністю до пряшівського варіанту) буде симультанічні розвивал свій варіант русинського літературного языка. Поліцентрична форма стандартизациі приявна і при розвиненых языках, вельких подля числа партципієнтів (напримір англіцкій з британськом і америцкком, німецкій з австрійском, німецкком і швайцарском ітд.). По фазі коли буде ся вводила поліцентрична форма, наступит фаза моноцентричности. (...)

Попри поліцентричній і моноцентричній формі стандартизациі, котры в даній мірі будут ся симультанічні принимати, участники Конгресу звернули увагу і на принцип історичности і на антропо-географічний фактор. То значыт же в вырабліню нормы русинського літературного языка і літературных варіантів русинського языка в регіонах, буде ся глядало актывных лінгвістичных елементів (такы котры ся перманентні хоснуют в комунікації) і специфічных лінгвістичных елементів (такых, котры зачали в русинськым языку вымерати, мож на ні трафити лем в старшій літературі). При чым хце ся двигнути понад яловий традиционалізм і лінгвістичний пуритаризм, бо было бы то насильне вертаня до нереальности. Такій штучний язык одбивал бы од себе партципієнтів і іх потомків. Але язык

сучасної русинської комунікації може ся збогачувати функціональними архаїзмами. (...)

Добрым прикладом гляданя русинських архаїзмів може быти мала група Русинів в ізолюваным селі Комлошкя, або Мучонь на Уграх, де почути мож такы языковы элементы, котры ся при Русинах в сусідній Словакії уж потратили, але ішы, ту і там, обстояли при Русинах в Лемковині і при Руснаках в Войводині.

Принцип історичности і антропо-географічний фактор, як част догвариня ся о методології кодифікування русинського літературного языка, в Резолюції обняты: в пункті 3., же: *треба опрацювати історичну граматику русинського языка*; в пункті 1. же спільній русинській літературний язык мусит быти *кодифікований на основі материялу каждого з регіонів* (Підкарпатя, Лемковини, Пряшівщины і Войводини) і в пункті 10., же *каждий регіон зробит одновіднью бібліографію*.

Для учасників на конгресі ніт дилемату, же ся не одступит од традициі і теперішньої практики хоснування кірилиці. Дискусіі о tym ци хоснувати кірилицю, або латинській графічний систем в русинськы, языку было вельо пред Конгресом і на самым Конгресі. Дискусія была частю процесу в вынаходжыню найвыгіднійшого рішыня лінгвістычных елементів по якых будут Русины розпознаваны серед інчых близкых народів. Заложыня о хоснуваню латинкы были стимулюваны прикметами русинської культуры, котры характеристычны барже культурі центральной Европы і західніх Славян, як сходу. Зас лем, і по при таких прикметах, Русины подля історичной памяти тяжат гу східнім Славянам і гу кіриличному графічному системови. Таку кіриличну традицию медже Русинами окреме охороняла Церков через богослужыня по церковно-славяньскы, як і старша русинська література. Вдякы кірилиці тримала ся тыж русинська національна съвідоміст в такій мірі, же при генераціяк котры уж вынародовлены (Выходняре в Словакії або греко-католики во східніх Уграх), а знают чытати і писати кірилицьом, незабытыма остали русинськы етнічны корені.

На оборону кірилиці на Конгресі твердо станул Петро Трохановскій, поета з Лемковини, заступник ведучого Стовориши-

ня Лемків в Польщі: ...*выстарчыт нам того же будеме, так як през тисяч років, добрыма сусідами, кождий з власном культуром, в тым і азбуком. А коли уж ходит о нашых потомків, то будеме ся не лем двоіти, а і троіти – жебы передати ім тото, што наши вітцьове передали нам. А коли ходит о деяких потомків, котры приймут латинку – ім уж доправды не буде потребы двоіти ся. Будут Словаками, Мадярами, Поляками першої воды, „чыстай” кырви.* Лем час од часу дахто ім припомне: *Natione Polonus, gente Ruthenus.*

В Резолюції, пункт 9., голосит: *графічний систем русиньскаго языка кірилиця.*

На Конгресі бывали репрезентуваны шлідуючы русиньскы організациі: Русиньска Обрада зо Словакіі (делегация на че-лі з ведучым Васильом Туроком), Товариство Карпато-Русинів з Украіны (делегация на че-лі з заступником ведучого Васильом Сочком-Боржавином), Стваришины Лемків з Польщы (делегация на че-лі з заступником ведучого Петром Трохановским), Організация Русинів в Уграх (делегация на че-лі з ведучым Габором Гаттінгером), Руска Матка з території бывшой Югославії (делегация на че-лі з ведучым Любомиром Медеші), Товариство Руского Языка і Літературы з Войводины/Югославії (за предсідателя Ірина Папуга) і Приятелів Підкарпатской Руси з Чех (Іван Пилип, член заряду). Тоты організациі спілпрацуют од 1991 рока, то є од I Съвітового Конгресу Русинів. (...)

Русиньски медиі міцно партыципували в шыриню ідей русиньского руху в карпатскій русиньскій отчыні і в русиньских діаспорах. Через них Русины довідували ся што діє ся в региональных організациях, але і передавало ся через ні інформациі якы хоснували медиі в інчых языках. З другой страны, при недостатку інчых придатных форм політыкты моделиюваня русиньского языка, редакцыі русиньских медий бывали поставлены до ролі норматора варіантів русиньского языка. Видно, наприклад, же зо зміном редактора газеты „Підкарпатска Русь”, пришло і до зміны правопису, же „Народны Новинкы” і часопис „Русин” сут в фазі гляданя найвыгіднійшого варіанту русиньского языка на території Словакіі, або же „Бесіда” в Польщы є для Лемків языковым барометром, зато же радактором того часопису є Петро Трохановскій, найвыдат-

ніжший і найплідніший сучасний поета Лемковини. І в войводинським прикладі мож спостеречи міцний вплив прасово-видавничої хуїжі „Руске Слово” на літературну норму Руснаків, бо єй редакторе і лекторе все числилися до ведучої інтелектуальної кадри (Дюра Папгаргай, Дюра Латяк, Йовген Чакан, Ірина Гарди-Ковачевич...). На Конгресі Русинського Языка редакторе русинських медий (Александер Зозуляк, Дюра Папгаргай, Петро Трохановскій, Василь Петровай), не лем же були приявни, але туж проводили на засіданях регіональних секцій. Мали тверде становиско што до принципіальних квестій кодифікування русинського языка (квестія кірилиця - латинка, дальнє розвивання літературного языка Руснаків Войводини як варіанту русинського языка, форсування домінуючого діалекту на даній території). За зрозумліньом і толеранційом они прияли опінію, же кодифікування русинського языка не мож зробити *на коліні*, хоц потребы евідентны, але буде то долгій процес.

Конгрес був стрічом кваліфікуваних і опідовідальних люді. Були то професіоналісти або такы, котры через професійну роботу і творчіст вельо осягнули в області лінгвістыкы, языковых квестій. На Конгресі м.ін. было штырнадцетро осіб з академічном кваліфікаційом і позиційом (проф др Веслав Вітковскій, проф. др Джордж Дармс, проф. др Свен Густавсон, проф. др Михайло Зарічняк, проф. др Павел Р. Магочай, мгр Гелена Медеші, проф. др Елен Молто, др Юрий Панько, проф. др Іван Поп, проф. др Іштван Удвари, мгр Михайло Фейса, др Генрик Фонтанській, мгр Мирослава Хомяк, а туж десятеро русинських писателів (Олена Дуць-Файфер, о. Франтишек Крайняк, Любомир Медеші, Дюра Папгаргай, Василь Петровай, Іван Петровцій, Василь Сочка-Боржавин, Петро Трохановскій, Владімір Фединишишец, Габор Гаттингер).

Такій інтелектуальний потенціял оцінил і внос до Резолюції Конгресу, же кодифікация русинського языка буде довгым процесом і же потвердит ю лем жыва практика (пункт 12). Тот процес то ниякій не експеримент етногенезу. То не експеримент, для котрого бы з человечої обычной цікавости дигінчыло ся хід справ, за кожду ціну хтіло осягнути пресъвідчня: ци

Русини витримають спокуси національної самостійності, або станут ся дачым інчим. Ціль того процесу то продукт на потреби конкретної суспільноти (Русинів), жебы мали свій літературний язык і через него іщи міцніше висловлювали своє право до етнічної достоменності і диференційності што до подібних народів і їх языків. В якій міри процес тот ся поведе і як долго буде тирвал, залежить головні од принятых норм, од іх приспособлення до духа і потенціальних критерій русинської культури. В якій міри потвердят ся тоти норми в живим хоснуваню, на тільки буде оправдане іх введіння до кодифікованої форми русинського языка.

В тым суб'єктивним компоненті кожного окремого сегменту культури, же не вшытко мож етнічні пресадити, лежить причина давних і сучасних вимог і дужинь малых або новых народів Європы мати свій автохтонічний літературний язык. Гу таким народам належат і Русини.

Русини подля своєї традиції і прикмет культури не сут днешні, а при тым і витирвали, бо без огляду на число таких што під час народной пробы, перепису населення могли і хтили офіційні признати ся же сут Русинами (в Словакії векше число голосило ся до русинського материнського языка як до русинської національности), мають в своїх рядах такы єдиниці, котры стати і котры дужат до прогресу русинської національной еманципації. Русинський літературний язык зо штырьома регіональными варіантами, а дакотрого дня в будучности спільнений для вшыткых, мал бы быти міцним середком той еманципації.

З языка бачваньских Руснаків  
злемківщил Петро Трохановскій

Увага:

Зрезигнувано з приписів до даного тексту, понеже становили они такої третю част цілості. Особливі заінтересуваних одсыламе до оригіналу: „Русин”, номеры 1-2-3/1994.



## Кірилиця ци латинка? – Такой альтернатывы быти не може

(доповід прочитана на I Конгресі Русинського Языка)

В першым числі „Русина” на 1991 рік поміщено фрагмент моєго листу, де я, з нагоды появлення ся того прекрасного видання (часопису), повідал: *Тяжко описати мою велику, превелику радіст, як перед трьома днями я дostaл „Русина”. Я не знал што зо собов зробити, в котру сторону летіти, з кым наперед поділити ся тов радістюв, яка до мене не вміщала ся*<sup>6</sup>. Так тішыл ся я і товдys, коли вишло до сьвіта перший номер „Народных Новинок”. Та уж шостий номер, а радше єден допис в ним, авторства Василя Петровая під наголовком *Citacat rusynskych výdaň*, писаний латинком, збурил мою кров. Пан Петровай, нич ішы зачал перечислювати аргументы чом то латинка ближша Русинам, писал: *Ja stoju za latiniku, хос – tak sa vydyt’ – blyšov mala bý mi býti kirilika, bo šytký totý roký jem žyv u ZSSR*<sup>7</sup>.

То так, як бы – дайме на то – я повіл: - „Пан Петровай є мі ближший зато, бо Він Петровай а я Петро.” Ци лем зато кірилиця мала бы Вам быти ближшом, што жыи сте в ССРР? На Вашу думку інчых аргументів нее? Постараем ся вказати іх Вам дальше, а передтym зацитую ішы дашто з Вашых выповіди. Під п'ятym Вашым аргументом пишете: *Používati, jak sa do typyr toto robyt, i dale ukrajínsku azbuku – šýtko jedno, što objavytí o svoji samostatnosti, ale oxabyti totý pinazi, kotrý nam davat štat. Dokýl budeme použyvati ukrajínsku azbuku, dotýl nas funkcionare prašivských fakult, ZRUCSiv budut tulyty gu sobi, abo sami tulytisa gu nam*<sup>8</sup>.

Выбачте, але такого бідного аргументу я по Авторі „Русинів” ся не сподівал. Выходило бы на тото, же Болгаре, которы

<sup>6</sup> Написали до редакцii, „Русин”, 1/91, с. 4

<sup>7</sup> Vasyl Petrovaj, *Citacat rusynskych vydan*, Народны Новинки, ч. 6, с. 4

<sup>8</sup> Як виже

утвердили кірилицю і передали єй таком нам, уживають тепер українську азбуку. З таким аргументом мал бы правду і мій сусід Антек Ковальські, котрий повідат, же Італіяне уживають польських букв.

Під шестим аргументом Пана Петровая чытаме: *Ne mat význam odpojuvatisa nam od slovakiv i pol'akiv svojov osobnov grafikov, našym potomkam ne treba bude dvojitysa i ičińi*<sup>9</sup>. Коли добрі розумію, Пан Петровай мал на думці і нас, Лемків, бо то мы жыєме медже Поляками. Так і одраз одповідам: Кед уж Вы *припоіли* ся гу Словакам і не хочете ся *одпоіти*, то лиште нас в спокою. Бо мы гу Полякам не *припоювали* ся і не мame такого заміру. Радят ту з нами видны представителі польской культуры, Панове Професорове Генрик Фонтаньскі і Веслав Вітковскі. Думам же розуміют мя добрі, не возмут за зле мою выповід і признают што: выстарчыт нам того же будеме, так як през тисяч років, добрыма сусідами, кождий з власном культуром, в tym і азбуком. А коли уж ходит о нашых потомків, то будеме ся не лем двоіти, а і троіти - жебы передати ім тото, што нашы вітцьове передали нам. А коли ходит о деякых потомків, котры приймут латинку - ім уж доправды не буде потребы двоіти ся. Будут Словаками, Мадярами, Поляками першой воды, „чыстой” кырви. Лем час од часу дахто ім припомне: *Natione Polonus, gente Ruthenus.*

В семым своім таінстві – аргументі Пан Петровай повідат: *Naš narod vekšýnov – už to je tradicija – použýwat z davnix časiv latiniku.*<sup>10</sup> Розумію, што час то понятя абстракцийне іproto барз бы-м рад знати, якы то давны часы має на думці Пан Петровай.

Я за давны часы мал бы-м – дайме на то – штырнадцете, пятнадцете століття, коли писана была Мукачівска Євангелия, акуратні кірилицьом. За давний час мал бы-м час переписаня Тереблянского Прольогу, цінной памятки нашого писменництва.

Кед Вы за „давны часы“уважате парудесят років тому, то не звийте іх „давними часами“, а не стыдайте ся назвати іх

<sup>9</sup> Як выжше

<sup>10</sup> Як выжше

„своіма часами”. Не стыдайте ся повісти отверто: „Наше по-коління було слабе, кед дало ся пословачыти. Не було серед нас никого, хто піднял бы в часі труд ратуваня народу.” Повіджте отверто: „Уж пізно ратувати русиньську жертву, кед видно ій лем ноги. Треба спокійні влізти цілому до нутрів і гыдзьгати пана жыття і смерти по кышках.” Повіджте отверто, а не використуйте абстракційних понять до поневераня предків.

В Тереблянським Прольогу, о котрым ём спомнул, поміщено Слово з жыття Св. Кірила Учителя Славян. В давных часах, то значыт штыриста років тому, видно чомси оно было близкє нашым Русинам. Святій Кілріл боронит в ним перед латинниками (котры – як повідат джерело – зобрали ся як вороны на сокола) діла свого жыття – славяньських писмен. Як боронит? Послухайме:

*Ци не зсылат Бог дошы для вшыткых єднако? Ци і сонце не съвітит вшыткым рівно? Ци не одыхаме вшыткы тым самым повітром? Не стыдате ся адже три народы лем выносити, інчым народам і племенам шліптыма быти і глухыми? (...) Кед не хочете розуміти, най Книги судьом вам будут. Марко (Євангелиста) повідат: (...)знамена даны будут тым, котры повірят, іменом моім демоны проженут, языками новыма забесідуют. Адже і до вас промавлят, книжники, фарисеі, гіпокриты, котры замыкате перед людми царство небесне; сами бо не входите і тым, котры ввойти прагнут, заборонюєте.*<sup>11</sup>

Як знаме з історії, папа Адриян в 869 році поблагословил переклады Св. Писма на славяньській языц, а і самы славяньськы писмена – буквы.<sup>12</sup>

Ци штыриста років тому, то значыт в давных часах, незнаний з імена наш картпатскій Русин, переписчык книг, дармо шліпнал над пергаміном, з гусячым пером в руках, переписуючы кірилицьом для сучасників і потомків Трактат Св. Кірила? Ци Духнович перед сто пятдесятьма роками, отже уж не в так

<sup>11</sup> Антологія лемківской літературы, зобрал Петро Трохановский, машынопис.

<sup>12</sup> Іван Огієнко, Костянтин і Мефофій. Їх жыття і діяльність, Варшава 1927, с. 277

давных часах, хоц давно тому складаочы „Книжицу читальную для начинающих” подумал хоц на хвилинку, же треба ей зложыти латинком? В нас, на Лемковині, барз популярном была книжечка духовного змісту „Хліб душі” Александра Духновича. Може то і тоту книжечку тримал в руках наш Русин, коли в кінці XIX століття пришол на Лемковину кореспондент з далекого Петербурга і записал: *Лемкы мають за найбільшу святість книги писаны церковно-славяньском азбуком. Аж і тоты неписменни знают одріжнити их од книг писаних інчима буквамт.*<sup>13</sup>

Та не треба приміру заховань наших Русинів з кінця XIX століття. Тепер, при кінці XX століття, коли бы духовний пастырь, хоц бы він был і патриархом, пришол до нашої церкви і хотіл читати Св. Євангелію писану латинком, прости сільськи бабы прогнали бы го з церкви. О становиску не лем сільських баб, але нашої інтелігенції, повім ниже. Тепер, жебы закінчыти мисель, доповім:

Кірилиця, якой мы, то значыт **Мы** – карпатскы Русины – ужывали через тисяч років, была ци не головным чынником, котрий выріжнял нас в окружающим морю інчай культуры. Особливо од товды, коли трафили мы під зверхніст Риму, од XVII століття, кед з часом зачали зміняти ся церковны каноны, коли поступово зачали вводити ся до наших традиций новості, бесіда і кірилиця тримали ся твердо. Не од **наших давних часів** західня культура в выданю польськым, мадярським, мала охоту взяти нам тоту святість і замінити єй інчом. Лем тыжден тому мал щестя чытати реферат при одкрывто памятника поставленого на 600-ліття села Кункова. Звернул ём там увагу на документ котрий свідчыт, што не лем церковны книги переписували наши предки кірилицьом, а што судовы книги до кінця XVI століття ведено там нашым языком і **нашом азбуком – кірилицьом.**<sup>14</sup> Пізніше остала нам лем церков. В найбарже критичным часі, половині XIX століття, наши корыфеі – Дух-

<sup>13</sup> Цитат з памяты; джерело прочитано близко 1965 рока. Автор того допису, маючи товды 18 років, записал тоту інформацию, але записка затратила ся.

<sup>14</sup> *Księga sądowa Kresu Klimkowskiego*, opr. i wydał Ludwik Łysiak, Ossolineum 1965, c. 135

новичы, Хылякы, Сембратовичи з цілым одданьом боронили вшыткого, што съвідчыло о нашій ідентичності, в тым і – кірилиці. Ци мы, іх потомкы, мame ю продати – як Юда Христа – за штатны пінязі?

Дотепер звернул ём увагу на – же іх назву – пропагандовы аргументы Пана Петровая. Нee ту часу обесідувати вшыткых інчых „атрибутів” з предметового допису, але з цілом одповідальністю стверджу, што ани єден з них не годен вытритмати критыкы. В половині погоджу ся лем з тым, так гарді высловленым: ...*mŷ zme konar na velykŷm a vično zelenim stromi slavjanskoho sadu, ale konar, kotrŷj jakraz poseredyni*<sup>15</sup>, бо тото односит ся лем до лемківскага діалектычнага простору. Уж Русины в Підкарпатскій Руси мают акуратні volnyj udarnyj sklad, на што автор не звернул, ци не хотіл звернути увагы.

Так, як ём повіл, не буду аналізувал вшыткого, та на єдно іщи хочу звернути увагу. Автор повідат: *Graficka možnost' latiniky peredati osobnost' našoho jazýka vekša jak u kiriliký...*<sup>16</sup>

І певно зато в русинським тексті писаным латинком аж чорно од діакритычных знаків. Візуальні занків тых більше як в жыдівским писми, де вшыткы голосны означены сут за помочом крісочок крапочом і ком. Кед бы вшыткы тоты діакритычны знаки надрукавати другым кольором „Народных Новинок” – фіялковым, мож бы подумати, же текст писал дідо Онуфрий зо Стебника а Пан редактор Зозуляк зробил му до того коректу.

Hi, Пане Петровай! Не легше писати русинській текст латинком. Бо то акуратні з кірилицьом розвивал ся наш язык через соткы років. То лем кірилиця годна зафіксувати вшыткы черкоты, плесканя, жуграня нашого русинського потічка – бесіды. Лем з єдным скромніцькым діакритычым знаком – крапочком над „i”. Вы ужывате і двох, над „i”, але тото нам, Лемкам, непотрібне (та не зато же украінське). Положу і я уж тому, нашу, єдну крапочку. Выбачте, што наразі лем на дописі Пана Василя Петровая.

---

<sup>15</sup> Vasyl Petrovaj, як выжже

<sup>16</sup> Як выжже

Повідають, же час то найліпший лікар. По тамтим дописі я зачал лічыти свою душу. І такой выздоровіла она, бо долго не было в „НН” ентузіастів латинки. Та щестя, як видно, не лем моя душа за дуже не ма. В третім номері „Русина” з того рока виступил з антибалльсамом Пан Володимир Фединишинець: *Русинський язык – пише Він – треба фундовати на словянській азбуці, але в другій етапі його розвою буде треба перейти на латиніку, жебы съме ся приближили Европі і цивілізації.*<sup>17</sup>

Пане Фединишинець – тож Вы, над Тисы і Ужа, хвалите ся тым, же акурат в Підкарпатській Русі середина Европы! А цивілізация? Ци то акурат латинка мусит ёй визначувати? Што бы на то рекли Єгиптяне, Сумерийці, што бы на то повіли Греки? Іщи Ромулюс з Ромусом волчыцю не цицали, як Гомер творил „Іліяду і Одисею”. А то на ничым інчым, як на основі грецької азбуки створено кірилицю.

Hi! Дайте спокій, люде! Болит мя не лем душа. Лупкат мі в голові, од маханя терпнут мі руки. Оддам голос дакому інчому, так як єм виїште обіцял.

Коли єм вступил до хыжы Пані Меланії Хомяк (сестры Авторкы „Граматыкы лемківскаго языка”, Мирославы Хомяк), котра разпроваджала помедже люди „Русина”, повіла до мене: *Пане Трохановскій, што я мам робити з тым номером „Русина”?* Така гарда обкладинка, така гарда церков, взяли бы люде з охотом, пішло бы як вода, але не годна єм того разпроваджати. Смотрте-ле, што виписує Фединишинець. Та кед тото прочытают нашы Руснакы, та мі на другіраз з „Русином” поріг не дадут переступити.

Та, то голос нашого народа, в тым нашай інтэлігенцыі кінца ХХ століття.

Уж буду кінчыл, завершал свое писаня. лем іщи єден цитат наголовка в „НН”: *На желаня чітачів од 39 чісла будеме в наших новинках давати і 1-2 матеріалы по русинськы латініков.*<sup>18</sup>

На желаня чытачи, повідате? А Вы де, шановны Редакторы, а Вы де – буйний квіте днешньої русиньской інтэлігенцыі? Ни-

<sup>17</sup> Володимир Фединишинець, *Выростайте, прошу Вас, з українських шароварів*, „Русин”, № 3/92, с. 16

<sup>18</sup> Народны Новинкы, № 39/92, с. 3

кого з Вас не було стати написати, хоцьбы лем такій як мій, допис в обороні кірилиці?

На желаня чытачи, повідате? Бою ся, же є то і Ваше желаня. Та памятайте, од нас – Русинів з Лемковини на тото желаня аднотації *Imprimatur* не отримате николи. І в нас ся стрічат, же дахто пише лист по лемківски латинком, але такий сам ся признає до того – же є піланальфабетом.

Як уж знаете – кохам Павловича. І завершаючы, дам Йому дакус слова. В *Голосі Русинів*, котрий так прекрасні рецитувал на I Світовым Конгресі Русинів Пан Ярослав Сисак, Павлович пише:

*Бурай ся Бескіде, скалы ся пукайте!  
Духов наших отців дайте же нам, дайте!*

Кед уж не боіте ся Бога – бійте ся духів наших отців. Коли перейдете на латинку, в тым своім другим *етапі*, они перейдуть реінкарнацию, обернут ся в гробах і станут. Повідат мі тото моє русинське серце, котре од отців своїх мам.

А так, уж цілком реальні: писал єм туту оборону кірилиці лем єден ден. Але і того єдного дня мі шкода. Же мусіл єм го змарніти для дискусії, котра медже нами николи не повинна заістнувати.

### Увага:

Так, як спомнул єм во ввідним тексті до матеріалів о Конгресі, днес туту оборону кірилиці написал бы-м вельо ліпше; товды, на старті Одроджыня, чловек ориєнтувал ся в русинськым съвіті наомацькы, а окрем того, понаглял єм ся на языковий Конгрес. І найостане автентычний шлід о наших непокоях тамтого часу.



БОГДАН ГОРБАЛЬ

## Отец Михал Юрчакевич (1869-1952): *Proboszcz Łemków*

Священник Михал Юрчакевич не през ціле своє житя был активний серед Лемків, але того што зробил през двадцет років старчыло бы на неєдно інче житя. Його інтенсивна суспільна, релігійна і політична діяльніст поставила го в ряді найактивнішых лемківських діячи перших двох десятюліть двадцетого віку. Знали тіж о ним далеко поза Лемковином. Споминают ся його серед найвидачнішых русофільських діячи Галичыны молодшого покоління (родженых медже 1860 а 1890 роками).<sup>1</sup>

Вродил ся в Ростайним де його няньо священник Йосиф Юрчакевич (1835-1898) як раз перешол з Мищови адмініструвати парохію (1869-1875). В 1875 р. "ks. Józef Jurczakiewicz, był zawiadowcą gr. kat. kapelanii w Rozstajnem, przeznaczony został na zawiadowcę gr. kat. probostwa w Świątkowie [sic!]."<sup>2</sup> Отец Йосиф перенял парохію в Святковій од Михала Юрчакевича (1807-перед 1877) і служил там аж до смерти.<sup>3</sup> За його стара-

<sup>1</sup> Anna Veronika Wendland, *Die Russophilen in Galizien: ukrainische Konservative zwischen Österreich und Russland, 1848-1915*, Studien zur Geschichte der Österreichisch-ungarischen Monarchie 27 (Wien, 2001): 343.

<sup>2</sup> "Zapiski dyecezyjne," *Gazeta Lwowska* 65:223 (Lwów, 1875): 4. В тым дописі скористано з цифровых версий выдань, котры находят ся на тых странах: Google Books, Kramerius, Lemko.org, Jagiellońska Biblioteka Cyfrowa, Małopolskie Towarzystwo Genealogiczne, Podkarpacka Biblioteka Cyfrowa, Sanocka Biblioteka Cyfrowa, Свобода і інчых, котры згадуе ся в приписах.

<sup>3</sup> Dmytro Blażejovskyj, *Historical Šematism of the Eparchy of Peremyšl Including the Apostolic Administration of Lemkivščyna (1828-1939)* (L'viv, 1995): 683.

ньом побудувано нову школу в 1882 році. Тот старший Михал Юрчакевич був певно няньком Йосифа. Мал він ішти штогайменче двох синів: Киприяна (1848 Святкова-1884) і Теодора (1837 Бонарівка - 1896). Оба они перешли до Росийської Імперії і остали православними священниками,<sup>4</sup> што певно мало вплив на молодого Михала.<sup>5</sup>

В 1889 року закінчил вісемклясову гімназію в Яслі.<sup>6</sup> Уж за гімназильних літ сьміло ставал за тим в што вірил так, же собі його запамятали і то на долго. В шкільним році 1886/1887 на 38 учеників в клясі до котрой ходил Юрчакевич було 30 Поля-

---

<sup>4</sup> Киприян закінчил класичну гіманзию во Львові і такою вчил ся в Холмській Духовній Семінарії, правдоподібні товды коли була она ішти грекокатолицьком (перед 1875). По скасуваню унії був православним священником в Заблоцю/Zabłocie през три місяці в 1882 року і през остатні два роки житя в Сосновици/Sosnowica, де гмер. Теофіль закінчил класичну гімназію в Тарнополі а пізнійше през сім літ студилювал право, філософію і теологію на Львівським Універистеци. Був в першій клясі студентів, котры закінчили Православну Холмську Духовну Семінарию (1876). Був він православним парохом в Матчу/Matcze а по смерти брата перенял його парохію в Сосновици, де служив до кінця житя. Женатий був з Михайліном Молчановськом. Мали пятеро діти Александр, Еміліян, Евгенія, Михал і Осиф. Małgorzata Kołacz, Dariusz Tarasiuk, *Dzieje gminy Sosnowica. Analiza potencjału historycznego*, с. 131,

[http://www.sosnowica.pl/download/Analiza\\_potencjału\\_historycznego.pdf](http://www.sosnowica.pl/download/Analiza_potencjału_historycznego.pdf)  
Выпускники Холмской духовной семинарии 1876-1910, 1912, 1913 гг.,

<http://www.petergen.com/bovkalo/duhov/holsem.html>

<sup>5</sup> На Холмщину перешло в 1860-тих і 1870-тих роках веце староруських грекокатолицьких священників знеохоченою лятинізаційом іх Церкви і польском домінаційом в Галичині. Коли царксы власти зліквідували на Холмщині унію (1875) част з тых священників охочо перешла на православіє помагаючи нищти унію а інчы повтікали до Галичини, де іх одначе церківны власти холодно приняли (лем єден достал в Галичині парохію). Harold H. Jepsen, "Orthodoxy and Autocephaly in Galicia," в: Chris Hann i Paul Robert Magosci, ред. *Galicia: A Multicultured Land* (Toronto, 2005): 72; Andrzej A. Zięba, "Józef Sembratowicz – żywot polityczny bogobojnego Łemka," *Ričnik Руской Бурсы* 2006 (Gorlice, 2006): 77-78.

<sup>6</sup> *Księga pamiątkowa 70-lecia Państwowego Gimnazjum imienia króla Stanisława Leszczyńskiego w Jaśle : 1868-1938* (Jaśl, 1938): 116.

ків, 1 Єврей і 7 Русинів. Зато, же директором школи од 1881 рока аж до смерти був Русин, Клим Сенкевич/Klemens Sienkiewicz (1833-1899), *świetny zresztą pedagog i przyjaciel młodzieży*, гімназія в Яслі була подібно *schroniskiem dla uczniów russkich*.<sup>7</sup> Тамти часы Ян Стапіньський (1867-1946) описувал так:

„(...) Agitacja rosyjska była wówczas bardzo silna wśród ludności ruskiej całej „Galicji,” a osobliwie w powiatach granicznych i na całym Podkarpaciu. Wiadomo, że w 1888 r. zanośilo się z tego powodu na wojnę austriacko-rosyjską. Kler greckokatolicki był gorąco moskalofilski z nielicznymi wyjątkami. Wszyscy koledzy-Rusini temu kierunkowi sprzyjali, a kol. [Roman] Aleksiewicz [z Brodów] i [Michał] Jurczakiewicz manifestowali swoją przyjaźń dla Rosji na każdym kroku jaskrawo. (...) [Kol. Jurczakiewicz] zasłynął później jako paroch w powiecie gorlickim.”<sup>8</sup>

На осін 1889 рока пішол Юрчакевич студиювати в Центральній Грекотолицькій Семінарії во Відні. Два роки в столиці Австро-Угорської Монархії не перевул “лем” на вивченю теології. Не ходили преці ся там вчыти тоти семінаристы, котри мали пізнійше быти загукаными сільскими священиками. Принимано там на прошыня одповідних єпископів гімназильних абсолвентів вyrіжняючых ся здібностями, пильністю і взоровим поступуваньом. Отже таких, котри ся барз добре заповідали на будучніст. Коли був уж священиком ходили подібно до него люде лікувати очи.<sup>9</sup> Не знаме як того лікування

---

<sup>7</sup> Jan Stapiński, *Pamiętnik* [do druku przygotował oraz wstępem i przypisami opatrzył Krzysztof Dunin-Wąsowicz] (Warszawa, 1959): 189. Дакус хыбаль Стапіньський пересаджал з тым *schroniskiem*. Хоц фактичні кількіст руских учеників початково звекшала ся в школі (1882/83-27, 1883/84-30, 1885/86-33) то еднако в році смерти Сенкевича було іх там 27, отже не так дуже. *Sprawozdanie Dyrekcyi C. K. Gimnazjum w Jaśle za rok szkolny 1883* (Jasło, 1883): 27; 1884, с. 63; 1886, с. 92; 1899, с. 27.

<sup>8</sup> Jan Stapiński, *Pamiętnik*, с. 189-190.

<sup>9</sup> Адам Барна, *Кавальчук тернистий історії села Чорне на Лемковині 1870-1970* (Лігниця, 1996): 113. Не знаме тіжнич про інчу страну діяльності отця Юрчакевича. В 1913 році вимінил він ся з Бібліотеком Ягай-

виглядало і ци фактычні мал він на тото якісу освіті. Семінаристи во Відни, хоць кожного дня мали напятирій плян занять, могли в вільним часі слухати викладів на інчы выділах.<sup>10</sup>

Спомнути ту треба, же Центральна Грекокатолицька Семінария во Відни уж дольго перед тым часом коли вчыл ся в ній Юрчакевич мала репутацию русофільського середовиска. Фльориян Земялковскі (1817-1900), котрий в роках 1873-1888 быв міністром до справ Галичыны писал в своіх споминах, же: “(...) był zaś ten zakład wielce szkodliwym, nie tylko dla Galicyi, lecz i dla Państwa, dostawszy się bowiem od bardzo już dawna, pod wpływem kapelanów ambasady rosyjskiej, wysyłał do kraju księży zakażonych schyzmą prawosławia i oddanych Rosyi. (...).” Земялковскі хтіл семінарию заперти, але ся архієпископ Йосиф Сембратович (1821-1900) на тото не згодил, а попер його австрійскій міністер просвіти і релігії Karl von Stremayr (1832-1904). Інакше справа виглядала за часів архієпископа Сильвестра Сембратовича (1836-1898), котрий: “(...) zażądał zniesienia zakładu S<sup>t</sup>am Barbaram, i nie ma go już chwała Bogu.”<sup>11</sup> Стало ся то в 1893 році, але Юрчакевича уж там не було. Третій і четвертий рік семінариї робил правдоподібні в Перемышли.

Оженил ся і быв рукоположений в 1894 році. Початково адмініструвал парохію в Кривым лісского повіту (1894-1896) а пізнійше пішол шлідами вітця і адмініструвал парохію в Ростайним (1896-1898). В 1898 році перенял од отця Романа Кордасевича парохію в Чорным і такой ту працувал през чвертку століття.<sup>12</sup> В Чорnym 12 літ (1885-1897) парохом быв отець Гавриїл

---

лоньском якисыма рукописами. Не знатя, што він достал за посланы през него до бібліотеки фрагменты “Akt sądu ławniczego miasta Czchowa z lat 1582-1598.” Anna Jałbrzykowska, Jerzy Zathey, Zofia Łagodowa, Janina Tyszkowska, складаче, *Inwentarz rękopisów Biblioteki Jagiellońskiej nr. 6501-7000*, т. 2 (Kraków, 1963): 224.

<sup>10</sup> Stanisław Piech, *Wychować dla Kościoła i państwa: formacja elity duchowieństwa galicyjskiego w Wiedniu 1775-1918* (Kraków, 2009): 96.

<sup>11</sup> *Pamiętniki Floryana Ziemiałkowskiego*, ч. 1 (Kraków, 1904): 59-60.

<sup>12</sup> Dmytro Blażejovskyj, *Historical Šematism of the Eparchy of Peremyśl...*, c. 684.

Гнатишак (1850-1916). Зачал він там свою суспільно-політичну діяльніст (був членом Повітової Ради в Горлицях, 1892-1896, де з ним служив Тимко Сандович нянько пізнішого святого Максима) і такої прихтувал парохію до великої політики.

В часі коли отець Михал обняв парохію в Чорним село мало 422 мешканців а дочерни села мали 301 (Липна) і 372 (Незнаніва).<sup>13</sup> В 1909 році існували читальні ім. Качковського в кождым з трьох сел парохії з загальним кількістю членів 184 осіб. П'ята част насеління була на роботах в Америці.<sup>14</sup>

Власні в Чорним отець Юрчакевич виріс на *spiritus movens* русофільського руху. Організував загальны віча і таємни стрічы в себе або в інчых селах. Был активний в читальнях ім. Качковського (в Чорним сам єй заложил<sup>15</sup>). Поміг основати і был в заряді Рускої Бурси в Горлицях. Был мужом довіря для русофілів.<sup>16</sup> Писано о ним, же лично розкидає між народ [русофільську газету] *Голось Народа*.<sup>17</sup> Не подабала ся його діяльніст властям. В єдним з численных рапортів де ся його згадувало чытаме: “(...) W ten sposób przygotował ksiądz Jurczakewycz grunt do opanowania i zbałamucenia ludności wiejskiej, a w pracy tej znalazł wydatną pomoc u tych włościan, którzy wróciwszy z Ameryki przesiąkli ideą państwowości rosyjskiej i prawosławiem.”<sup>18</sup>

В роках 1909-1914 в Повітовій Раді в Горлицях засідало штуками передставители руского насеління: Андрий Цісяк (з

<sup>13</sup> Dmytro Blażejovskyj, *Historical Šematism of the Eparchy of Peremyšl...*, c. 134.

<sup>14</sup> Шематизъ Всего клира реко-католического Епархії Соединенныхъ Перемыской, Самборской и Саноцкой 1909 (Перемышль, 1908): 122.

<sup>15</sup> Адам Барна, *Кавальчук тернистой історії села Чорне на Лемковині 1870-1970* (Лігница, 1996): 52.

<sup>16</sup> Okrem него були нима др Ярослав Качмарчык (Горлиці), о. Теодор Дуркот (Жданя) і о. Марян Мышковський (Ростайне). Jarosław Moklak, *Lemkowszczyzna w Drugiej Rzeczypospolitej: zagadnienia polityczne i wyznaniowe* (Kraków, 1997): 28.

<sup>17</sup> о. Очевидець, “Православна пропаганда,” *Нива* № 5 (Львів, 1912): 176.

<sup>18</sup> Bernadetta Wójtowicz-Huber, “*Ojcowie narodu*”: duchowieństwo grecko-katolickie w ruchu narodowym Rusinów galicyjskich (1867-1918) (Warszawa, 2008): 187.

Кавятони), Григорій Галь (з Лоси), о. Владислав Калужняцькій (Бортне) і власні отець Юрчакевич. Подібно русофільським кандидатам до Повітової Ради помагал в виборах 1909 рока горлицькій староста і Владислав Длugoш, котрий тіж дарувал гроши на Руску Бурсу.<sup>19</sup> Хоц горлицькі Лемки мали своїх представителів в Повітовій Раді од початку єї існування николи Русин не вошол до Повітового Виділу в Горлицях. Найдальше де ся допхали, то на заступців члена Повітового Виділу. В роках 1909-1915 був ним отець Юрчакевич.<sup>20</sup>

Занимаючи ся широком суспільному діяльністю не забывал про свої діти. Думаючи о іх едукації глядал для них учительські аж на ческих землях. Його оголошенння: "Hledá žena středího věku, ve vaření obeznalá, která by též dítky jazyku německému vyučovati mohla, do domácnosti ruského duchovního v Haliči." вказало ся в газеті *Národní listy* штонайменче двараз (12 і 13 II 1903).

16 IX 1911 пишучи од імені Рускої Бурси в Горлицях отець Юрчакевич послал до горлицького староства писмо написане в *galizisch-russischen Schriftsprache*, отже етимологічним правописом (а не обовязуючим фонетичним правописом). За того наложено на него кару 50 корон на підставі *Prügelpatent* з 1854 рока. Уж 7 XI 1911 рока посол Дмитрий Марков зложил інтерпеляцію в австрійським парламенті зъвідуючи ся ци міністер внутрішних справ хтіл бы справу тоту докладні зbadati, ци бы міг тоту кару знести і ци міг бы повідомити власти во Львові і Горлицях, жебы з *Prügelpatent* не користали коли ся мало до чиніння з *philologischen Experimenten*.<sup>21</sup>

Під конец 1911 рока на Лемковину вернул отець Максим Сандович і основав в Грабі першу православну парохію од што-

---

<sup>19</sup> Bernadetta Wójtowicz-Huber, "Ojcowie narodu...", с. 193, припис 102.

<sup>20</sup> Інформації про склад повітових рад подавало урядове шторічне видання: *Szematyzm Królestwa Galicyi i Lodomeryi z Wielkiem Księstwem Krakowskiem*.

<sup>21</sup> Інтерпеляція тота находит ся в: *Stenographische Protokolle über die Sitzungen des Hauses der Abgeordneten des österreichischen Reichsrates*, 25. Sitzung, XXI Session am 7. November 1911, IV Band, s. 4918.

## Interpellation des

Abgeordneten Dr. D. Markow und Genossen an Seine Exzellenz  
den Herrn Minister des Innern, betreffend Missbräuche der k. k.  
Bezirkshauptmannschaft in Gorlice.

Michael Jurczakiewicz, griechisch-katholischer Pfarrer in Gorlice, Bezirk Gorlice, hat am 16. September 1911 als Obmann des Vereines „Russka Bursa“ in einer schriftlichen Eingabe an die f. i. Bezirkshauptmannschaft Gorlice die Abhaltung einer Generalversammlung des Vereines „Russka Bursa“ angezeigt. Das Schriftstück wurde in der galizisch-russischen Sprache und in der etymologischen Schreibart verfaßt. Der Bezirkshauptmann Witicha, der gemäß Instruktionen Seiner Exzellenz des Statt-halters Dr. Bobrzanski zu handeln scheint, hat das Schriftstück zwar angenommen, hat aber den Pfarrer Jurczakiewicz für den Gebrauch der galizisch-russischen Schriftsprache und der übrigens in der ganzen Kulturregion althergebrachten und geliebten, etymologischen Schreibart, auf Grund des sogenannten Brügel-patentes vom 20. April 1854, Nr. 96 R. G. Bl., zu 50 K Strafe verurteilt.

Nachdem die sogenannte ukrainisch-phonetische Schreibart von der galizischen Landesregierung erst im Jahre 1891 in Galizien eingeführt, folglich vielen Kleinrussen fremd und gänzlich unbekannt ist, nachdem die zu politischen Zwecken künstlich aufgezogene und aufgeschmiedete, sogenannte ukrainische Amtssprache — deren sich galizische Beamte gegenwärtig bedienen — mit der russisch-literarischen Sprache und auch mit der kleinrussischen Mundart wenig gemeinsames hat, sich vielmehr, insbesondere auf dem Rechtsgebiete, als ein Konglomerat der polnisch-deutschen

Terminologie darstellt, somit von den gebildeten und intelligenten Kleinrussen absichtlich gemieden wird, nachdem speziell die galizisch-russischen Gebirgsbewohner der Gemeinden: Gorlice, Jaslo, Neu-Sandec, Orybów, Muszyna, Strzyżów, Krośno, Neu-Targ, Lisko, Sanok, die sogenannten „Lemken“, eine Sprache sprechen, die identisch ist mit der literarisch-russischen Sprache, nachdem das Gros der Intelligenz der „Lemken“ nicht die ukrainischen Gymnasien besucht und die russische Schriftsprache privatim lernt, folglich die ukrainische Amtssprache nicht nur nicht kennt, sondern infolge der tatsächlichen Unverständlichheit und der dahinter steckenden politischen Tendenz solche direkt nicht lernen will, so fragen die Gesetzten:

„1. Ist Eure Exzellenz der Fall bekannt und sind Eure Exzellenz bereit, die Sache strengstens untersuchen zu lassen?

2. Sind Eure Exzellenz bereit, die Landesregierung in Lemberg, beziehungsweise den Bezirkshauptmann von Gorlice, dahn zu belehren, daß das Brügelpatent zu philologischen Experimenten nicht ausgebeutet werden darf?

3. Sind Eure Exzellenz geneigt, auf Grund der Verordnung über die Strafgewalt der politischen Behörden vom 31. Jänner 1860, Nr. 31 R. G. Bl., die dem Pfarrer Jurczakiewicz ungebührlich auferlegte Strafe im Betrage von 50 K ohne weiteres nachzulassen?“

Wien, 6. November 1911.

Dr. Vara.	Bíň.	Eigner.	Dr. D. Markow.
Stribrný.	Klošáč.	Choc.	Ponečný.
Cingrija.	Kuryłowicz.	Dr. Hübchmann.	Bojna.
Trefic.	Slavicek.	Dr. Švihá.	Frček.
		Dr. Formánek.	Burival.

найменче двіста років. Лем на протягу грудня 1911 рока до ясельського староства пришло понад 200 прошынь о зміну релігії на православну. Хоць проблеми з деякими грекокатолицькими священниками (в тым в Грабі, де отець Кіслевський зруйнувал пару газдів) мали значення, то безпосереднього аргументу на корист конверсії дали літургічни зміни, при котрих інчы проблемы блідти. Ходило медже інчыма о слова "Вас всіх православных християн," котры украінскі священники перестали повідати в часі службы. З другой страны русофільські священники "опираючись на тім слові, уживанім в нашім богослуженю, голосять: так, ми є православні."<sup>22</sup>

Латинізация лучыла ся для Лемків з украінізаційом а русофільство з обороном старой віры, православія. Лемкы в Грабі повідали, же украінізация то дорога до польонізації а унія то спосіб на зробління з них католиків.<sup>23</sup> Так тіж думали русофільські грекокатолицькі священники. Утримували они контакты з православным русофільським кругами в Америці. Юрчакевич, Калужняцкій (Бортне), Дуркоты (Ждыня, Мысцова), Качмарчык (Білцарева) писали до американських русофільських газет таких як: *Правда*, *Світ* або *Поступ*, котры поперали православіє.<sup>24</sup> Отверті поперал православіє також і горлицькій Лемко. Справа віроісповідання била стисло повязана з переконаннями национальными. Отець Владімір Дуркот (1869-1935), пастор в Мысцовій (1903-1924) пишучи до своїх парохіян в Америці дораджал ім, же ліпше сповідати ся і ходити до православной церкви як до украінской!<sup>25</sup> Українска *Нива* так тово описувала:

---

<sup>22</sup> о. Очевидець, "Православна пропаганда," *Нива* № 5 (Львів, 1912): 176.

<sup>23</sup> Bernadetta Wójtowicz-Huber, "Ojcowie narodu"..., c.190.

<sup>24</sup> Joel Brady, "Transnational Conversions: Greek Catholic Migrants and Russky Orthodox Conversion Movements in Austria-Hungary, Russia, and the Americas (1890-1914)," праца докторска, University of Pittsburgh, Department of Religious History, 2012, c. 248.

<sup>25</sup> Joel Brady, "Transnational Conversions ..." с. 354 пише тіж о тым як то отець Дуркот боронил (хоць не безпосередньо) своїх парохіян, котры в Америці ходили до православной церкви і называт його *Orthodoxophile*.

“(...) Помимо упімнень духовних властей отці русофілі не задавали собі праці на проповідях пояснили народови ріжниції віри, бо тим способом булиби стратили в народі авреолю ‘русскої.’ За се съященників народовців за вияснюване ріжниції віри і за пояснюване слова ‘католик’ стрінуло у народа підозрінє о польщені обряду, бо ‘тверді’ отці той справи не тикали... У народу виробилось понятє (завдяки русофільським съященникам), що Українці се ‘католики’ або поляки, а отці тверді – се правдиві съященники ‘руssкі’. (...)”<sup>26</sup>

В таку ситуацію вступил отец Сандович, котрий был чловеком непересічним. “Pomimo zakazu dalszej działalności, dzięki charyzmie, głębokiej wierze i nieposzlakowanej opinii urósł do rangi symbolu ówczesnej społeczności lemkońskiej.”<sup>27</sup> Мал він так великих впливів меже Лемками, же горлицькій староста подібно використувал го як *męża zaufania do wszystkich wyborów i deputacji*.<sup>28</sup> Старал ся отец Сандович утримувати добры стосунки з деякими греко-католицькими священниками, а меже його близкими спілпрацівниками были отец Юрчакевич і отец Теодор Дуркот (1869-1924) зо Ждыні. Отец Юрчакевич подібно помагал нагваряти до лишиня унії<sup>29</sup> а власти шлідили за ним бо уж 10 XII 1911 рока віденське Kultusministerium натискало перемиського владыку до карного перенесіня отців Юрчакевича і Дуркота, котрих називало симпатиками зміни віри.<sup>30</sup> Ясельській староста был переконаний, же Лемки, котри пришли до староства 1 XII 1911 рока з прошыньом о зареєстрування іх як православных, были нагварені до того през

---

<sup>26</sup> о. Очевидець, “Православна пропаганда,” *Нива* № 5 (Львів, 1912): 176.

<sup>27</sup> Bernadetta Wójtowicz-Huber, “*Ojcowie narodu*”..., с.188.

<sup>28</sup> Bernadetta Wójtowicz-Huber, “*Ojcowie narodu*”..., с.193.

<sup>29</sup> Ярослав Мокляк, “Російське православ’я на Лемківщині в 1911-1915 роках,” *Лемківщина* 19:1 [72] (Clifton, N.J., 1998): 6.

<sup>30</sup> Anna Veronika Wendland, *Die Russophilen in Galizien...*, с. 518.

отця Юрчакевича і Василя Колдру (1886-1970).<sup>31</sup> Пізнійше бесідувано, же то власні в хыжы отця Юрчакевича Василь Колдра писал подання о перехід на православія.<sup>32</sup>

Отець Михайло Жук (1878-19??), парох в Святковій писал в своїм рапорті з 2. I. 1912 рока:

“Яке становивсько заняли священники по читальнях і домах по події в Грабі дуже трудно довідати ся, бо робить ся все довірочно і держить все в незвичайній тайні. Зате знова на проповіди в церкві взивав о. Юрчакевич з Чорного коли то зишли ся вірні з іншої парохії Ростайного (...) до подяки Г. Богу зате що дозволив діждати ся раз довго вижданого православія. (...) Стан в якім находитесь съв. католицка церков на Лемківщині є поважний, але не так страшний, наколи Всешишній допоможе зарадити лихові в Грабі, та коли съвященники будуть більше вірні своїй католицькій церкві.”<sup>33</sup>

Отець Жук споминал тіж што деякы його парохіяне ходили на схизматицьке богослуження до Грабу. Лемкы з інчых сел певно тіж там ходили бо до кінця січня 1912 рока окрем 139 осіб в Грабі, до православія пристали тіж Лемкы в Долгым (79 осіб), Вышоватці (49), Ожинній (3) і Радоцьни (4).<sup>34</sup> Нич ся товды ішы не змінило в Юрчкевичовій парохії але не на долго.

---

<sup>31</sup> Klaus Bachmann, "Ein Herd der Feindschaft gegen Russland": Galizien als Krisenherd in den Beziehungen der Donaumonarchie mit Russland (1907-1914) (Wien, 2001): 222.

<sup>32</sup> Повідал так єден зо съвідків оскаржиня в часі процесу Сандовича, Гудимы, Бендасюка і Колдри хоц боронячий іх меценас Владимир Дудыкевич тому заперечыл. Michał Bołtryk, „Sąd na świętym Maksymem,” *Przegląd Prawosławny* 4 [250] (Białystok, 2006),

[http://www.przegladprawoslawny.pl/articles.php?id\\_n=1171&id=8](http://www.przegladprawoslawny.pl/articles.php?id_n=1171&id=8)

<sup>33</sup> Рапорт отця Михайла Жука “Всесвітліший Преосвящений Епіскопський Ординарияте” знаходить ся в Archiwum Państwowe w Przemyślu, Archiwum Biskupstwa Greckokatolickiego, Syg. 437, 126-27, 41. [Документы з Архіву Грекокатолицького Єпископства і інчы материялы передал мі Joel Brady за што йому ту дякую].

<sup>34</sup> Bernadetta Wójtowicz-Huber, “Ojcowie narodu” ..., с. 189.

Американська *Свобода* писала:

“(...) Схизматицька агітація в послідних часах прибрала ва Лемківщині грізні розміри. Платні агіатори під позором патріотизму їздять від села до села і заманють людей до схизми та понижують віру батьківську. Часописи і брошури насилані з Росії і Америки, чорнятуть і понижують єпископів, духовенство, нападають на папів римських, нападають на съв. Отців церковних, а за те російську церкву виславляють під небеса і тим приготовляють ґрунт для ширення православія. Агіаторами православія є, на жаль, і католицькі съященики, як прим. о. Михайло Юрчакевич, парох в Чорній [sic!-Б.Г.], пов. Горлицького на Лемківщині. Він так зaimав ся ревно ширенем православія, що перемиський єпископ Чехович мусів його засуспендувати.”<sup>35</sup>

Тото *ex informata conscientia* суспендування (отже таке котре без церківного суду накладат єпископ за окультизм)<sup>36</sup> мало місце на весну 1912 рока<sup>37</sup> але долго не тырвало. Єпископ Константин Чехович (1847-1914) послал до Чорного адміністратора парохії<sup>38</sup> але там подібно никто не хтіл з ним гадати не бесіду-

---

<sup>35</sup> „Новинки – Схизматицька агітація,” *Свобода* 20:35 (Jersey City, N.J., 1912): 4.

<sup>36</sup> William Fanning, “Suspension (in Canon Law),” *The Catholic Encyclopedia* 14 (New York, 1912), <http://www.newadvent.org/cathen/14345b.htm>

<sup>37</sup> Горлицькій Лемко в редакційним дописі: “Новомодни поборники галицької свободи,” (2:31, 1912, с. 1) давал свою інтерпретацію причин суспендування. Мало до него дійти зато, же отец Юрчакевич: “не український политикъ.” Подібні тлумачили собі тото Лемки по селах. Bernadetta Wójtowicz-Huber, “*Ojcowie narodu*” ..., с. 213 а і Димитрій Марков в своїй парламентарній інтерпеляції з 13 XII 1912. *Stenographische Protokolle über die Sitzungen des Hauses der Abgeordneten des österreichischen Reichsrates*, 128. Sitzung, XXI Session am 14. Dezember 1912, X Band, s. 13134.

<sup>38</sup> Bernadetta Wójtowicz-Huber, “*Ojcowie narodu*” ..., с. 212 подає, же тым священником был [Маріян] Мышковський з Ростайного.

ючи уж о спільній молитві. Чеська газета *Národní listy* писала што: *Nikdo z osadníků nepřišel do chrámu i pídkrislyla, што отец Юрчакевич byl u všech osadníků velice oblíben.*<sup>39</sup> Владислав Длugoш/ Władysław Długosz (1864-1937), котрий мал маєток в Сярах/ Siary а товдьї был міністром до справ Галичыны во Відні контактувал ся з отцем Юрчакевичом і просил єпископа Чеховича, жебы одкликал суспендування боячы ся дальших переходів на православіє.<sup>40</sup> Подібно вшытки парохіяне з Чорного, Липной і Незнаєвой звернули ся телеграфічні до єпископа Чеховича просячы го, жебы ім вернул отця Юрчакевича і страшыли, же як того не зробит то перейдуть на православія. Єпископска одповід, як то писали *Národní listy* была *záporná* і в тот спосіб ціла парохія мала лишыти Грекокатолицьку Церков. Люде тоты здавали собі справу же буде іх ждало перешлідування але оголашали, же твердо будут стояти при своїй постанові.<sup>41</sup> Не справдили ся оціни льокальних власти, котры думали, же суспендування отця Юрчакевича ослабит заінтерсування православійом, котре гамувано адміністраційні не принимаючы прошынь о затверджыння зміны релігії.<sup>42</sup> Перешлідуючы православных, ішы в 1912 році староство в Горлицях адміністраційні розвязало гмінны рады во вшыткых трьох селах Юрчакевичовай парохії і назначыло державного урядника (S. Kaszubski), котрий подібно ходил од жыжы до хыжы нагваряючы селян, жебы ся вернули до свойой старой віры і страшыл іх чистилищом.<sup>43</sup> Подібні *Hiva* писала: "що схізма релігія фалшиві, еретицка, що душу веде на вічну згубу."<sup>44</sup>

---

<sup>39</sup> "Přechod ku pravoslaví," *Národní listy* 52:224 (Praha, 1912): 2.

<sup>40</sup> Klaus Bachmann, "Ein Herd der Feindschaft gegen Russland" ..., c. 210.

<sup>41</sup> "Přechod ku pravoslaví," *Národní listy* 52:224 (Praha, 1912): 2.

<sup>42</sup> Bernadetta Wójtowicz-Huber, "Ojcowie narodu" ..., c. 211.

<sup>43</sup> Згадувал тото Димитрий Марков в своїй парламентарній інтерпелляції з 13 XII 1912. *Stenographische Protokolle über die Sitzungen des Hauses der Abgeordneten des österreichischen Reichsrates*, 128. Sitzung, XXI Session am 14. Dezember 1912, X Band, s. 13134.

<sup>44</sup> о. Очевидець, "Православна пропаганда," *Hiva* нр 5 (Львів, 1912): 175.

Отец Юрчакевич вернул до своєї парохії як уж перешла она на православія.<sup>45</sup> Його парохіяне мали tot поворот за свою побіду. О ним бесідували не інкаше як лем о православним священнику. Оповідали тіж, же отец Юрчакевич іздил на Буковину до православного єпископа в Чернівцях, котрий приняв іх під свою юрисдикцію.<sup>46</sup> Не заміряли тіж од православія одступувати. Єден газда з Чорного (Барна) повідал, же так як були православними так і далі будуть. Отец Юрчакевич далі носил бороду і баусы, котри запустил в часі суспендування. В часі Служби Божої през него правленої дяк бесідуючи *Вірую* не повідал “од сына,” отже елімінувал католицьке *filioque*. Отец Юрчакевич, котрий вчасньіше старал ся о парохію в Святковій,<sup>47</sup> бесідувал тепер же єдного человека з Чорного не oddal бы за цілу Святкову. Жадній тіж не піддал своїх парохіян критиці так якби ся нич злого в парохії не стало.<sup>48</sup> Подає ся, же в часі

---

<sup>45</sup> О тым што православія обняло Чорне, Липну і Незнаєву згадувал W.J. Birkbeck, *Religious Persecution in Galicia (Austrian Poland)* (London, 1912): 2. Tot Англик був на Лемковині і бесідувал з 40 людми в Грабі і 20 в інчих селах де дознал ся о барз міщаних русофільських і православних симпатіях.

<sup>46</sup> Той сам, „Таки побідив Юрчакевич,” *Свобода* 21:13 (Jersey City, N.J., 1913): 6.

<sup>47</sup> В 1911 році гмер святківській парох отец Захарій Барновський. Парохія була русофільська з православними симпатіями. В русофільських кругах думано певно, же коли бы єй достал отец Юрчакевич то бы єй перехід на православіє было легко осягнути. Так тіж підорзівал український священник Александр Говда (1872-19??), котрий був парохом в Боднарці (1903-1918) і рапортувал о ситуації на Лемковині перемиському єпископови 1 II 1912, ABGD, syg. 437, с. 186. По смерти отця Барновского Святкову адмініструвал (1911-1917) український священник отец Михайло Жук і як ся здає жадных переходів на православіє там не було, хоц студент права, русофіль Василь Колдра подібно барз ся о то старал, але – як писал Говда – звоювати мал лем того, же го арештувано і одставлено скутого до суду в Яслі.

<sup>48</sup> Посмот ся на рапорти для Єпископского Ординарияту з кінця січня (?) і 10 II 1913, Archiwum Biskupstwa Greckokatolickiego w Przemyślu, Archiwum Państwowe w Przemyślu, syg. 437, с. 539, 612-613.

арешту отця Сандовича<sup>49</sup> то власні отець Юрчакевич, перебраний ходил таємні правити православним богослужынія.<sup>50</sup> До Чорного приходили на його богослужынія православны Лемкы з Долгого і Грабу а коли до мирування станул єден мешканец Чорного, котрий лишил ся при грекокатолицькій вірі отець Юрчакевич в місце мировання пацнул його в чело.<sup>51</sup> Тоти факти съвідчат о tym, же в tym часі мал ся отець Юрчакевич за православного.<sup>52</sup>

Ани єднако отець Юрчакевич, ани жаден інчий грекоакатолицькій священник на Лемковині не перешол втovды офіцийні на правславія хоц було іх там веце таких, котри з православійом симпатизували. Єден з мешканців Чорного споминал:

“W nas cały czas była świadomość naszej dawnej wiary, jaką przyjął książę Włodzimierz Wielki. Zresztą i w unickich książkach cerkiewnych nie znajdzie się innego słowa jak tylko ‘prawosławny chrześcijanin’, albo ‘prawosławnej wiary.’ Księża jacy byli u nas do I wojny światowej: ks. Jurczakewycz i ks. Hnatyszak tak nas uczyli, a po wojnie inni księża chcieli zrobić z nas katolików.”<sup>53</sup>

Треба памятати, же були тоти священники вихованы в Грекокатолицькій Церкви. Отец Сандович в ній не функціонувал

---

<sup>49</sup> Отця Сандовича арештувано перший раз 16 I 1912 і вязнено сім тижні в Яслі. Неодолго по звільненню зас його арештувано 28 III 1912 і тримано в арешті во Львові аж до часу процесу во Львові, котрий розпочал ся 9 III 1914 року і тирвал три місцяци.

<sup>50</sup> Jarosław Moklak, *Lemkowszczyzna w Drugiej Rzeczypospolitej: zagadnienia polityczne i wyznaniowe* (Kraków, 1997): 31; Klaus Bachmann, "Ein Herd der Feindschaft gegen Russland," ..., c. 226.

<sup>51</sup> Той сам, „Таки побідив Юрчакевич,” *Свобода* 21:13 (Jersey City, N.J., 1913): 6.

<sup>52</sup> Хоц офіцийні Грекокатолицької Церкви не лишил што підкрислят Ярослав Мокляк, “Російське православ’я на Лемківщині в 1911-1915 роках (політичні аспекти його розвитку),” *Лемківщина* 19:1 [72] (Clifton, N.J., 1998): 6.

<sup>53</sup> Roman Dubec, *Z dziejów parafii prawosławnych na Lemkowszczyźnie w okresie międzywojennym* (Gorlice, 2011): 56.

і през якісій час мешкал в Росії де православія було державном релігійом.<sup>54</sup> Памятаючи, же за православія заплатил житьом повісти можна, же в якісій спосіб для него ціла справа віроісповідання была легша до здецидування (або скорше уж здецидувана перед приходом на Лемковину) од того перед чим стояли грекокатолицькі священники бо звичайні інчай дороги од православної для отця Сандовича не було. Зувідати ся еднако треба - яке порозумління мал він з грекокатолицькими священниками симпатизуючими з православієм. На жаль не мame жадних деталів про што ся бесідувало за запертыма дверми в часі тайних нарад. Отже можеме лем ставляти гіпотезы чом отец Юрчакевич отверті не перешол на православія.

Нихто не знал як ся далі православний рух розвине і ци ся устабілізує. Загальна ситуація в Галичині змінила ся на некорист русофільсько і православно орєнтуваних людей. Іщи пару років вчасьнійше, по падінню політики Нової Ери (польсько-українського порозумління) ріст українського руху привул польських консервативних політыків (влучаючи намістників Галичини Леона Пініньского, 1898-1903 і Анджея Потоцького, 1903-1908) до попертя русофілів на котрих смотрели як на менче зло.<sup>55</sup> Декотри польськи середовиска зачали токо остро критикувати *i wskazywały na groźną akcję caratu w Galicyi*. I так *Tygodnik Ludowy* пишучи о *działaczach rosyjskich, którzy szerzą prawosławie w powiatach jasielskim i gorlickim* згадувал медже інчайма

---

<sup>54</sup> Під конец років 1920-тих ситуація не дуже ся змінила. Хоц Лемкы масово переходили до Православної Церкви, з нима перешол як ся здає лем єден грекокатолицький священник, отец Хыляк в Ізбах. Ріжнила ся ситуація під конец 1920-тих років тым, же Лемковина находила ся не в Галичині, части Австро-Угорської держави де православія було толеруване лем на Буковині, але тепер була частю одродженой польської держави де існувала дост міцна Православна Церков.

<sup>55</sup> Jeffrey Mankoff, “Austria-Hungary, Russia and the Dilemmas of Foreign Policy in Galicia Before World War,” в: Nikolaos Chrissidis, David Schimelpenninck van der Oye, Cathy Potter, Jennifer Spock, ред., *Religion and Identity in Russia and the Soviet Union: A Festschrift for Paul Bushkovitch* (Bloomington, Ind., 2011): 200.

отця Юрчакевича (помилково названого в дописі: Juraszkiewicz) і алярмувал, же:

„(...) Akcja ta zaborczego caratu rozciąga się w trzech kierunkach a to zorganizowane na szeroką skalę szpiegostwo wojskowe, szpiegostwo polityczne, a wreszcie działalność moskalofilstwa i to nie idyllicznego, sielankowego, lecz dążąca wprost do przygotowania gruntu wśród ludności, przychylnego dla wyciąganej skrwawionej łapy carskich siepaczy. Jak plugawe robactwo, rozlazły się po Galicyi całe sfery naganiaczy, rekrutujące się z ludzi, dla których żaden pieniądz nie śmierdzi, a tem bardziej rubel, który, że jest okrągłym łatwo się toczy. (...) rząd powinien zdjąć wobec moskalofili i szpiegostwa rosyjskiego rękawiczki. Na to czekamy!!”<sup>56</sup>

Перехід грекокатолицького священника на православія викликав бурю критики в газетах і певно арешт такого священника. Што бы то означало для православных? Без священника не было бы ім кому служити. Цы бы ся не мусіли повернати до Грекокатолицької Церкви? Можна додумувати ся що отец Юрчакевич з єдної страни боронил ся перед арештуванням а з другої робил своє. Ци власні не того робили од років русофільсько орентуваны галицькы священники, котры симпатизували з православійом? Функцыонували они в зміняючоїся Грекокатолицькій Церкви підкрісляючи, же ім ся не подабала єй латинізация і українська народова ідея. Так ся - як то повідали русофільськы діяче - держали.<sup>57</sup> Брати ту треба тіж під

---

<sup>56</sup> “Czarna sotnia Galicyi,” *Tygodnik Ludowy* 2:2 (Sanok, 1912): 2.

<sup>57</sup> Интересуючым ту є спомнити, што про унію написал отец Іоанн Полянскій (1886-1978), котрий вищол з русофільского середовиска і през ціле життя лшыл ся католицьким священником (хоц міг перейти на православія коли бы того хтіл зробити): “(...) Уния зостала заключена в интересі шляхецкой Польши и для глубшого отданія [одяття?-Б.Г.] русского народа в преділах Польши от России, хотяй не можна подозрівати православных епископов о злу волю. Они переводили унию для добра церкви и добра народа, руководячися исключительно віром, што через

увагу інчы справы. Отец Сандович мал свойого єпископа в Росії (хоц він юрисдикції в Галичині не мал). Під якого єпископа і до якої церківної структури належал бы отец Юрчакевич коли бы перешол на православія? Ци фактичні был він в Чернівцях в православного єпископа? Отец Юрчакевич мал родину, діти. Мал тіж попертя своїх парохіян, котры бы його далій фінансово сперали, але з переходом на православія стратил бы доступ до ріжних фундушів Грекокатолицької Церкви (прикладово для сирот по священниках). Росія была далеко а фінансове вспертя котре одтамале ішло не было ани систематичне, ани так велике як його в деяких польських і українських середовисках описано.<sup>58</sup>

Ани державны власти, ани зверхніцтво Грекокатолицької Церкви не заміряли лишыти отця Юрчакевича в спокою знаючи якє мал він впливы серед Лемків а і додумуючи ся што робил. Початком 1913 рока перемиска Консистория зажадала од него жебы привул конвертитів назад до Грекокатолицької Церкви і поставила му ультімату. Мало то быти зроблене в 14 дни або буде забраний з Чорного і суспендуваній! Горлицький староста думал, же не было то можливе в лем два тыжні, бо *ta się do czynienia ze sfanatyzowanym i nieświadomionym chłopem* і просил Консисторию, жебы дала отцю Юрчакевичови шіст тыжні Стверджал він тіж же суспендування того священника то не є

---

унию поднесеся престиж церкви и скрипится ёй под начальством вселенского архиерарха. Польша не додержала тых прав и привилейов, які обіцювала при ухвалению унии. (...) Духовенство и народ не радо принимали унию, а даже многи боролися против ней, але сторонники унии, маючи попертье державной власти и польской магнатерии силом, а часом террором змушували до принятия унии. (...) На Лемковині уживано ріжных способов, чтобы впровадити унию: замыкано православны церкви, перемінювано их на костели, розбирано, а метериал вывожено в други місця и ужито його на будову костела, народ терроризовано, выганяно из села, накладано на него ріжны тягары, и.т.д. (...)." И.Ф. Лемкин, *История Лемковины* (Юнкерс, Н.Й., 1969): 88-89.

<sup>58</sup> Докладнійше писл ём о тым в: "Галицькы старорусины і русофілі і одношыня до них Габсбурской і Царской монархій," *Русин* 3 [9] (Кішінів, 2007): 122-145.

добра думка зо взгляду на становиско місцевого насеління, котре горозит конверсийом вшыткых руских сел коли бы дішло до суспендуваня.<sup>59</sup>

Лемкы з Липной, Незнаєвої і Чорного, выразні завішаючы в часі кары, котры бы на них одраз впали, послали лист до Консисторіі в Перемышли, декларуючы вірніст Грекокатолицькій Церкви, але просячы тіж о дакус веце часу на підняття децизії жебы собі могли вшытко іцы раз передумати. Што мали собі передумати і о яку ходило децизію коли преці декларували вірніст Грекокатолицькій Церкви? Отец Юрчакевич тіж робил ... што міг і “довюл” до поверненя до Грекокатолицькій Церкви семеро осіб (Чорне 5, Незнаєва 1, Долге 1).<sup>60</sup>

Власти підозрівали што мал він прихильників в перемиській Консисторії і же тоты інформували го о вшыткых децизіях підниманих в його справі.<sup>61</sup> Горлицькій староста в рапорті для Намісництва во Львові з 13 VIII 1913 рока писал:

---

<sup>59</sup> Bernadetta Wójtowicz-Huber, “*Ojcowie narodu*” ..., с. 211-212.

<sup>60</sup> Bernadetta Wójtowicz-Huber, “*Ojcowie narodu*” ..., с. 212 твердит, же з отця Юрчакевича власти зробили *kozła ofiarnego*. Думат она, же він не мал так великого попертя серед Лемків, жебы іх повернути до Грекокатолицькій Церкви. Не допушат навет до себе думки, же він того не хтіл зробити. Видно токо в документах котры она перезерала. Прикладово в ABGK, syg. 437, s. 539 чытаме: “(...) О. Мих. Юрчакевич парох в Чорнім не старал ся зовсім навернути заблудивших своїх парохіян на лоно съв. католицькай церкви. (...).”

<sup>61</sup> Приятелів міг фактичні там мати бо в 1910 р. деси половина священників Перемиської Єпархії была русофільських поглядів. John Paul Himka, “The Propagation of Orthodoxy in Galicia on the Eve of World War,” *Україна: культурна спадщина, національна свідомість, державність* 9 (Львів, 2001): 483. Австрійски переслідування і пізнійша діяльніст єпископа Коциловского барз дуже змінили. Dariusz Iwaneczko, “Wierny Bogu i Stolicy Apostolskiej Błogosławiony biskup Jozafat Kocylowski (1876-1947),” *Nasz Dziennik*, nr 281 [2994], 1-2 XII 2007, [http://www.naszdziennik.pl/bpl\\_index.php?dat=20071201&typ=my&id=my81.txt](http://www.naszdziennik.pl/bpl_index.php?dat=20071201&typ=my&id=my81.txt) писал: “(...) Pragnąc usprawnić działalność urzędów i instytucji diecezjalnych, [biskup Kocylowski] popadł w 1919 r. w konflikt z Kapitułą, który ciągnął się prawie do 1923 roku. W tym czasie ordynariusz wymienił większość członków Kapituły i doprowadził do usprawnienia instytucji diecezjalnych. (...)”

"(...) Stanowisko Konsystorza w całej tej sprawie jest co najmniej niezdecydowane – co szkodzi jej ogromnie. Powaga tej wysokiej władzy została zachwiana, minął bowiem rok [лем рік? - Б.Г.] od chwili – gdy ksiądz Jurczakiewicz rozpoczął swoją agitację , a władza ta nie użyła środków służących do powstrzymania wrogiej Państwu propagandy. (...)"<sup>62</sup>

Перед виборами до галицького сойму в 1913 рока русофільські Лемки Горлицькі перевели ряд виборчих стріч. Склікано Виборчий Комітет і тіж по селах назначено мужей до відбірю жеби народъ знатъ чюй рады въ селѣ слухати.<sup>63</sup> До галицького сойму з Горлицькії з рамене Русской Рады во Львові кандидувал товдь отец Юрчакевич,<sup>64</sup> але не маючи можливості його там впровадити (зо взгляду на нумеричну перевагу польських виборців в округу з котрого отец Юрчакевич стартувал) руски виборці подібно не пішли нияк до голосування.<sup>65</sup>

В звязку з браком сукцесу в *zwalczaniu schizmy* і під впливом цывільних влади закликано отця Юрчакевича до Перемишля на переслухання в Консисторії. Мало оно місце 12 IX 1913 рока а зачало ся од звідання чом він ... носит бороду і баюсы.<sup>66</sup> Переслухуваний повідал, же не мають они ничего спільногого з його

---

<sup>62</sup> Bernadetta Wójtowicz-Huber, "Ojcowie narodu"..., c. 207.

<sup>63</sup> "Виборча робота," *Лемко* 3:20 (Горлицы, 1913): 4.

<sup>64</sup> "Наши Кандыдаты," *Лемко* 3:22/23 (Горлицы, 1913): 3.

<sup>65</sup> "Новости," *Лемко* 3:25 (Горлицы, 1913): 5-6.

<sup>66</sup> По части звідання того викликане було през цывільны влади. В листі Президії Намісництва во Львові до Консисторії в Перемищли з 6 IX 1913 рока звертано увагу на токо, же ношння през отця Юрчакевича баюсів і бороды могло дурити парохіян, же мають перед собом православного священника (Bernadetta Wójtowicz-Huber, "Ojcowie narodu"..., c. 212), але власні парохіяне отця Юрчакевича підкрисляли вчасніше, же ношння през него бороды і баюсів съвідчыт о tym, же він є православним. Подібно ношння бороды і баюсів през священників зачати мал власні отец Юрчакевич а мало оно одріжнити твердых руских од українських священників. Той сам, „Таки побідив Юрчакевич,” *Свобода* 21:13 (Jersey City, N.J., 1913): 6.

національно-релігійними переконаннями. Так ци інакше, зас-  
його суспендувано, що він мал за велику несправедливість і на-  
што нарікал в листі до Консисторії з 19 II 1914 рока. Декля-  
рувал він вірніст Грекокатолицькій Церкви, підкрислял свій  
щирій підхід до навертання конвертитів і оголашал, же ся звер-  
не по справедливіст до Риму.<sup>67</sup>

Попри отцю Юрчакевичу зробило ся уж товды барз горя-  
чо. 14 I 1914 Президія Намісництва писала до Консисторії  
в Перемишлі, же: "Wszystkiemu był winien Jurczkewycz, bo-  
wiem za mało się starał [Cerkwi Greckokatolickiej bronić -B.H.]."<sup>68</sup>  
30 I 1914 Намісник Галичыны Вітольд Коритовський (1850-1923)  
в листі до Консисторії в Перемишлі називал отця Юрчаке-  
вича *przebiegły podżegaczem* і нагварял до перенесіння го до па-  
рочії oddalеної од Лемковини.<sup>69</sup> Сам отец Юрчакевич з єдної  
стороны боронил ся перед карами, суспендуваньом і арештом,  
вказуючи ся як чесний католик, а з другої робил своє. На  
початку 1914 рока разом з Василем Колдорм зорганізувал він  
віче в Горлицях (отже за згодом влади?). В «Protokołach prze-  
słuchiwań w Nieznajowej do Sądu Okręgowego w Gorlicach» (27  
III 1914) писано, же по тым вічи: "(...) chłopi moskalofile wracając  
[do domów-B.H.] napadali na ludzi z partyi przeciwnej (...) krzy-  
cząc my tutaj wszystkich Ukraińców wyrżniemy, bo tutaj Rosyja."<sup>70</sup>  
Мало то місце в часі коли влади приступили до великої анти-  
русофільської акції. Дішло до арештувань, ревізій і накладання  
адміністраційних кар.

Не могло ся тіж обйтис без припомніння діяльності отця  
Юрчакевича в часі процесу Сандовича-Гудимы-Колдры і Бен-  
дасюка (9 III-6 VI 1914, Львів). Єдним зо съвідків оскаржиня был  
там Михал Шатинський, грекокатолик з Грабу, котрий зозна-  
вал, же він чул:

"(...) iż ksiądz Sandowicz na pewnym zebraniu miał  
mówić, że organizacja prawosławnych sięga od Sanoka do

---

<sup>67</sup> Bernadetta Wójtowicz-Huber, "Ojcowie narodu"..., c. 213.

<sup>68</sup> Bernadetta Wójtowicz-Huber, "Ojcowie narodu"..., c. 212.

<sup>69</sup> Bernadetta Wójtowicz-Huber, "Ojcowie narodu"..., c. 212-213.

<sup>70</sup> Bernadetta Wójtowicz-Huber, "Ojcowie narodu"..., c. 199.

Koszyc. Agitację prawosławną prowadzi się od czasu kon-skrypcji. A najgorliwszymi agitatorami byli ksiądz [My-chał] Jurczakiewicz z Czarnej [sic!], [Wasyl] Kołdra, [Dy-mytrij] Markow i [Iwan] Kuszwara. Objeżdżali wszystkie gminy i agitowali za zapisywaniem się jako ‘russcy’ - przez dwa ‘s’.”<sup>71</sup>

Іщи в часі процесу, 27 V 1914 рока арештувано такої і отця Юрчакевича при чым подібно: “Забрано з його хижі чотири міхи ріжних російських газет і книжок.”<sup>72</sup> Перевезено го до Krakowa, де го суджено і хоць ниякоЯ вину йому не доведено<sup>73</sup> то і так вязнено го до 19 VII 1917. През тот цілий час був тіж зас суспендуваний през церківны власти, отже медже інчима не міг правити Службу Божу. Од той децизії одкликувал ся пару раз але нич то не помогло. В тым часі його сповідником був Єзуїта Константи Чайковські,<sup>74</sup> котрий під впливом *smutku Sługi Ołtarza* по раз перший в своїй працы як вязений капелян став по страні вязня і звернув ся до Консисторії в Пере-мышли з прошыньом о даня отцю Юрчакевичови позвоління на правління Службы Божої. В тым прошынню написаным в 1916 році споминаєт ся, же:

“(...) Nie mógł być agentem czy szpiegiem, nie mógł przekroczyć ustawy. Za wiele widzę w nim dobrodusznej prostoty. (...) Dobroduszny proboszcz Łemków, obciążony zarzutem polityki przeciwpaństwowej, widocznie z pro-

---

<sup>71</sup> Michał Bołtryk, “Sąd nad Świętym Maksymem” *Przegląd Prawosławny* nr. 4 [238] (Białystok, 2005),

[http://www.przegladprawoslawny.pl/articles.php?id\\_n=873&id=8](http://www.przegladprawoslawny.pl/articles.php?id_n=873&id=8)

<sup>72</sup> „Нові Бендасюки,” *Свобода* 22:25 (Jersey City, N.J., 1914): 6.

<sup>73</sup> Додайме ту, же отец Дуркот зо Ждыні, про котрого часто згадувало ся як про єнодумця отця Юрчакевича, тіж був арештуваний і суджений в II Віденським Процесі (1917) але подібні нич йому не доведено.

<sup>74</sup> Як ся здає, був то тот сам Konstanty Czajkowski (1859-1930), котрий в роках 1885-1917 спілпрацувал з місячником *Przegląd Powszechny* в котрим печатал інформациі про Костел, рецензіі і деси 60 дописів на філософічны і суспільны темы. T. Bzowski, *Ojcowie i bracia Towarzystwa Jezusowego zmarli w polskich prowincjach od roku 1820* (Kraków, 1932): 8.

stotą Łemka dopuścił do siebie jakiegoś działacza postronnego, czy zatrzymał jego pisma. (...)"<sup>75</sup>

Не знаме як і де тоты роки пережыла родина отця Юрчакевича, але додумувати ся можна, же було ім тяжко. Власти арештували тіж Марцеліну Тарнавську, кухарку Юрчакевичів а горлицькій староста підсувал Намістництву во Львові думку посланя єй до Талергофу бо: "(...) bardzo chętnie przystaje z nimi, i jeszcze obecnie o ile zobaczy gdzieś jeńca rosyjskiego nawiązuje z niem zaraz rozmowę (...)." <sup>76</sup>

Австрійські власти при помочи декотрих українських діячи прібували нищти лемківських русофільських лідерів. Хоц част з них лишила кости під талерговськима соснами а інчы вернули домів зо знищеним здравям, то і так було кому одозвати ся за Лемків, коли розлетіла ся Австро-Угорська Монархія. В тій новій політичній ситуації *dobroduszny proboszcz Łemków* зас буł *obciążony zarzutem polityki przeciwpaństwowej*.

Уж в листопаді 1918 рока на обшыри Західної Лемковини одбыло ся ряд віче, на яких бесідувано о будучності галицьких Лемків.<sup>77</sup> Отец Юрчакевич не лишал ся обоятним на туто політичну діяльніст. 17 листопада організувано інформаційне віче в Святковій Великій. Дішло там до спору медже русофілями а українськима діячами. Тоты други були переконаны, же в скомплікуваній медженародній ситуації не треба ділити ся ідеологічні. Мали бо они вшыткіх галицьких Русинів за Українци і дужыли, жебы тоты створили спільну, суцільну групу і бороли ся о українську державу. Юриста др Димитрий

---

<sup>75</sup> Bernadetta Wójtowicz-Huber, "Ojcowie narodu"..., c. 214.

<sup>76</sup> Bernadetta Wójtowicz-Huber, "Ojcowie narodu"..., c. 230

<sup>77</sup> Про лемківські республіки писал єм в: *Działalność polityczna Łemków na Łemkowszczyźnie 1918-1921* (Wrocław, 1997), де детальні приводжу вшытки джерела. В тій части допису подаю скороочиня той книжки згадуючы лем джерела цитатів і звертаючи увагу на діяльніст отця Юрчакевича. Текст є тіж дакус поправлений з доданьом дрібных інформаций, котры вказали ся в пізнійших працах. Векшіст ту подаваного тексту перевюл з польского Петро Трохановскій і печатал в частях в *Besiedl i* в цілости в *Лемківським Річнику* 2008, за што йому ту дякую.

Собин (1879-1946), якій промавлял од імене русофілів, вказал єднако на виразний поділ. Ствердил він, же неє української держави ани в Галичині, ани в Росії, понеже насеління має ся за руске. Стратегію діяння окріслили русофілі на наступним віче в Святковій 21 листопада 1918 рока.

Найважнійше з початкових вічес одбыло ся 27 XI 1918 рока в Гладышові. Зышло ся там такої два тисячы Лемків. Українськи діяче зкликали своїх сторонників з горлицького і грибівського. В Горличчині не було іх дуже а серед головных були учитель в Ропиці Рускій Тимко Перейма<sup>78</sup> і парох Маластова, Панкной і Ропиці Рускої отец Еміліян Менцинський (1865-1926). Кількох спосеред них нашло ся в організаційним комітеті, але нияк не зазначили они в ним своїй приявности. Віче стало ся русофільском маніфестаційом. В кінцевым документі віче проголошено, же Лемковина не може належати до України, а лем до „Великої Росії”. Домагано ся тіж, жебы делегат Лемків взял участ в мирных пертрактациях. Постановлено тіж усунути з Лемковини українських священників, привернути в грекокатолицьким богослужыню слово „православний” (заступлюване через українських священників словом „правовірний”) та ввести до шкіл рускій язык. В ціли адміністрування обширю заселеном Лемками покликано Руску Раду в Гладышові. Вшытко тото было згідне з переконаннями отця Юрчакевича, зато брал він удел в творінно Рускої Народної Республики Лемків.

Лемківська адміністрация розвивала ся скоро і викликала потребу створити Повітовы Рускы Рады. Спомнену Руску Раду в Гладышові переіменувано на Повітову Руску Раду (ПРР) для

---

<sup>78</sup> Перейма посыпал інформації про події на Лемковині до української газети *Република*, в которых керуючи ся своїм *wishful thinking* передставлял лемківську політичну діяльність як зміряючу до полутона ся з Україном. На підставі тих дописів українській історик Ігор Любчик, “Лемківщина під час національно-визвольних змагань українського народу у 1918-1919 рр.,” *Українознавчі студії* 6-7 (Івано-Франківськ, 2006): 368-373 блудні намагається довести что русофілі не мали значучой переваги над українським рухом.

горлицького, ясьльського і кроснянського повітів. Єй ролю пе-реяла онедолга ПРР в Чорним во главі з отцем Юрчакевичом і секретарем, пізнійшым інженером Сергієм Дуркотом (1901-1944).

В ціли дальнього сконсолідування діянь лемківської адміністрації покликано до життя (Фльоринка, 5 XII 1918) Начальну Раду Лемковини. Зберала ся она кожного тижня. Лемківська адміністрація преяла початком стары назвы повітів. Та піз-нійше, жебы одсепарувати ся од австрійського адміністрацій-ного поділу Галичини, якій преяли тепер Поляки, усталено новий адміністраційний поділ.

Начальній Раді Лемковини проводил не хто інчий як власні отець Михал Юрчакевич, а секретарем был походячий з Бортного др Димитрий Собин. НРЛ проголосила ся єдином властю на Лемковині і ій то підпорядкуваны были повітовы ра-ды, што складали ся з ведучого і дванадцятьох членів. В лем-ківських селах зберано пінязі на утримання адміністрації. Скла-дано іх на руки повітового скарбника. Декотрих начальників громад (війтів, іх заступців і асесорів) лишено заниманих ста-новиск, хоц были то Лемки. Мало ся ім за зло, же высугували ся Полякам. Тоти, котры остали і сьвіжко выбраны, як тіж ціле насеління мали зложити присягу на вірніст НРЛ, што торже-ственно вчynено в церквах. НРЛ зо своєї страны знесла ре-квізиції, маючи часто місце в воєнний час. Проголошено тіж, лемківська власт старала ся буде покарати винуватых перешлі-дувань Лемків в часі Першої Світової Войни. Наказано тіж Лемкам стримати ся од плачыня податків Польській Державі аж до одкликання. ЛНР зажадала од польської сторони, жебы ко-респонденція до і од ЛНР была звільнена од поштовых оплат. Проголошено тіж, же нихто спосеред Руснаків не є обовязаний до служби в Польським Войску. Противні, обовязком каждого Лемка є остати дома і пильнувати порядку. Зато тіж наказано кождій лемківській громаді організувати стражу (поліцію). Єй начальним коментантам остал поручник Роман Сембратович (1890 - по 1938). НРЛ осягнула послух серед Лемків, котры вы-полняли єй розпряджыня і бойкотували всякы пробы Поляків установити іх адміністрацію на обшири Лемковини.

На кількох віче, што одбыли ся по фльориньським, Лемки мали тіж выбрать своїх делегатів на Мирну Конференцію. На засіданю Повітової Рускої Ради в Горлицях (брак даты) чести той доступили: отец Михал Юрчакевич, др Александр Ціханьскій (1863-1947) та др Ярослав Качмарчык (1844-1944?).<sup>79</sup>

Неодолго по фльорунським віче мал місце перший польско-лемківській інцидент. 8 XII Польське Войсько затримало в Горлицях трьох Лемків і одставило на коменду. Зашмарено ім, же не носят орелків. Поляки зачали тіж силом екзекуввати „повинності громадян взглядом державы“. О тих справах писал до ПЛК в Горлицях і протестувал против ним ведучий НРЛ, отец Михал Юрчакевич:

„(...) Legioniści gromadnie napadają na ludność, która idzie na jarmark, odbierając wszystko, co tylko może być użyteczne. (...) Też postępowanie żandarmeryi w Gładyszowie, Ropie i Uściu Ruskim pow. Gorlice jest wprost prowokujące, na które również mamy dowody. (...). Wobec licznych rażących nadużyć, tak ze strony legionistów, jak i żandarmeryi, protestuję jak najenergiczniej przeciw wszelkiemu rodzajowi szykanom, które nie przyczyniają się wcale do spokojnego współżycia obu narodów. (...)“<sup>80</sup>

Отец Юрчакевич зажадал од Польської Ліквідаційної Комісії жебы усунути з лемківських сел польську жандармрию і припомнул, же єдином легальному властю на Лемковині є НРЛ. О масштабі напятя съвідчыт погроза лемківского проводыря, котрий твердил на закінчыня того писма, же кед не буде зміны, „Rusini będą zmuszeni podjąć samoobronę“. Против примушуваню лемківських учытeli до складання присяги на вірніст

---

<sup>79</sup> Веце про него писал ём в: “Ярослав Качмарчык (1884-1944?): Лідер Рускої Народной Республики Лемків,” *Лемківский Річник 2008* (Krupica-Legnica, 2008): 66-97.

<sup>80</sup> Писмо отця Юрчакевича до ПЛК в Krakowі з 17 XII 1918 рока находит ся в Archiwum Polskiej Akademii Nauk w Krakowie, Rękopisy, syg. 4177, k. 17.

Польській Державі здецидувано протестувал Методій Трохановскій (1885-1947).

В наступстві протесту отця Юрчакевича Начальний Провід Стражи Безпеки/Naczelnne Dowództwo Straży Bezpieczeństwa в Кракові веліло своїому одділови в Горлицях збадати справу поступування жандармерії в однесінню до Лемків (одтамале пре-слано справу до одділу в Устю Руским). За тым доходжыньом явил ся рапорт z 27 XII 1918 рока, в котрим занотувано, же „(...) ze strony posterunku żandarmeryi w Uściu R. nie dopuszczono się żadnej szykany ani też nie postępowano przeciw ludności ruskiej prowokując (...)”.<sup>81</sup> Зазначено при тым, же жандармерия противдіяла почынаням лемківської адміністрації, што не могло подабати ся Лемкам. Правдоподібні в тым самим часі прихильний Лемкам Казімеж Рамулт був одкликаний через Зигмунта Лясоцького зо свого становиска межде інчима за причиною „Zupełnego niezorientowania się w sprawie akcji antypaństwowej na Łemkowszczyźnie.”<sup>82</sup> Остают тіж перерваны ногоціяції ведены в горлицьким (і правдоподібні в грибівським) повіті медже льокальному єдиницьом ПКЛ а НРЛ. Довели они до устаління (незнаного з документу) польско-лемківского порозумлення. Єдним з важнішых пунктів того порозумлення была гарантія не покликувати Лемків до служби в Польським Войску. 27 грудня краківське керівництво ПКЛ здецидувано заборонило комісаріовои ПКЛ в Горлицях не лем в чым небуд поступити на корист Лемків, але і дальншого конферування з нима. Краків застрюг сой єдночасно виключне право піднимати децизії в народовостьювих справах. Плянувано там переаналізувати ситуацию на Лемковині і выпрацувати одповіднюю схему діяння. Та з горы Краків зазначыл, же в нияким припадку Лемкы не можут быти звільнены од службы в Польським Войску. Наказувано тіж, жебы враз з виданьом поборових розпоря-

---

<sup>81</sup> “Raport Posterunku Żandarmeryi w Uściu Ruskim dla Dowództwa Żandarmeryi w Gorlicach,” 27 XII 1918, Archiwum Państwowe w Krakowie, PPP 85, karty bez numeracji

<sup>82</sup> Zygmunt Lasocki, *Wspomnienia Szefa Administracji PKL i K. Rz.* (Kraków, 1931): 57-58.

джынь были они безвзглядно перестерігани тіж в однесіню до Лемків (в разі потреби обіцювано доставити войскову асисту).

Отец Юрчакевич враз з др. Александром Ціханьським були прикликаны до Праги (конец грудня 1918) через проводыря галицьких русофілів Димитрия Маркова (1864-1938) і його єдноумця Кірила Вальницького. Пішли там враз на Градчаны, де конферували з президентом Томом Масариком (1850-1937). Президент Чехословаччини проявил симпатию для Лемків і был зачудуваний іх освободителними аспіраціями, та лем загальні выповіл ся на тему евентуалного прилуччыня Лемковини до його краю. Задеклярувал він лем: *буду виділ што годен єм зробити в вашій справі.*

Новий напрям діяльности лемківських політыків был одраз розпропагуваний серед насеління. 23 січня 1919 рока на засіданю в Креници розвязала ся НРЛ, передаючи свою власт Карпато-русій Раді в Пряшові. 29 січня так же поступила ПРР в Чорным. Напечатано резолюцию о єдності земель Карпатських Русинів і розклиєно ю во вшyткых громадських урядах на Лемковині. Пак позберано на ній одбитя громадських печати лемківських сел і враз з підписами війтів переслано до Праги. Головним пропагатором прочехословацької ориєнтації серед Лемків стал ся отец Юрчакевич, попертий міцно через др. Димитрия Собина, отец Романа Прислопского (1866-1941), Дмитрия Вислоцького (1888-1968), др. Александра Ціханьского та Івана Андрейку (1888-1970).

Дакус пізнійше [по 4 II 1919] з польського села Липинки/Lipinki, што граничыло од полудня з лемківськими селами Розділя і Боднарка, доношено:

„(...) Nasza miejscowość (...) przechodziła trudne chwile niepokoju, szczególnie w pierwszych dniach lutego. Rozpowszechniane wtedy wieści o zajęciu przez Czechów Koniecznej i Gładyszowa, które później okazały się przesadzone, zaniepokoili szczególnie właścicieli szybów naftowych. Choć skończyło się na strachu, sytuacja aż do teraz nie jest jasna ze względu na dwuznaczne zachowanie się Łemków zaagitowanych przez ks. Jurczakewycza, proboszcza w Czarnem. Nastawiony wojskowo, a żadny złota i

# Заявленіє.

Избраний на віснароднамъ  
віччю Лемковини, состоявшимъ во  
Фльоринцѣ, 10.11.1918, Начальний Советъ  
рушимъ на засіданішівсять 10.11.1918, отрѣ-  
бить свідчук по земельнихъ пращевъ доза-  
ванія, об'єднанії Народної Рады для заститиши  
такесть руского населеніа Лемковини  
у чре Государя. - Въ исполненіи такого рушення за-  
дане Старосто рускую Раду во Пряшевѣ. Якъ  
быти тибо Начальнику Совету, Креничу  
какъ представити таємо на засіданії. А въ Креничахъ  
для 23.1.1919 рушимъ  
Рушимъ 23.1.1919 післятаєть  
существовать Начальнику Совету  
з рушениемъ Фльоринкої Лем-  
ковини, состоящої Народной Рады во Пряшевѣ.

Сергій Ільїч Курка  
екр

представитель  
Лемковини Начальнику Совету

Заявліня Начального Совіта Лемковини (вибраного на народним віче во Фльоринці (5 грудня 1918 р.) о рішыню з дня 10 грудня 1918 р. вислати своїх представителі до Пряшова для завязання спільноЯ для вшыткых карпаторуских земель Народної Ради і - в наступстві завязання такої - о рішыню з дня 23 січня 1919 р. (на засіданні в Креници) о устаню діяльності НСЛ, якій з том датом справы Лемковини оддає Народній Раді в Пряшові.

Взяте з: Іван Ванат, Нариси новітньої історії українців східної Словаччини. I, (Братислава - Пряшів 1985)

РУССКАЯ ПОВІТОВАЯ  
— Р А Д А —  
ОКР. ГОРЛИЦЬ

511

62/5

Карп. Окр. 29.7.1919.

Do

Карпато-руської Ради

в Пряшеві

Союзною рушією Пагального Собою  
та скликаним Руською Радою урядом Горлицьким  
всім населенім своєму повіту присвячено  
є з ж. Півн. або руської Ради в Пряшеві, що від  
повіті привласнює право рушіяти будущій привілеї  
насті руської гасли привільного уряду і дактилати  
їх нові.

При такому заході якщо кимось руською насе-  
ленією виможуть обігнути суд, то чого руським?

Сергій Дуркот  
секр.

Михаїл Юрчакевич  
предсідатель

Писмо Руської Повітової Ради округу Горлиці оддаючої ся до  
диспозиції Карпаторуської Ради в Пряшеві, підписане през  
Сергія Дуркота (секретар) і Михала Юрчакевича (предсідатель).

Взяте з: Іван Ванат, Нариси новітньої історії українців східної  
Словаччини. I, (Братислава - Пряшів 1985)

władzy ksiądz ten zebrał w końcu grudnia 1918 roku w Pradze grube pieniądze na czeską agitację, zabrał się gorąco do propagowania czesko-słowackiej idei, w czym usilnie pomagali mu wszyscy księża i nauczyciele. (...)."<sup>83</sup>

Уж од 10 лютого старанні спостерігano за отцем Юрчакевичом, котрого діяльніст за оціном польської сторони наберала: "(...) coraz więcej cech akcji zmierzającej do oderwania russkich gmin od łączności z powiatem, a więc znaczenia czynu przeciwpaństwowego (...)." <sup>84</sup> Доручано збадати лемківських адміністраційних інституцій, часової повторності іх зборань і змісту омавляних справ. Особливій увазі жандармів довірено контакти отця Юрчакевича з Чехами і ведіння через него агітації на хосен полудньового сусіда Польщы. Доручено тіж зобрести одозви і розпоряджыння видаваны через лемківську адміністрацию.

При так напруженій ситуації отец Юрчакевич мусіл ратувати ся втікаючи пред арештуваньом, што близько ся неминучо. З марта 1919 рока втюк він зо своєї плебанії, на – як сам писал – „(...) десят минут пред нападом 250 жолнірів. Хтіли мя зімати і – як сами гварили – повісити. Лем чудом вратувал єм ся од смерті. Напад тот варварством перевищаш татарскій. Стріляно до люди як до псів, плюндрувано (...)" . 8 марта был він уж в Кошицах. Стрітил ся з командуючим ческо-словацькими войсками в тым місті, полк. Франтішком Шобльом/ František Schöbl (1868-1937). В часі той стрічы отец Юрчакевич зложил звідомління зо ситуації, в якій нашла ся Лемковина, підкристлюючи насильство і гвалти чинене Лемкам через Поляків. Твердил він, же ціла Лемковина є стерроризувана, люде боят ся рушати з хыжы а польке войско грозит спаліньом сел. Протоколярні зознал він товды:

---

<sup>83</sup> "Што польска газета пише о Лемковщині," *Правда* 18:35 (Olyphant, Pa., 1919): 3. Текст оригінальні печатано в польській газеті *Kurier Polski* (Milwaukee, Wisc.).

<sup>84</sup> "D-two Straży Powiatowej Gorlice do Posterunku Żandarmeryi w Uściu Ruskim," 10 II 1919, Archiwum Państwowe w Krakowie, PPP 85, karty bez numeracji.

„(...) В виду того что Карпато-Русская Рада какъ законная выразительница воли всего карпато-русскаго населенія – Лемковщины и Угророссовъ – неоднократно уже просила присоединить галицкую Лемковщину к Чешско-Словенской Республике и зять ее сейшась чешско-словенскими войсками, считаю необходимымъ явиться лично къ г. Полковнику Schöblu съ тѣмъ чтобы кратчайшимъ путемъ обратился къ г. президенту Масарику, к военному министерству эвентуально къ мировой конференціи съ усиленной просьбой чтобы Entente немедленно выслала особую комиссию въ Лемковщину съ цѣлью розсмотрѣнія настоящаго печального положенія этой страны и принятія отвѣтныхъ мѣръ для прекращенія варварствъ оть долгого времени допуска-емыхъ польскими властями и войсками надъ беззащитными Лемковскимъ народомъ. (...) Какъ предсѣдатель Лемковского Народнаго Совѣта я уполномочень изъявить искренне желаніе и прошеніе оть имени всего лемковскаго народа присоединить цѣлию Лемковщину къ Чешско-Словенской Республике и немедленно занять ее доблестными чешско-словенскими войсками (...)"<sup>85</sup>.

В одповіди на польську паціфікацію Лемковини, Лемки організували три зображення в марці 1919 рока. Дискутувано за рядом – во Фльоринці (5 березня), Брунари (9 березня) і Креници Селі (16 березня). За неприявності отця Юрчакевича верховоджиня в лемківським рухом прібувал взяти в свої руки др Ярослав Качмарчык, котрий не був наставлений до Поляків так війовничо як отец Юрчакевич, і намагал ся він підняти розмовы з польськом стороном. Його замышлінью, в ситуації контролювання Лемковини через польські власти, було запевнити Лемкам можливі найвекшы політичны (самоурядны), економічны і культурны концесії. Ведена ним ПРР в Білцареві преяла права розвязаной 28 січня 1919 рока ПРР в Креници.

---

<sup>85</sup> Документ тот перепечатал Іван Ванат в його *Нариси новітньої історії українців Східної Словаччини*, кн. 1: 1918-1938 (Пряшів, 1979): фотодокументы на кінці книжки (страницы ненумерованы).

# Протокол

составленний 8го марта 1919 року від календарів сприйнятого отримано Земського віддіління по Slovensko в Кошице з со свідченням місцевими Основицями  
Друковано від Чорного (узді Гомічі, Гомічі)  
в присутстві полковника Schöbla та поручиків  
Карлона Йосифа Куржаковича та Реміслава Корсака

Ві будь то що Карпато-Угорська Гага  
які законна відразу таємна воля всіх карпато-  
руського населення - Лемковщини та Угорщини -  
зновократно уже просила присоединити ~~західну~~  
ку Лемковщину до Чесько-Словенської Республіки  
і занести її сюда польсько-словенськими  
войсками, суперечко необхідніх з'явиться ли-  
ше від г. полковнику Schöbla від того, що він  
від кратайшим чином обратився до г. пре-  
зиденту Масаріку, що відповідь міністерству  
звітування до мирової конференції в усі-  
єнній просьбі ~~щоб~~ стенте немедленно  
вісслає особу комісію від Лемковщини від  
згідно разглянутого насподішого піділь-  
ного положення цієї спадки та призначів  
відповідних лідерів для прекращення ворвів  
так доситьного бремені допускальних польськи-  
ми владами та військами над розташувати-  
тих лемковських народом.

Інші, які від настогнішою пору  
творяться на Лемковщині нівості.

Протокол (перша з 3 стран) з 8.03.1919, копія оригіналу тексту  
цитуваного на попередній страні (взято з: І. Ванат, Нариси...)

Прібувала она тіж преяти такы же права повітових рад для горлицького та ясельського і кросняньського повітів. Але Рада в Чорnym (для Горличчыны) одмовила підпорядкувати ся др. Ярославові Качмарчыкові. Група Лемків зосереджена по-при Раді в Чорnym (певно частинно під впливом долголітнього там душпастирювання отця Юрчакевича) була непреєднано ворожко наставлена до польського панування на Лемковині і не брала до уваги ани можливости бесідувати з Поляками. Через найближшы місяці продовжувала она свою прочехословашку політыку, которую поперто тіж на спомненых трьох віках што проходили в марци. Одмовлено там, за справом виступлінь Владимира і Ярослава Качмарчыків, медже інчима плачыня податків польській державі, права побераня рекрута на Лемковині і задеклярувано прагніня прилучыти ся до Чехословакії.

З моментом, коли постановліня лемківських марцьових зборень дішли до відома польської публичної опінії, газеты зас вдарили на алярм. *Ilustrowany Kuryer Codzienny* писал в реляції „Intrygi czesko-słowackie na Łemkowszczyźnie” з Нового Санча (1 IV 1919): „(...) Byłoby bardzo pożądany, aby rząd polski wykazał nieco więcej jak dotąd zainteresowania i poczynił potrzebne zarządzenia. Jest rzeczą niesłychaną aby w państwie naszym sfory najrozmaitszego rodzaju precliczków i czarnosecińców grasowały po całym podkarpaciu (...)”. В подібним духу передавал ситуацию *Czas* в дописі „O granice południowej Polski” з 20 IV 1919: „(...) Już dziś nie zaniedbuja Czesi niczego, by zza Karpat podsycać antypolski ruch. (...) Rzuca się hasło wcielenia polskiego Podkarpacia do państwa czesko-słowackiego, (...) podkopując najmocniejszą suchą granicę Polski. (...)”.

Хотячи закінчыти справу лемківського руху на хосен Чехословакії і будучы під тиском польської публичної опінії, польськы власти задеклярували готовіст зозволіня вернути ся на Лемковину, стараючого ся о тото отця Юрчакевича. Дістал він особисте запевніня нетыкальности од горлицького старосты. Будучы в тяжкій фінансовій ситуаціі (грекокатолицькій прашівскій єпископ не хтіл приділити му парафії в своій єпархії) - постановил він вернути ся на пілнічну страну Карпат. В Велику Суботу прибыл він до своій парафії в Чорnym. Та уж о пару

дни, 22 квітня 1919 рока 50 жолнірів окружило вночі плебанію і скутого священника одставило до Горлиць.<sup>86</sup> Там долучено до него інчих членів ПРР в Чорним. Против вшытким ведено доходжиня і правдоподібні початком червця одбылося в Горлицях іх процес. На Горличчині зобрано обвинюочы материялы, котры выразно съвідчыли о діяльности обвиненых в справі прилучыння Лемковины до Чехословакії. Вшытко єдно ачий не зашмарено ім зрады стану, а лем заколочыня публичного порядку. На жаль ани хід процесу, ани його вышлідок не є знаний. Так ци інакше польска сторона осягнула свою ціль, бо барз актывний отец Юрчакевич стратил ся з політычнай сцены і як ся здає до політики уж ся николи не брал.<sup>87</sup>

Без взгляду на тото польськи власти не хтіли його на Лемковині і натискали перемиского єпископа жебы його одамале забрал. Такой ся тото добрі складало для єпископа Йосафата Коциловського, котрий “очышаочы” Лемковину з “москалів” перенюс в 1924 року отця Юрчакевича до села Ветлин/Wietlin в Ярославським Деканаті (9 кільометрів од Ярославя). Мал він там дос велику парохію (1738 люди, 1932 рік) без нияких дочерних і церков з 1826 рока. Його там жыття і праца през наступне 20 років потрібue досліджинь. Не знаме ци ся занимал там політиком або даяком інчом діяльністю, окрем церківной. Коли Лемкы переходили на православія під конец 1920-тих років отец Юрчакевич был далеко, в українським середовиску, певно заведений або і змучений ци выпалений давном діяльністю.<sup>88</sup>

---

<sup>86</sup> Про тото споминало ся по півдньовій страні границі в дописі: “Roláci trastají Rusy z Lemkovštiny,” *Národní listy* 59:117 (Praha, 1919): 3 де ся подавало, же: “(....) Jurčakievič jest předák Lemkovštiny jihozápadní, jež se vyslovila pro naši republiku. Jurčakievič byl v této záležitosti i v Praze, a odtud hněv polský na něho. Stál v čelo svého lidu již před válkou (...) této byl zalčen a odsouzen; propuštěn až v r. 1917 (...).”

<sup>87</sup> Адам Барна, *Кавальчык терністай історії села Чорне на Лемковині 1870-1970* (Лігница, 1996): 113.

<sup>88</sup> Згадайме ту, же в часі масового переходу Лемків на православіє під конец рокіц 1920-тих лем єден грекоактолицкій священник (Димитрий Хыляк) перешол з нима до Православной Церкви.

В шкільним році 1932/1933 його син Ярослав закінчыл Львівську Політехніку на керунку хімічної інженерії.<sup>89</sup> По войні отец Юрчакевич не виїхал на Україну і подібно добре односился до Поляків.<sup>90</sup> Дослужыл в Ветлині до 1947 рока. В часі Акції Вієла виселено го в північно-східну Польщу, до Щецина, де през якісий час був вязнений.<sup>91</sup>

### *Post scriptum*

Деси в другій половині 1980-тих років був єм з групом студентів в колишній парохії отця Михайла, а скоршев в тым що ся з ній лишило. В Чорним мешкал товдь якісий гіпс котрий в місце коров мал лямви (так, totys з Полудньової Америки).<sup>92</sup> Мал він тіж ключи до церкви. Не памятам чом власні він мал totys ключи. Може там никого веце в селі не було. Так ци інакше, церков з 1786 рока нам отоврил. Конструкція була стабільна але в середині був непорядок. Перешло преці 90 років од того часу коли за проводом отця Гнатишака ремонтувано єй (1893-1895). В 1993 році перенесено тоту церков до скансену в Новим Санчи, де часом ся в ній правит грекокатолицька служба, бо одновлено в місті грекокатолицьку парохію.

Пішли сме такої тіж до Незнаєвой де стрітили сме на дозрії якисого человека. На звіданя: "Czy tu mieszkają Łemkowie?" одповіл він нам: „To nie jest żaden Łemków, to jest Nie-

---

<sup>89</sup> Program Politechniki Lwowskiej na rok akademicki 1933/34 (Lwów, 1933), <http://www.lwow.com.pl/politechnika/program33-34/plw-8.html>

<sup>90</sup> Stanisław Nabywaniec, "Losy księży greckokatolickich z terenu diecezji przemyskiej i administratury apostolskiej Łemkowszczyzny po 1939 roku," в: Andrzej Andrusiewicz, ред., *Polska i jej wschodni sąsiedzi* т. 10 (Rzeszów, 2009): 118.

<sup>91</sup> Роман Денисович Мирович, *Именной указатель жертв австро-мадьярского террора в Прикарпатской Руси 1914-1918 гг* (Львов, 1971): нр 8842, <http://boris.auchat.ru/papers/talergof.txt>

<sup>92</sup> Был то пізніший писатель і видавец Andrzej Stasiuk, котрий, згідні зо словами його женої: „często powtarza, że najszczęśliwszym okresem w jego życiu były dwa lata spędzone w Czarnem, kiedy mieszkał tylko z psem i całymi miesiącami nie widywał ludzi.” K. Janowska, “Jadąc do Wołowca,” *Polityka* nr 3 [3], 27 XII 2007.

знаюва!" Погода не була найліпша. Кус ляло – певно добре не чул о што ходило. То була Незнаєва, тата сама, де тракторами розтягли церков з 1780 рока. Місце де стояла зароснене було копривами, а ту і там мож було найти нагробни кресты. Липнянска церков з 1885 рока тіж не істнує а лишил ся по ній крест, котрий колиси на ній стоял а тепер стоїт на цмунтері опертий о бука в котрого вріс.

Лишило ся в Чорним дуже колишніх парохіян отця Михала, але лем в землі і ани не знатя докладні де.<sup>93</sup> Решта деси там по сьвіті, на сході або на заході, а він сам на *Ziemie Odzyskanych*. Най Му легком буде поморська земля.



Підписано: Михаїл Юрчакевич, парох. Вижше підпис  
о. Вл. Калужняцького (знимка од Alan Doyle Horbal)

<sup>93</sup> Спомнімємо ту як цікавостку, же на загальну кількість 26 збережених нагробних памятників в Чорnym на 20 мож одчитати даты а 10 з тых стоїт на гробах люди, котри гмерли в часі коли священникувал в селі отец Юрчакевич. В Липній тата статистыка выглядат так 8-3-3 а в Незнаєвій 11-9-5. Roman Dubec i Adam Janczy, *Inwentaryzacja cmentarzy lemkowski w nieistniejących wsiach na terenie gmin Sękowa i Uście Gorlickie* (Gorlice, 2007): 35-62, 87-96, 101-112.

## Річниці гу одсьвіжню памяти

БАЗЫЛОВИЧ ЙОАННИКІЙ (1742 - 1821) - см. ЛР 2011



**БАЧЫНЬСКІЙ АНДРІЙ (1732 - 1809)** - єпарха і педагог. Вродил ся в Бенятині на Пряшівщині. Вчыл ся в ужгородській гімназії, пак студилювал богословія і філософію в Трнаві. В 1756 р. приял священничий сан, а в 1773 інtronізацію на єпископа. Заряджал Мукачівском Єпархійом такої 40 років (в 1780 р. перенюс центр єпархії до Ужгорода). В 1778 р. основав в Ужгороді духовну семінарию, де наука ведена была в русинським языку. По русинськы вела ся тіж адміністрация єпархії. В добі домінації латини і німчыны было то величезне осягніня. Його єпископскы посланя остают цінными памятками русинського писменництва. В обличу пануючої панщины ставал отверто по стороні простого народа.



**БАЮС ВАСИЛЬ (бл. 1600 - 1652)** - єден з найбаже знаних лемківських збійників. В документах з часу молодості виступує як Василь Ліщињський (был шолтысъого роду в Лішчинах). Зачал збійникувати початком 30-ых років свого століття, пак к. 1635 р. заложил свою збійницьку дружину і был для панів постраждом в нашых Бескідах. В 1648 році, будучи видимо в скрутній ситуациі перенюс ся - як гварит документ - за Тису. Треба того ачий одчытувати генеральні як Підкарпатска Русь, може Мармарощину, де был найміцнійший опір против вводжыню церковной унії (в інчым документі находиме відоміст о збійнику з Білцаравы, якій „скрыл ся“ в мукачівского православного владыкы). В незнаных околичностях видимо і там го нашли, бо страчений был в Пряшові 1652 рока. (Портрет Василя Баюса є авторства Богдана Трохановского)



**БЕДЗИК ДМИТРО** (1898 – 1982) – писменник. Вродил ся в Вільхівцях к. Санока. В 1915 році лишил рідне село і враз з одступуючом на царському армійом перенюс ся на схід, де в – Україні – пережыл решту життя (в тым деякій час в Казахстані). Творил в українським языку. Є автором прозових та драматичних творів, з яких найбаже знаным є трилогія „Украдені гори“. Представил він там, в дусі соціалістичного реалізму, життя Лемків перед, в часі і по I сьвітовій войні. В єдним з уступів намалювал з писменничом фантазійом всенародне лемківське віче во Фльорині з 5 грудня 1918 рока.



**БЕСКІД МИХАЛ** (1859 – 1932) – священник і суспільний діяч. Вродил ся Шаришським Ястрябю, науки поберал в пряшівській і ужгородській грекокатолицьких духовних семінариях. Принявши 1883 священничий сан, служив в кількох парафіях Пряшівщини, виступувал против мадяризаційній політиці грекокатолицької єпархії. В час повоєнного становлення русинської достоменності был членом Пряшівської Народної Ради (його рідний брат, Антоній Бескід, был пак губернатором Підкарпатської Руси; вельох зрештом членів широкої родини Бескідів было видатними діячами).

**БЛАЖОВСКІЙ ГАВРИІЛ** (?? – 1742) – єпарха (правдиве імено і назвиско – Юрий Манкович). Вродил ся в Блажові на Пряшівщині, філософію студіювал в Кошицях, богословія в Трнаві. По висвяченю (1729) был секретарем єпископа Геннадія Бізанція. В 1838 покликано го до єпископського сану, та понеже унійна Мукачівска Єпархія не мала іщи фактичного правного статуси (была під юрисдикцією римокатолицького єпископа Егеру), оставал лем апостольським вікарійом. Вмер в монастири в Малым Березным, де переселил ся в час епідемії холери.

**БОРКАНЮК ОЛЕКСА** (1901 – 1942) – політичний діяч Підкарпатської Руси, комуністичної ориєнтації. Вродил ся в Ясині,



вчыл ся в Торговельній Академії в Мукачові, пак, в 1925 р. вступил до Комуністичної Партиї Чехословакії, яка вислава го на студії до Харківського Університету (1926-1929). Вернувшись ся одтамале проводил комуністичному рухови в Підкарпатській Руси, редактувал ідеологічну пресу, а в 1934 быв покликаний на секретаря КПЧ і посла з ёй рамена до Парламенту Чехословакії (1935-1938). По анексії Угорщыном Підкарпатской Руси емігрувал до СРСР. Высланий на акцию в рідних сторонах, трафил до неволі і быв страчений в Будапешті.



**БРАДАЧ ЙОАН (1732 – 1772)** – єпарха, педагог, редактор-видавець. Вродил ся в Торисках на Бардишевщині, гімназіальну едукацію одбыл в Спишській Капітулі, студії в Трнаві. В 1755 р. приял священничий сан, в 1860 по-кліканій на архідиякона кафедрального собору в Мукачові, там тіж викладал в богословській школі. В 1764 р. быв емісарійом Мукачівської Єпархії во Відни для юридичного одокремлення ёй од римокатолицької залежности. В 1768 р. піднесено го до сану єпископа. Был автором букваря (*Буквар или руководіє хотящим учити ся письмены руско-славенскими книгу*) і збірник молитв, в яких то видањах досмотрено ся „схізми“ (наклад букваря спалено, заховали ся лем з примірники). Был змушений до зложиня присяги на „ісповіданя віри“. Пресия на його особу викликала (подля П. Р. Магочія) передчасну смерт.




**ВЕНЕЛІН ЮРИЙ (1802 – 1839)** – славіста, історик і етнограф (правдиве назвиско Гуца). Вродил ся в Тыбаві на Підкарпатській Руси. Основну освіту отримал в Ужгороді. Як сиротом, опікувалася ним місцева духовна зверхність, которая хотячи го видіти священником, післала на науки до Сатмар. Не находячи в собі такого покликання, Юрко втюк до Галичини і

вступил на Львівській Університет. Там занурився в студії над славянством і мріял виїхати до Росії. В 1825 р. поступив на Московській Університету, на медичний факультет – для інтратного зарібку. Історично-філологічні науки поглибляли як самому. В 1928 р. виступив в пе-чати, а посвятилися передовицтвом болгаристиці. В 1830 р. отримав од Академії Наук делегацію для дошлідження в Болгарії пам'яток языка, писменства і іншої давнини. І при цьому викликав до кінця життя, хоць короткого, остал. Є корифеєм для Болгарів, що для нас гордість. До-шліджал однакож і язык та культуру Підкарпатської Русі



**ГНАТЫШАК ОРЕСТ (1887 – 1942)** – юриста, громадянський діяч. Вродився в Чорним, де його нянько, о. Гавриїл, був тоді парохом. Гімназію закінчив в Новому Санчах, право студіював на Віденському Університеті і Львівському Університеті, де отримав звання доктора філософії. В 1914 р., перед самим війном зачав адвокатуру в Леску і одразу був взятий до Талергофу. По війні працював в Перемишлі, а в 1928 р. отворив адвокатську канцелярію в Креници, де влучився барз активні до політичного і культурного життя Сандеччини. В 30-их роках міцно діяв в Лемко-Союзі, був його ведучим. Велькі ста-рання придал тіж створину Апостольській Адміністрації Лемковини, введінню лемківського языка до шкіл. За німецької окупації був заарештований (1942) і вивезений до лягру смерти Аушвіц-Біркенау, одкале ся уж не вернув.

**ГОМІЧКОВ АЛЕКСАНДЕР (1830 – 1892)** – урядник, публіцист. Вродився в с. Туря Пасіка на Підкарпатській Русі. Гімназію закінчив в Ужгороді і Кошицях. Вчався в духовній семінарії, але священниче покликання замінило професію урядника і займав ріжни керівничі посади в фінансовій сфері. Публікувал від Відня, Ужгороді, Львові дописи на соціально-економічні теми, але тіж з обсягу історії та культури Русинів. Спільно редактував з братом Миколаєм часопис Карпат (1873-1886). Написав оповідання „Покориня Ужгорода” і дакус верши.



**ГРАБОВСКІЙ ЕМІЛІЯН** (1892 - 1955) - маляр, графік. Вродил ся в Ужгороді в родині польського емігранта, участника січневого повстання 1863 рока, якій ратувал ся втечом пред царськима репресіями. Гімназию кінчыл в Ужгороді, малярство студионувал в Будапешті (1911-1915). До Ужгорода вернул ся по войні і влуччыл ся до славной богемы русиньского Піемонту малярства. Намалювал велько пейзажів - векшыном краєвидів Підкарпатской Руси, рідного му міста Ужгорода. На фото - меморіальна таблиця в Ужгороді, на будинку де мешкал Еміліян Грабовскій.



**ГУМЕЦКІЙ МОДЕСТ** (1842 - 1899) - лікар, писменник і публіцист, державний адміністратор. Вродил ся в Токарни к. Рыманова в родині священника. Середню освіту закінчыл в Жешові, медичны студіі на Ягайлоўским і Віденськым Університеті. Такой щіле професийне жыття провывол як лікар в Кросні, а в роках 1883-1887, як порівняно молодий ішы человек, занимал аж і посаду бургомістра. Велике дохторське взяття дозволило му доробити ся шувного маєтку, якій похоснувал на выкупліня на власніст нашого села Ріпник, де казал ся поховать. Творил в жанрах поезії (м.ін лірыкы характеризуючої ся велькым вривязаньем до рідных гір), прозы і драмы, писал в тогочасным галицьким язычию, по польськи і по німецьки.



**ГЕРОВСКІЙ АЛЕКСИЙ** (1883 - 1972) - політичний діяч і публіциста. Внук славного русиньского політыка А. Добрянського (см. ЛР 2011). Вродил ся во Львові, середню освіту здобывал в... Іннсбрку (де товды мешкала родина, а де дідо перебывал на політичным одосібнінью), університетску - в Чернівцях. Його біографія, вандруваня по съвітах старчыла бы на грубу книгу, мешкал і діял (окрем часу „бабусі”

Австрії) в Росії, Югославії, Чехословакії, Уграх і в Америці, де довершыл жыття. Был съвідком Мармарошских антиправославных процесів і участником тамтых подій, емісарійом по російській страні в час I съвітової війни, служыл в армії Денікіна, брал участ в конгресах народовых меншын (м.ін. Женева), двадец з гором років борол ся за автономію Підкарпатской Руси, писал листы до Сталіна... і вмерал заведений, же тот остатній заміст дати речену автономію українізувал його рідний край.

**ГЫЖА МИХАЛ (1902 – 1964)** - медик, соціально-громадскій діяч. Вродил ся в Высовій, гімназию кінчыл в Горлицях, медицину студионвал на Ягайлоньским Університеті. В 1930 році на Львівским Унівеситети отримал званя доктора медичных наук. Працувал за професійом в рідным селі, ту тіж влучыл ся (враз з няньом – Марком і братом – Орестом) до суспільной працы. В червці 1934 рока был арештуваний і пят місяци вязнений в Березі Карпузкій. По войні, будучы в Німеччыні, виіхал в 1949 р. до Америки. Вмер в нашлівстві дорожовай колізії.

**ДОКЛЯ ТЕОДОР (1931 – 1982 )** - см. ЛР 2011



**ЖАТКОВИЧ ПАВЕЛ (1852 – 1916)** - культурний діяч і видавец. Вродил ся в Ужгороді. Працувал на Підкарпатской Руси як громадскій нотар. В 1891 р. виіхал до Америки і одраз влучыл ся до народной діяльности, будучы членом-основательом Объєднання Греко-католицьких Русских Братств. В 1892 р. заложыл і до 1914. редактувал часопис той організаціі – „Американскій русскій вістник”, посередництво якого за двадцет з гором років борол ся з проукраїнско ориентуваным Галичанами за русиньскую достоменніст. Жебы мати вплыв на молодіж, заложыл в 1910 р. спортиве товариство „Соколы”.

**ЖЫДОВСКІЙ ІВАН (1897 – 1982)** – юриста, публіциста і політычний діяч. Вродил ся в Шаришским Ястрябю. Середню освіту перервала му в 1915 р. мобілізация до цисарской армії.



Одтале трафил до неволі а пак нашол ся (1918-1919) в більшовіецькій армії, де служив як комісар. Вернувши ся на Пряшівщину довершыл середню освіту і закінчыл виділ права на Університеті Коменського в Братиславі (1924). В меджевоїнню быв ведучым Рускої Народної Партиі і русофільської фракції Центральної Рускої Народної Рады. В час ІІ сьвітової війни брал учас в підпільній Карпаторускій Автономній Раді Национального Освободжыння. В час українізації Пряшівщины 50-ых років стоял в опозиції.



**ЗВОЛІНЬСКІЙ ЯРОСЛАВ (1929 – 2002)** – журналіста, громадскій і церковний діяч. Вродил ся во Фльоринці. В часі німецької окупації закінчыл українську учительську семінарию в Креници, але не подал ся николи плеканій там ідеології. В 1950 р. зачал науку в духовній семінарії в Варшаві, одкале быв взятий до войска. В часі політичних змін половины 50-ых років быв серед активных діячи Зеленогірщины што дужыли до створина організуваного жыття Лемків в Польщі і повороту на рідну Лемковину. Шыкануваний через власти змушений быв перенести ся до Кошаліна. Нешлідний за 30 років, явил ся на арену діянь враз з покликаньом в 1989 р. Стовари-шыння Лемків (был членом Заложительского Заряду). В 90-ых роках выдал по польськы пару трактуючых о найнівшій історії книжок (тіж монографію Фльоринкы) і збірку верши по лемківски.



**ЗІЛИНЬСКІЙ ІВАН (1879 – 1952)** – лінгвіста і університетский выкладач. Вродил ся в Красній, гімназию кінчыл в Перемышли, студиовать зачал на вицілі богословія Львівского Університету (1900-1902). Пак перенюс ся до Віденського Університету на славяньскую філологію (докторат – 1907). Вчыл в українських гімназиях Галичыны, а в роках 1926-1939 выкла-

дал на Ягайло́нським Університеті, де отримал звання професора східнослов'янської і української філології (1931). В роках 1944-1952 був професором Карлового Університету в Празі. Видал ряд праць з обсягу лігвістыки. Як пише П.Р. Магочій: *Незважаючи на то, що І. Зілинський уважав русинську бесіду за діалекти українського языка, був він єдним з перших україністів, одзначаючих, же діалекти Підкарпатської Руси становлять групу одмінну од бойківських і гуцульських, якими бесудують переважні в Галичині.*

### **ЗМІЙ-МІКЛОВШІЙ ЙОСИФ (1792 - 1841) - см. ЛР 2011**



**КАЧМАРЧЫК ТЕОФЛЬ (1843 – 1922)** – суспільно-політичний діяч, публіциста. Вродився в Чорnym. По скінчыню теології висвятився в 1873 році. За своїх також 50-ох років священства 43 провьюл в Білцареві, ту тож є похоронений. Діял на вшыткých можливых просторях. Был великим оборонцем чести Руснака, його віри, культури і языка. В урядах бесідувал, писал урядовы писма лем по рускы (як ся товды гварилю). Спілзаложитель Руской Бурсы в Санчы (1898), лемківской кредитовой касы Надія в Креници; был обераний на члена повітової ради. Вязень Талергофу (перебувал тож в місци одосібніня в Гнас) Публикувал в руско- і польскомовній галицькій пресі, тож в еміграційній. За життя органальні вынагородили го краяне, выбираючы на президента Лемківской Республики (1918-20) його сына Ярослава.



**КЫЧУРА ШТЕФАН (1912 – 1997)** – громадський діяч і публіциста. Вродил ся в Детройт, в родині лемківских емігрантів з Верхімкы, де з ним вернула ся матір дораз по народинах і де провьюл дітинство. В 1928 р. поіхал зо сестром до вітця в Америці і остал на все. На арену діяння виступил дост пізно, аж кінцем 60-ых років. Был членом виконавчого комітету Лемко-Союза (1967-69) і спілредактором газеты Карпатска

Русь (1970-1971). Піднимал, враз з Т. Докльом, проби змінити комуністичний напрям Лемко-Союза, а кед ся тото не повело – єднати ся з проукраїнським Союзом Лемківщини. Видавал місячник Лемковина (1971-1982), де пропагувал свої погляди і критикувал комуністичны власти Польщы і Ч-ССР деционалізаторську політыку взглядом Лемків/Руснаків.



**КОНТРАТОВИЧ ЕРНЕСТ (1912 – 2009)** – маляр і педагог. Вродил ся в с. Кальна Розтока на східній Пряшівщині. Підчас науки в учительській семінарії в Ужгороді (1928-1932) одвиджувал громадску школу малюваня, організувану корифеями русинської штуки – Й. Бокшайом і А. Ерделі, а зачавши сам малювати (будучы на штоден учытельом) – тым способом продожыл традиціі підкарпатской школы малюнку. Вытворил при тым власний стыль – варіант експресіонізму. Тримал ся тематики браной з рідной культуры, а по занятю в 1945 р. Підкарпатской Руси через СРСР і нашмариню штуці соціалистычногго реалізму, позувал на дивака і остал собом.



**КОЧІШ ЄВГЕН (1922 – 1972)** – різбяр і маляр. Вродил ся в містечку Куля, в родині бачваньских Руснаків. Талант взял по вітци – музыканті і малярю самоуку. В 1942 р. – по анексіі Войводини через Мадярів – арештувано го за гейбы антидержавну діяльніст і зослано до лягру. Одтале нашол ся в мадярскій армії, а пак втюк, в 1944 р. до ческих партизантів. На науку пришол час аж по войні, коли то студиовал в Академіі Штук з Загребі. Намалювал вельо реалістычных портретів, вырізбил вельо погрудь, в тым і русинських діячи.

**КРЫНИЦКІЙ МИХАЛ (1797 – 1862)** – священник, історик. Вродил ся в Теличы. По принятю священства служыл в Ганчовій (1828-1843) і пак до смерти в рідnym Теличы. Як пасионат давнины, зобрал соткы документів тычучых ся історіі західній

Лемковини, що нашло місце в труді *Историческое состояніе на-  
містничества Мушиńskiego в згляді фізично-політичном и релігій-  
ном* (1853). Боронит в ним автохтонності Лемків на своїй землі. Є уважаний за основоположника лемківської історіографії.

**КУТКА ЙОАН (1750 - 1812)** – педагог, церковний і культурний діяч. Вродил ся в Сукові на Пряшівщині, вчыл ся в Ужгороді і Кошицях. В 1775 р. приял священство і онедолга остал секретарем єпископа А. Бачинського (см. вище). Был тіж викладавцем духовної семінари в Ужгороді, а даякій ча і єй ректором. Єднако найбаже заслужил ся виданьом *Букваря языка рус-  
каго* (1797), який мал три перевидання, остатнє в 1864 році. Зас  
його *Катехисіс малый или наука православно-христіанская* діждал  
ся аж єденадцятьох перевидан, а остатнє явило ся 1931. рока (!). Тот труд, з нагоды 250. річниці народження автора, порівняно  
широко представлено в нашим *Лемківським Календарі* 2000.



**МАНДИЧ ОЛЕНА (1902 - 1975)** – різбрярка. Вродила ся в Джюлешті, в пілнічній Румунії (правдиве назвиско Шіналі, родиче били єднако Русинами). Середню освіту здобыла в Кошицах і Будапешті, пак студіювала в Празі, м.ін. Академії Штук (1922-1925). Пак подорожувала по Німеччині, Франції і Італії. Вишла замуж за Івана Мандича, який зміщил єй любов до рідного краю – Підкарпатської Руси. І тій, взагалі Русинам посвятила в меджевоєнним часі векшыну творчості. Створила вельо погрудь і памятників – Добрянського, губернаторів Підкарпатської Руси – Жатковича і Бескіда, Митрака (але тіж президента Масарика). Вершыном єй таланту остає памятник Александра Духновича, представленого з книжком і учеником при боці, в Пряшові (1933), який є культовим місцем для нашої культури. По войні, в комунізмі не нашла уж климату ани зрозумління.

**МАЦИНЬСКІЙ ІВАН (1922 - 1987)** – поета, прозаїк, драматург і культурний діяч. Вродил ся в Меджелабірцях (корени його




роду досмотрюють ся в нашій Мацини). Вчыл ся в греко-католицькій рускій учительській семінари в Пряшові (1934-1941), студиовал в Выхідній Школі Політичних і Суспільних Наук в Празі (1945-1949), заочні довершал студії в Університеті Шафарика в Пряшові (1970). Зачал писати по росийськы, пак од дозрілої молодості, яка выпала на час шаленої українізації (од 1952 р.), подал ся тій ідеології і писал по українськы. Критикувал єднако спосіб, в якій нашмарено Русинам достоменіст, а порываючо выразил тото в вершы *Лемки*, де писал: (...) *Розпродані оптом, ми всі помаленьки / Вже знаєм: усе в нас горить надрама...* В даным часі і в даній ситуації положыл великы заслугы в області русинської культуры і літературознавства.



**МАЧИК КОНСТАНТИН (1862 - 1938)** – юриста і громадскій діяч. Вродил ся в Старій Любовни, вчыл ся в гімназії в Пряшові, студиовал на юридичным факультеті Будапештського Університету (докторат - 1889). Працувал в судах Підкарпатской Руси, центральних Угор і в Войводині. В чехословацьким періоді занимал дост важны становиска, м.ін. члена Чехословацького Конституційного Суду в Празі. Корыстаючи з того забезпечал стипендії для студентів - Русинів. Тым ци не найбарже прислужыл ся народови, понеже в переконанях остал на все московофільом. Выдал *Мадярско-русский юридический терминологический словарь* (1928).


**НОДЬ МИКОЛАЙ (1819 - 1862)** – педагог, хормайстер і поета. Вродил ся в Нірвашварі, серед мадярських Русинів. Закінчыл духовну семінарию в Ужгороді, де вчыл ся музыки і диригентури під оком славного Константина Матезоньского (основоположника хорового съпіву в Підкарпатской Руси). По принятю священства служыл в Сигеті, де заложыл церковний хор і русинську школу (1843). Деякій час викладал в ужгородській духовній семінари, а од 1849 рока служыл в Церкви Св. Варвары

во Відни. Выдал цінну збірку власной поезії і народных пісень *Рускій соловій* (1851) і збірку церковных пісень для діти *Память из отпуста добрым дітєм* (1851). Вмер молодо, з причины – як твердат дошлідники – неоправданого політично-ідеологічного моббінгу.



**ОРИСИК АНДРІЙ** (1922 – 1998) – різբяр в дереві, сын славного Михала Орисика. Вродил ся в Вільці на східній Лемковині, різбы вчил ся од няня. В 1945 році переселений був до Гутиска к. Бережан на Тернопільщині, пак жив в знаным курорті Трускавець. Створил ряд побутових різб люди і звірины векшого і меньшого формату. Творы Андрія Орисика находят ся музеях Києва і Львова, тіж в Музею Лемківської Культури в Зындроновій і приватним коллекциях.

**ПАРФЕНІЙ ПЕТРОВИЧ** (бл. 1592 – 1665) – монах, єпарха, релігійний діяч (світське ім'я Петро). Вродил ся в Сикель на піlnочи Румунії. Был ченцом Монастыря Св. Миколая в Мукачеві, де свої впливи мал єпископ Василь Тарасович, прихильник ідеї церковной унії, яка обіцяла юридичну і материяльну рівність з римокатолицьким духовенством. По вельох перипетіях (декляраціях приступлення до унії і вyrікання ся єї). Тарасовичи і Петровичови повело ся скликати до каплиці ужгородського замку 63 священників (што становило 10% клиру єпархії) і приняти унію, проголошену офіційні в Трнаві 1648 рока. Парфеній остал першим унійним мукаївським єпископом



**РЕПЕЛА НЕСТОР** (1923 – 2002) – прозаїк і поета. Вродил ся в Біцареві на Сандеччині. Молодым застала го II світова война, в час якой зазнал великої поневірки. По повороті домів не застал уж родичів, выселено іх на Україну. Поїхал за нима і прібувал вернути ся враз до рідного села. Totы пробы ся не повели і родина на стале оселила ся на Донбасі. Долгими

роками писал спомини з власного жыття і о жытю Лемків. Час на іх публикацию надышол аж в 90-ых роках, по навязаню контакту з Редакцийом „Бесіда”, де пак явило ся вельо його творів. Стоваришыня Лемків выдало збірку його вершів *Mісце при столі* (2001), а проза – спомини ввошли до выданой в 2002 р. антології *Ци то лем туга, ци надія.*



**РОМАН МИХАЛ (1912 – 1995)** – публіциста, редактор і громадскій діяч. Вродил ся в Коннема в Пенсильванії, в родині русиньських емігрантів. По закінчыню Пітсбургского Університету (1936) зачал працювати в газеті Американський русский вістник. Понад чотырдесят років (1937 – 1980) быв головным редактором того выданя, в його русиньской і (од 1953 р.) англіцкій версії. За цілий тот період выдавал тіж альманах – календар Объєднаня Грекокатолицьких Руских Братств. Пере-конаний русофіль, під конец жыття, по перемінах в Европі 1989 рока склонил ся гу признаваню Русинів окремым народом, а не *веткой* росийского.



**САЛАМОН СИЛЬВЕСТЕР (1912 – 1988)** – поета, прозаік і белетриста. Вродил ся в Беркасові (Войводина). Гімназию закінчыл в Загребі (1925-1933), пак духовну семінарию во Львові (1933-1936). Товды перебывал гын „отец” бачваньских Руснаків о. Гавриіл Костельник, але його ідеі є не позначыли ся на дальшым жытю Саламона. По львівській едукации вернул ся до Югославії і парунадцет років служыл своім краянам. В 1953 р. емігрувал до Америки, де (Огайо, Каліфорнія) тіж дожыл жыття як грекокатолицкій священник. Посмертні выдано в двох томах його творы (1889), якы вміщают поезию, оповіданя, есеі.

**СИЛЬВАЙ СІОН (1876 – 1932)** – драматург, маляр, композитор і диригент. Вродил ся в Сускові на Підкарпатской Руси. Сын священника і писменника Йоана Сильвая (1838-1904).



Закінчыл в Ужгороді гімназию і духовну семінарию і в 1900 р. приял священство. В селах, де служыл, основав церковны хоры, з посеред которых деякы осягнули професийний рівен. Опубликувал збірку „Пісні”, з котрой його гымн *Молитва Русина* є виконувана до днес при ріжних народных околичностях. Пару його драматычных дворів виставил в 30-ых роках театральний кружок Товариства ім. А. Духновича а теж професийний Земський Підкарпаторуський Народний Театр.



**СКУБАН МИКОЛАЙ (1932 - 1993)** – белетриста, журналіста, перекладач і актор – аматор. Вродил ся в Куцурі, єдным з векших осередків бачваньских Руснаків. По закінчыню гімназії в Рускым Керестурі і Вербасі працувал як журналіста в руснацкій редакції Радия Но-вий Сад (1950-1955), а пак в газеті „Руске Слово”. Писал од молодості, а його збірки творів, векшыном вершы для діти, зачали выходити од 60-ых років. Выдал тіж три томы прозы, спосеред якіх найважче поводжыня мала збірка оповідань „Стари ствари” (1976). Тлумачыл на рідний з ріжных языków, тіж і його творы переведено на пару языków (в тым і лемківскій).



**СОЛИНКО МИТРО (1932 - 2009)** – маляр, громадскій діяч. Вродил ся в Жыдівским на серединній Лемковині. Осьвіту розпочал здобывать в Дукли, а переселений в 1945 році на Україну (Донецка область, пак по невыкараных пробах вернути ся до Карпат родина осіла на Тернопільщыні), довершал ёй в Бережанах (1951 і во Львівским Лісотехнічным Інституті (1956). Як маляр сямоук створил понад 1500 пейзажів, векшыном рідной Лемковины і портетів. Выставлял в шыршым сьвіті, але радо приїзджал тіж зо своіма творами на нашы імпрезы – в Зындронівій, Креници, Михалові.



### **СОЧКА-БОРЖАВИН ВАСИЛЬ (1922 – 2010)**

– поета, публіциста, історик літератури, педагог, громадській діяч. Вродил ся в Берегові на Підкарпатській Русі. Гімназию закінчил в Хусті (1940), студії ропочал на Будапештанським Університеті а закінчил на Ужгородським Університеті (1950). Писати і видавати, по росийськи, зчал в молодості (перша збірка поезії „Горы і доля” – 1940). За комунізму пресмыкувал ся по ріжних посадах, а коли в 1989 р. наступило русинське одрідання, зчал творити в рідному языку. І міцно діяти. Был спілзаложyтельом і ведучым Товариства Карпатських Русинів, членом Світової Ради Русинів (1991-1995). В публіцистиці проявил велику симпатію до Лемковини, як ниякій інчий сучасник з оного Бескіда пропагувал лемківську культуру і літературу.



### **ФЕНЦІК ШТЕФАН (1892 – 1946)** – педагог

диригент, публіциста і культурно-політичний діяч. Вродил ся в Великих Лучках на Підкарпатській Русі. Гімназию кінчил в Ужгороді і Берегові. Студилювал в роках 1910-1922 теологію і філософію на університетах в Будапешті і Відни, франузький язык і право в Парижи, музику во Відни і Будапешті і право на Дебрециньським Університеті. В 1918 р. приял священство. Был учителем в гімназіях і семінарях Ужгорода, керувал в ужгородській кафедрі хором „Гармонія”, хором Товариства „Боян” та хором і оркестром „Філармонія”. Подля I. Попа – *был найамбітнішим політиком меджевоенного періоду ХХ століття*, виступувал в інтересах Підкарпатської Русі, в тым о єй правдиву автономію, по цілій Європі. В 1934 р. позбавлено го священства. По занятю його краю через совітів был арештований і 30 марта 1946 р. розстріляний.

**ФІНЦІЦКІЙ МИХАЛ (1842 – 1916)** – юриста, фольклориста, перекладач і громадській діяч. Вродил ся в Вельких Капушанах к. Пряшова. Вчыл ся в гімназіях Ужгорода, Егеру і Пешту, де



зайнтересувал ся росийском літературом і в пізнійших роках перевилю на мадярській язык вельо творів Пушкіна, Лермонтова, Тургенєва і Гоголя. По закінчыню юридичного факультету Пештанського Університету (1867) працувал правником в Ужгороді, а в роках 1890-1894 і 1904-1916 быв там бургомістром. Найбажне заслужил ся єднако через зображення великого числа народних пісень і байок.



**ФІРЦАК ЮЛІЙ** (1836 - 1912) - єпарха, церковний і громадський діяч. Вродил ся в Худльові на Підкарпатській Русі. По науках в богословській семінарії в Ужгороді закінчил Центральну Теолігічну Семінарію при Віденським Університеті (1856-1859) і в 1861 р. приял священство і зачал викладати в грекокатолицькій духовній семінарії в Угороді, а в роках 1876-1887 быв ей ректором. В роках 1887-1890 послувал в нижній палаті Угорского Парляменту, а в 1891 р. быв покликаний на мukачівського єпископа. На тій посаді, м.ін. через тайни діяння з мадярським урядом, вельо вчынил для поліпшення матеріяльного стану вірных, шкільництва. На одміну своїм попередникам мадяронам, дбал о церковнославянській язык в богослужињах і русинській в проповідях.



**ХОМИК ВАСИЛЬ** (1933 - 2002) - поета, фольклориста і педагог. Вродил ся в Мисцовій к. Дуклі. В 1945 р. быв переселений на Україну, на Донбас, одкале пак родина переїхала до Галичины. В 1957 р. закінчил філологічний факультет Львівского Університету і долги роки працувал як учитель. За ціле життя заворожений быв лемківським фольклором, записал тисячі пісень, баллад, байок, легенд, приповідок, забав, загадок. Выдал дві збірки поезії, опубликувал тіж *Коротку антологію поезії лемків - Квіти Бескідів* (1998). В рукописі осталася


рахуюча понад 300 сторін формату А4 антологія – чытанка *Віночок для лемківських діточок*, яка є сувідоцтвом, же мриял він о вчynю нашых діти рідного языка, што в совітських і українських реаліях не годно ся було сполнити. Ачий і зато єй копія нашла ся в Редакціі „Бесіда”.



**ШАЛАЙДА ВАСИЛЬ (1922 – 1978)** – різбяр. Вродил ся в Балутянці к. Рыманова. В 1943 році закінчил торговельну школу в Саноку, а в 1945 р. выселений был на Україну. Біографи не подають його едукаційної дороги ани не окрісялють часом професійного життя. Відомо лем же працувал як викладач Архітектурно-Художньої Школі в Одесі, пак трудил ся в виробничим комбінаті Одеського Художнього Фонду. Зачынал як творець плескатом різбом, пак перешол і на округлу. Його різби, позначені рівнем професионала експонуваны были в Москві, Києві і Одесі, де жыл.

**ШЕВЧЫК ТРОХЫМ (1912 – 1979)** – педагог, географ. Вродил ся в Ждыни. Як самоук опанувал шкільний програм, якій дозволил му здати екстерном егзаміны в горлицькій гімназії. Вступил на історично-філософічний факультет Ягайлонського Університету, але війна перервала його студії. В 1945 р. выселений был на Україну, де закінчил географічний факультет Львівського Університету. Заочні закінчил аспірантуру при Ленінградським Університеті. Вчыл в середніх школах географії і чуджых языков, окрем східнославянських знал німецькій, англійській і французькій языки. Пасионувал ся географійом, історійом і культуром рідного краю, опрацувал карту Лемковину з обшырными коментарями до ней. Працувал над драмом *Трагедия Лемковины*, якой не встиг докінчыти.

Зобразив, векшыном на базі выданя  
*Енциклопедія історії та культури карпатських Русинів*  
(Ужгород 2010)  
Петро Трохановскій



Семан Мадзелян

## Семан Мадзелян\*

Вродил ся 18 лютого 1922 рока в Білщареві як наймолодший син Василя і Александри зо Щамбурів. Мал остати наступцем родичів на іх великій газдівці, прото, в одріжнінію од братів, до вищих шкіл го не послано, лем по скінчынію основної школи, остал газдувати в рідним селі. Скоро єднак пришла война і в 1940 р. забрали Семана на роботи до Німец. Втюк по девятьох місяцях і укрывал ся през якісий час. Коли зімала го поліція, родиче викупили го пред смертю, але пак трафил до Баудінсту. В 1945 р., як єден з лемківських „добровольців“, прошол червеноармійській шлях. Был тяжко ранений в празкій офензиві і по році вернул до рідної Білщареви, де не застал уж родину, переселеної на Україну. лишил ся в сусідів, з которых дівком онедолга ся оженил а пак, в 1947 р., разом зо вшиткима был переселений до вроцлавського воєвідства, де по деяким часі поневірки оселил ся в місцевости Тшмелль і там газдувал аж до половини осімдесятых років. Товдь піднял рішння о еміграції

\* Біографії до того розділу, авторства др Олени Дуць-Файфер, взято з антології *Ци то лем туга, ци надія*, дакус лем актуалізувано.

до Америки, де през двадцет років працувал їого отец і, з меджевоєнного ішы часу, мешкал брат Василь. Оселил ся над ріком Гадсон, де жило вельо лемківських родин. По, завітніх гейбы, двадцетюх роках вшытко єдно вернул ся з Америки, до Тшмеля – як сам повідат – *спочти при родині, приятелях, што неодкликано одходят.*

Творчіст Мадзеляна вишла од пісенних ліриків, близких фольклорним формам, котры спопуляризуваны остали през Ансамбль Пісні і Танця „Лемковина”.

Та літературну присутніст Семана Мадзеляна в сучасній лемківській культурі вызначат і окрислят не їого лірика, лем як раз нарраційна творчіст, котра глубоко просякнена єст ліричным чутъом з єдной страны а публицистичном і полемічном схильністю автора з другой. Сентиментальний спомин лучыт ся праві все з болячом і проблематичном сучасністю. Велика част Мадзеляновай прозы сперта єст на автобіографічній основі. Оповіданя, анекдоты, спомины, репортажы, фейлетоны, етнографічы і історичны нарисы, полемічны і критичны статі того автора од початку сімдесятых років до днес становлят інтегральну част "Лемківской Сторінки". В 1986 р. Накладом Сандецкой Выдавничой Офіцины (Sądecka Oficyna Wydawnicza) вышло в перекладі на польскій язык Мадзелянове оповіданя *Смак долі* (*Smak doli*), в 2000 р. выдавництво "Наша Загорода" опублікувало збірку прозы під таким самым наголовком – *Смак долі*.

## СЕМАН МАДЗЕЛЯН

### Млин над Мостишом

Трудно юж гнеска трафити до жерел того старого лемківского млина, котрий ішы до половины 1947 рока стоял міцно над річком Мостишом і робил услугу околичным газдам. Трудно юж гнескы повісти, в котрым році был побудуваний і як майстрове пустили їого в рух.

Ішы в нещестну для Лемків яр, їого велике колесо крутило ся цільма днями, лем в неділі і свята одпочывало нерухомо. Але і тово не цілком так, бо в горячы недільны

пополудня прилітували ту маленькы діти, жебы ся похляпати ярковом водом і поколисати на колесі. На тот час була то солідна забудова, зведена з грубых ялицьових тесаных кльоців, прикрытих гонтами. Денегде на старым сірим дасі біліли новы латкы, вставлены в такы місця, де протікало. Был то доразний ремонт, бо в боіску стояло шістдесят кіп новых гонтів поскладаных гарді в клітках. Під стріхом столоды сушыли ся три колоды ялицьових дощок, призначеных на туту саму ціль.

Кожде слідуоче покоління газдів было свідоме того, же за свого ґаздування повинно хоць три раз одновити дах над своїм головом – товды зруби будуть стояти віками. Забудова млина мала форму букви "П" з великим подвір'цем посередині і з видільним заїздом од дороги. Мешканя, або загально звана "хыжка", була поділена на такы части: хыжка (кухня), комора, сіни, комірка, іздебка (світиця) і куната. Столода, котра стояла по другій стороні подвір'я, мала зас: причілок, пелевню, боіско, стайню, возовню (часто була тіж дровутня доставлена до щыту). Обі туты будовы лучыл од заходу млин і творил єден господарчо-промысловий корпус. Од стороны річки до млина був прокопаний ярок, в которым були вставлены дві деревяны шлюзы. При іх помочи млинар регулювал стан води і працу млина. Ярок перелітувал просто през пару садків млинарьових сусідів, котры мали з него туту выгоду, же не мусіли копати студні, або ходити по воду до Мостишы.

Добром приметом млина було і того, же стоял близко скрижування двох "цисарок", котры з пілночи і заходу в двох напрямах провадили "на Венгры". Втovды на Лемковині, праві же в кождій хыжи был ручний млинець, а в меджевоєнний час декотры газдове пристосували іх до кінных кератів. А коли ходило о ліппшу муку, так званий "пытль", то домовым способом не дало ся ей зробити і треба было корыстati з ліпшої техніки. Правдивий ренесанс пережыл tot млин, як окупацийны власти поконфіскували або побльом-бували вшыткы млинці, а газдам дали т.зв. "мелькарты" які гонорувал згаданий млин.

Тот млин містил ся в найважнійшим пункти села, бо зараз лем през дорогу, стояла велика Моськова корчма з розма-

ітym інчым крамом. Был то тот сам Мосько, котрого в 1914 році царски козаки звязали за пейсы разом з його братом Іцком і змусили іх скакати през млинарів ярок. По тым "жарті" Моськови остала памятка на ціле житя - біла плямка медже чорним волосьом, коло лівого уха.

По правій стороні закрута стояла державна почаta з єдним етатом, в котрій урядувал наш Лемко, Ваньо. Был то його власний дім, як на тотy часy, барз гардий, з двома ганками. Зараз пред мостом, на так званых "Камінцях", стояла так само гарда хуїжа Цигана Кузьмы, котрому на околицю не було рівных в ковальській штуці. В першу сьвітову війну Кузьму тяжко поранило на талиянським фронті і протo мал кус коротшу єдину ногу, але того не так дуже перешкаджало йому в роботі. Як інваліда воєнний, брал невельку пенсію і дораблял не лем молотком, але і смыком на лемківських весілях. То він перший в селі купил собі в 1934 році велике радийо на голосник.

В селі, крім згаданих обєктів, була велика мурувана початкова школа, так само муруваний громадський дім, в котрим були триєр до чищыня сівного зерна, находилося там тіж пожарне знаряддя. Були в селі тіж два тартаки (паровий і водний), кооператыва, оліярня і до 1930 рока лем єдна красна мурувана церков. Потім поставлено ту другу, меншу деревяну. Од початку тридцятих років існувал рівнож мужскій монастир отців Студитів.

Але вернійме до млина, котрий може не так інтересний як його млинар - Ілько. Як вшытки інчы млины на Лемківні, так і Ільків, не мал добrой оцінкы медже людми, бо все штоси нечысте діяло ся в ним. Проходячы в ночы коло того млина, робило ся вам якоси терпко на тілі і жебы опанувати страх, треба было хоц трираз ся перекрестити. Не все в пошуку сypвали ту когуты, якоси страшно гукали совы, або пред самым носом мигнули шкарадны мышпергачы. Як часом нічном годином дахто переїзджал тади фурманком, то коні, здавало ся, без жадной причыны стрігли ухами і зловіщо форкали. Якбы не дай Боже, в тот час урвали ся вам ліць або вyleтіли з рук, то коні понесли просто в парию. Страшыло в тотy часy не лем коло млина, але і коло Казковой грушкы (давно повісили ся на ній якісий пияк), як і на гра-

ници села, коло покутного креста. Ма ся розуміти, же вшыт-  
кому винны били небіщыкы, котры за свого жыття не жыли  
згідно з законом Божым і по смерти робили розмаіты пако-  
сти добрым людям. В тым припадку і млинаре належали до  
ощустів за несправедливо поберану мірку.

Онич таке не мож было посуджати Ілька, бо был при-  
кладным християнином і стисло дотримувал десят заповіди  
Божых, не вкрапл никому нич, ани за грош. Добрі ся жыло  
Ількови, барз добрі, покля село творило єдну згідливу гро-  
маду і не было поділене на два ворожы собі обозы. Потім  
Ілько насмотрил ся на ріжны сцены, аж му в очах темніло -  
виділ неєдно. Виділ, як недавно згідливы сусіде, гнескы на  
полі метали до себе каміньом, през пліт грозили мотыками,  
або скаженом слином плювали собі до очи. Виділ, як при  
церкви сильны хлопи били ся коликами про церковны дзво-  
ны, хоругви, святы іконы - виділ не єдно і наслухал ся дост  
людского мудрування. Але в своїй молчазній вдачі, ани не  
похвалял ани не ганил жадных, лем мірял справедливу мір-  
ку, перекладал пасы на трансмісіі млина і робил для вшыт-  
кых єднако добрий пытэль.

Што думал Ілько о тым вшыткым - никто не міг забагну-  
ти. Найбарже заболіло Ілька тото, як виділ в своім млині,  
коли сусід сусідови дискретно розпорол тяжкій міх ножом,  
коли тот нюс го на плечах і зерно ся сипало до подвір'зо-  
вого болота. Чул в тот час страшний проклін пошкодуваного і  
веселій регіт його ворогів. І втводы в Ільковій голові зроди-  
ла ся збавенна мысель - одстати од вшыткых і в своій хыжи  
створити власну, од никого незалежну "церков". З кунаты  
вышмарил вшыткы бабскы лахы, а з малюваной скрині зро-  
бил "престіл", котрий оклиів зеленым паперъом. Мусіл люби-  
ти барз зелін, бо і цілу кунату прибрали тым самым кольо-  
ром. В велию святого Йордану, о пілночы, з пролубы свого  
ярку черпнул діничок свяченой юж воды, і покорпил цілу  
свою "святыню". Убрал ся в зелений священичий фелон і  
сыпівал "Во Йордані...". Повідали люде, же Ілько попросил  
Моська, котрий часто в інтересах іздил по сьвіті і тот за до-  
брьы гроши привязу му цілий ренамент потрібний "капла-  
нови". В кожду неділю постил до полудня, сыпівал антифоны,  
кондакы і вшытко тото, што сипіват священик, дяк і люде.

Ялів'цьовим дымом кадил дідовы стіны і в великій набожності дякувал Богу за хліб і сіль.

Люде, як то люде, съміяли ся з него, робили му розмаїтys збыткы, а він ім вшытко проплачал і молил ся за них. Його жена на колінах просила, жебы перестал, не робил того, але тонич не помогло. О герезі Ілька довідали ся священики обох церкви і старали ся одтягнути Ілька од того свято-тацтва, але він не спречал ся з нима, лем гарді іх просил, жебы лишили го в спокою. Декотры стары бабы посуджали Ілька о найгірше, же підписал свою душу самому Бельзебубови і радили ночом його млин оминяти з далека. То было практично неможливе, бо стоял він медже двома велькыма мостами, над двома ріками якы дале творили єдну, величезну воду.

Так было, покля над Лемовином не засвистали першы кулі другої сьвітової війни і окрутний Марс нашмарил людям свою "релігію". То терор змусил іх думати реально о Лідіцах, Осьвенцімі, ци о далекым, мало знаным Сталінграді. Лемків, якбы дахто напоіл водом з Леты - забыли не лем тово, што вчера іли, але і тово, о што ся недавно сварили. Зас з християнском любовю помагали собі в млині, на полі, забыли о Ільковых дивацтвах, і спілчували собі в родинных нещестях. Познавали ся на ново, разом на вечерницах чытали "Одкровеніє святого Іоана", або студионвали мітычны рукописы пророчиці Сибелі. Але нигде не вычытали того, же як юж приде спрагнений мир, то будут вшыткы выгнаны з рідного села і розсіяны по чужих бездорожах. Ой, не знали нашы Лемкы, што то правдива вавілонска неволя, не знали і думали, же тата "ідилія" буде тырвати вічно. Не раз в нашій історії прилітували ту одкальси моровы вітры і по селах оставали лем холеричны цминтарі. Нераз злы духи перевішали Лемків на дакотрех "Шыбеничных Верхах" або сотками вивозили до далекого Талергофу.

Але старий Русин был твердий як карпатскій тис і одрджувал ся в новым поколіню як присловлений Фенікс з попелу. Потім зас жыли собі в Божій благодаті, покля злы духи не шмарили помедже них смердячу кіст незгоды. А тым часом друга сьвітова війна тягла ся в нескінченіст і Мостиша, як і інчы річки на сьвіті, несла в своіх коломутных водах

лемківське горе до спільногого кицькавого моря. Війна - війном, а жыття свойом дорогом і люде по своїй привыгчі мали і свое особисте жыття. Молоды парібци, хоц і в поліцыйну годину, дальше о пілночы переходили коло млина. Но, бо прогвар молодому бортакови до разума, жебы ся по ночы никади не волочыл і спал на своім пецу? Він в милосным пожаданю прелетит о пілночы не лем коло Ількового млина, але і пред самым носом фронтовому постови. Молодіст має свои незаперечны права, бо лем раз в жытю ньом проквитаме, і якже ей на старіст не спомнути.

І жили собі Лемкы в атмосфері чарів, ворожыня, як од віків, покля апокаліптичний Армагедон не прилучыл Лемковину до свого східного царства і Лемків роздул по сьвіті як марний порох, а велику іх част оддал на тортуры катам Явожна. Ой доле, доле неласкава, чого ты окрутном лемківском мачохом, чого не принесла Лемкам, як другым народам, волю. Чого? Вшыткых Лемків, Русинів, Українців, православных, грекокатоликів і інчых з наших рядів, вигнала з рідної землі на страшну шовіністську чужыну.

Раніцько в неділю тридцетого червця 1947 рока вигнали Ілька з його родином, вигнано село до любінської землі, до єдного з численных ту пегеєрів, в которым Ілька зроблено пастухом. Правдоподібно і при коровах съпівал набожны псалмы і был добрым пастырем державного стада. Але не встаріл ся Ілько на чужьм хлібі і вмер несподівано при полніню службовых обовязків. Поховали Ілька на державний кошт, без жадных гонорів, бо так ховали "бандитів".

А його душа? Ластівком вилетіла з болячого тіла і як блискавиця, яка зєднує небо з земльом, золотом стрілом погнала на Лемковину - до старого млина. Але не было ту юж гонтовой стріхи, де могла бы присісти, одпочыти. Ту були лем страшны руїни. Полетіла на місце спочынку родичів і дідів, але і ту не было юж зеленого барвінку, квітя, крестів. Ту росла лем коляча тернина, пекуча коприва і де-негде поєдинчий росохатий чортополох. Медже тыма символами дикости, пасли ся чыіссы коровы. Потім долго літала над рідними полями, лісами, над потоками і яругами і аж перед самым вечером, коли сонце сідало за гору, перелетіла низко над спіненом Мостишом, скрутила до давного ярку. Але і ярок


засыпано съмітьом. І коли так блукала ся, Добрий і Справедливий Судя змилосердил ся і взял ей на свої небесны теремы, без земной покуты.

## Епілог

Од перших дни небытности Ілька в млині, злы духи так ся осмілили, што страшыли юж не лем в ночы але і по цілым дни. Дябли цілком явно в Ільковым пецу палили самогонку. Ден і ніч дудніли посады млина і далеко чути было чортовий регіт і збішений танец "встеклой полькы" (танец санчівських ляхів). Пекельне братство справляло свій банкет побіды зла над добром. А вшыткому завинил Ілько, бо взял зо собом на чужыну свячену воду і кропило. Тырвало то понад рік, до неділі святого пророка Ілії. В тот ден од самого рана над млином громадили ся чорны хмары, а по полудни не то же ляло, але на землю сходили тяжкы од воды хмары і страшным громом ръгчали Карпаты. Невелька Мостиша замінила ся в великой потугы Дунай. Ту юж не было Ілька, жебы заставити водну шлюзу на ярку. Яркова вода так розобертала коечо, што оно в збішеній силі стягло млин з фундаментів і повлекло спіненом ріком до моря. Може нашол го старий Нептун і як рідкісний експонат приховал го в своїм музею?

\*\*\*

Лемківскій чытач без труду найде річку Мостишу і місце повышшой дії, бо Мостиша, як і сам Ілько, сут правдивы. Має ся розуміти, же млин розграбили і зруйнували люде, так як і більшіст нашых історичных безцінных памяток. Можна лем про них спомнуги пером. Не раз ходил ём до Ількового млина, знал ём Ілька добре, мал ём тіж нагоду видіти його "святыню". З перспектывы років, мимо волі насуват ся думка, ци часом Ілько не был нашым лемківским Сковородом, котрий в простій філозофії одгородил ся высокым муром рідной хыжы од розвареного села і створил свій світ, в якым чул ся найліпше? Діогены родят ся рідко, і звычайно сут през сучасну цивілізацію уважаны за диваків.



## Павел Стефановскій

Вродил ся 3 марта 1932 р. в селі Білянка. Акция "Вісла" шмарила його родину до олавского повіту на Нижнім Шлеску. Закінчыл професийну шлюсарську школу в Олаві і Ліцей Рільничой Механікы в Квідзиню. В 1952 р. зачынат студия на выдлі механікы рільництва Варшавской Політехнікы, але уж на першим році прерыват іх з причыны клопотів зо здоровьом і невеликого заінтересуваня предметом. Піднимат працу в Выдлі Культуры і Штуки в Олаві. В 1953 р. покликаний остає до войска, де кінчыт Выжшу Офіцерскую Школу Політычну. Войскову службу лишат по жолтньовым переломі в 1956 р. "на власне жаданя" з причыны свойого заангажуваня в лемківски справы. Заангажуваня тото розвиват ся през дальши рокы жыття Павла Стефановского, найперше в зеленогірским середовиску лемківских патріотів, потім од 1959 р. на Лемковині. Єст він єдным з найактивнейших членів Лемківской Секції при УСКТ. Як фаховий інструктор культури творит вельо хоровых і театральных груп, організує лемківски фестівалі, ангажує ся як конферансёр, рецитатор і інструктор танца в Ансамблю Пісні і Танца "Лемковина". В 1969 р. кінчыт етнографію на Вроцлавским Уні-

верситеті. Стася фаховим дослідником і реєстратором культурного життя Лемків. Згromадил цінны експонаты традиційної і сучасної лемківської культури в своїм приватним музею і великий архів документів. Безперервно, зачинаючи од половини п'ятдесятих років до днес веде старання о політичне засудження Акції "Вієла" і направління кривд дознаних през Лемків. Пише сотки петицій, оскаржинь, звернень, деклярацій. В Зеленій Горі створил Тимчасовий Комітет Русинів-Лемків. В 1989 р. Покликує Громадянський Круг Лемків в Польщі "Господар" перетворений в 1991 р в політичну партію Русинської Демократичний Круг Лемків в Польщі "Господар". Головном цілю тих діянь було одзискання лемківського маєтку, предо вшытким лісів.

На літературній ниві діє Павел Стефановський все ще як піл століття. През довгі роки звязаний був з "Лемківском Сторінком" як єй сталий дописувач, а епізодичні навіть як редактор. В 1960 р. опублікувал як видання Лемко-Союза драму *Любов неволю ламле*, а од половини осімдесятых років зачали виходити оддільні збірки верши Павла Стефановського: *Ікона. Лемківський край/Icona – Lemkowski pejzaż*, (Nowy Sącz 1985) *Лемківска ікона – Lemkowski pejzaż*, (Warszawa 1985), *Лем*, (Лемковина 1991), *Lem*, (Lemkowyna 1991), *Лемківський біль* (Лемковина 2001).,, Був теж Стефановський редактором і видавцем публікуваного в девяностех роках квартальника *Бюлетын РДКЛ "Господар" - "Лемко"*.

## ПАВЕЛ СТЕФАНОВСКІЙ

### Ци помнеш, Лемку

Ци помнеш, Лемку,  
як дзвонит церковний дзвін,  
як вода в ріці булькоче шумом водоспаду,  
як ся ти дерева кланяли  
розвіданьом вітру,  
а ты єс слухал шепту природы,  
єй съпіву і плачу,  
лісів шелесту далекого,  
шуму пташыных крыл,  
рыку оленя серед темной ночы,

што ледво-ледво тя доходил,  
голосу сокыр лісорубів  
і острих ритму пилинних зубів,

Памяташ, Лемку, напевно памяташ,  
бо не забыли очы твоі  
кшталту і красы рідной землі,  
бо не забыли твоі очы  
діда, як орал на убочы,  
пастуха з мериндьом при боці,  
як гнал худобу на гору пасти,  
або як пас ёй в потоці,  
дівчыну, што в сонечний ден  
брала на горбку дрібний лен,  
як боса ріку преходила  
і, жебы кабат не змочыти,  
руком го в гору підносила,  
як твоя дівка, твоя жена,  
з кудельом ишли до сусіда,  
як ім фурчали веретена  
при съвітлі лямп до пізнай ночы.  
Парібкы вырабляли збыткы,  
дівчатам заглядали в очы.  
Можес и сам пряв з дівчыном,  
котра звільжала твойом слином  
ниточку туж-туж при кудели?  
Можес обірвал там за збыткы  
од дівчат, што на дритах плели?

Я до днес чую  
съпів дівчат і хлопців  
про жыття Лемків,  
про іх долю  
і прошу, брате,  
мою не одмітуй волю.  
Скінчме тым съпівом розмову:  
Не забывайме, Лемкы, Лемковини,  
най ёй шануют нашы сыны.

*В Білянци, 1959*

## Лемкы

Нарождены в Карпатах  
на крылах Руси  
з прадіда Хорвата  
в камінній колысці  
на вершинах пісен  
вітром колысаных  
в Білій Чорній Воді  
в Устю і Команчы  
в Лосю Красным Броді  
в старым словянським  
домку  
з трьома копулами

Пригорблены  
новым  
судьбы тягаром  
гъинут  
під єднораменным хрестом  
в більх і червеньх  
світлах рефлекторів  
Нутят пісню  
о вкраденій іконі  
о ворогах  
іх пастырських чинів  
повороту  
ключів до фуртки  
жадают  
бы вернути до іконостасу  
але діявол з ангелом  
ся завзяли  
і не позваляют

I сам Бог  
до Лемків плечами  
юж лем Михал крылатий  
і Юрій на кони  
остали з Лемками

дай ім Боже здоровя  
і виїжше місце в іконостасі  
ход на велике свято  
бы безборонных  
хранили завзято

## Лемко в суді

Пане прокураторе!  
Што од мене хцете?  
— Мільчець!  
— Мам съвідків на то,  
же-м нич не винен,  
же-м з простого люду.  
— Билесь в лесе!  
Но гадай! Так, чи нє!?  
— Так,  
                  прошу високого суду,  
я там был і буду.  
Там єст мій дім  
і ліс  
                  шуміл мому дідови  
і лігал під топором камінным.  
І орел Хорвата кружыл  
                  над няня загородом,  
і я стамаль родом.  
І стрыко мій з Руси  
без пашпорту  
ходил свободіно над Попрадом.  
І брат мій  
                  радлом  
спульхнял землю-матір.  
І Бог мій  
                  в ялицях  
і серед буків мешкал,  
і благословил  
                  стежкы Методого,  
і в Карпатах  
на білым камени з Бортного

выкул

трираменний гымн  
предків своїх.

Руки обмывал в потоку  
і ноги

зболілы, камінны  
о змроку.

І вчыл нас

вівці пасти серед лісів,  
волами орати,

множыти компери і овес.  
Вчыл нас любити каміня

і землю і небо,

і керпці і гуньку бараню,  
приодівати чугу,

і пісні съпівати,  
і дім будувати

вчыл нас

з ліса,

і хліб печы

в сонця бласку.

І замешкал з нами

в смерековій церкви

в зарослях.

Але плоту не поставил.

Не вміл може,

а шкода.

Я не знам того секрету.

Гвышли,

выгнали Бога  
силом баг'нету.

Бы засыпівати свою пісню  
на своім подвірю

Встал Лемко  
серед ночы  
взял сокыру

і отесал місяц  
в половині лютого  
потім

до сонця  
захтіл сягнути  
газда Карпат  
на яві

затримати  
над домом  
Лемків

сонце  
скрило ся за хмару  
і хоць знал

Русин  
клятву стару  
на розбитя хмары  
в новым сьвіті  
не помогли му юж

стары чары

Сонце остало  
за хмаром

а газда одышол  
до дороги

ланцухом  
до воза з волами  
привязаний

слезами  
до сонця  
і землі

верне  
в сонячний ден

я вірю  
бы заорати  
рідну ниву  
і засьпівати  
свою пісню  
на своїм подвірю

## Земля

Нич ти не дам  
до горця  
Верний ся сыну  
Мал вшытко  
і душу брудну  
свого не мал  
і слабий был  
Вернул  
впал на коліна  
поціувал  
глину і камін  
і воду в студенці  
під буком  
і чуд ся стал  
Встал  
подвійний потрійний  
а коло него  
юж стояли ряды  
свіжы молоды  
Приняла го рідна  
свята  
отулила памят вічно  
остала на земли  
в молодых  
гранітовых рядах



# Зміст

Редактор, Під знаком давніх і недавніх, але середньо важливих подій ..... 5

## ПОДІЇ

Петро Трохановський, Спии – сусід Сандеччины .....	8
Юлій Ставровський-Попрадов, Спии, Вернувшись до Отчизни, <i>Wspomnienia nad Popradu, До Карпаторусів – вершы .....</i>	16
Ваньо Гунянка, Петро Павлик – випілок з драми .....	22
Миколай Ксеняк, Жмені рідної землі – оповідання .....	24
Миколай Коневал, При границі, Опущене лемківське село, Лемківський гріб – вершы .....	30
Ярослав Трохановський, Акція „Вісла”. – То уж 65 років! .....	32
Ярослав Трохановський, Акція „Вісла” – пісня, партитура .....	56
Андрій Копча, Дакус рефлексій на 65-ту річницю Акції „Вісла” ...	68
(Ред.) Акція „Вісла” – фоторепортаж .....	72
(пт) (Минуло двадцять років) .....	76
Любомир Медеші, Перший Світовий Конгрес Русинського Языка ...	77
Петро Трохановський, Кірилиця ци латинка? – Такої альтернативи быти не може .....	89

## ЛЮДЕ

Богдан Горбаль, Отец Михал Юрчакевич (1859-1952), <i>Proboscis Łemków</i> .....	98
Петро Трохановський (опр.), Річниці туту одсьвіжиню памяти .....	134

## ЮВІЛЯРЕ

(Ред.) Семан Мадзелян .....	152
Семан Мадзелян, Млин над Мостишом .....	153
(Ред.) Павел Стефановський .....	160
Павел Стефановський, Памяташи Лемку?, Лемки, Лемко в суді, Бы заспівати свою пісню на своїм подвірю, Земля – вершы .....	161

(...) А може тото примусове пересеління  
було на руку ріжним політичним  
опціям в Польщі, не лем злым  
комухам..., як бы декотры теперішні  
демотраты хотіли.

Бесідує ся, же час гоїт раны і терпіння.  
То правда, але то завдяки тому, же тоты  
котры іх досьвідчыли одходяць на все.  
Ест іх штораз меньше і будзе з кождым  
роком меньше, аж в кінцы вшыткы  
погмераюць, бо таке ёст наше жыця.  
Останут по них споміны і стары  
фотографії. Іх племінники будут о них  
памятати, але о часах, в которых они  
жыли, уж ні.

Сьвіт, котрий неприхильны Лемкам  
і не лем Лемкам силы зачали розваліти  
в роках 1945-47, одышол безповоротні.  
Бо навет тоты, котри вернули ся До-  
мів по 1956.році, вернули ся до ока-  
ліченой землі, хыжы. Ци колинебуд  
офіры Акцыі «Вісла», іх племінники  
почуюць офіцийне слово од польской  
державы: „Przepraszamy”?

(Андрій Копча, *Дакус рефлексий*  
*На 65-ту річницю Акцыі „Вісла”.*

